

**SIXTH LEGISLATIVE ASSEMBLY OF MIZORAM
(EIGHTH SESSION)**

LIST OF BUSINESS

**FOR THIRD SITTING ON MONDAY, THE 11TH JULY, 2011
(Time 10:30 AM to 1:00 PM and 2:00 PM to 4:00 PM)**

QUESTIONS

1. **Questions** entered in separate list to be asked and oral answers given.

LAYING OF PAPERS

2. **Pu ZODINTLUANGA**, Minister to lay on the Table of the House a copy of "The Mizoram Urban Sanitation and Solid Waste Management Policy, 2011".
3. **Pu LALRINLIANA SAILO**, Minister to lay on the Table of the House a copy each of the following :
 - i. Ninth Annual Report of Mizoram Agricultural Marketing Corporation Limited (1.4.2001 – 31.3.2002)
 - ii. Tenth Annual Report of Mizoram Agricultural Marketing Corporation Limited (1.4.2002 – 31.3.2003)
 - iii. Eleventh Annual Report of Mizoram Agricultural Marketing Corporation Limited (1.4.2003 – 31.3.2004)
 - iv. Twelfth Annual Report of Mizoram Agricultural Marketing Corporation Limited (1.4.2004 – 31.3.2005)
4. **Pu P.C. LALTHANLIANA**, Minister to lay on the Table of the House a copy of "The Mizoram Junenile Justice (Care and Protection of Children) Amendment Rules, 2010.

LEGISLATIVE BUSINESS

Bills for introduction, consideration and passing.

5. **Pu P.C. ZORAM SANGLIANA**, to beg leave of the House to introduce “The Mizoram Motor Vehicle Taxation (Amendment) Bill, 2011”.

ALSO

to introduce the Bill
to move that the Bill be taken into consideration
to move that the Bill be passed.

6. **Pu ZODINTLUANGA**, to beg leave of the House to introduce “The Mizoram Municipality Authorities (Prohibition of Defection) Bill, 2011.

ALSO

to introduce the Bill
to move that the Bill be taken into consideration
to move that the Bill be passed.

NGURTHANZUALA
Secretary.

.....

DEPUTY SPEAKER : A tawp berah chuan in zain rilru hmun khatin awm ula, inlaint tawn ula, unau angin inhmangaih ula, khawngaihna nei ula, thuhnuairawlhin awm rawh u.

I Petera 3: 8.

Awle, tunah chuan vawiina kan Business tur kan lo tan ang a, zawhna leh chhanna hun a ni a. Kan Starred Question No. 13-na zawt turin Lt. Col. Z.S Zuala ilo sawm ang.

Lt. Col. Z. S ZUALA : Pu Deputy Speaker, Home Minister zahawm takin min chhan tura ka zawhna te chu –

- (a) Assam Rifle awmna tur sak mek hi a progress min hrilh thei em?
- (b) Engtikah nge Assam Rifle in sawn theihna tura peih anih ang?
Ka lawm e.

DEPUTY SPEAKER : A chhang turin a changtu Minister Pu R. Lalzirliana ilo sawm ang.

Pu R. LALZIRLIANA, MINISTER : Pu Deputy Speaker, MLA zahawmtak Col. Zuala zawhna chhanna chu – Zokhawsanga Assam Rifles ho awmna tura sak saw Minister of Home Affairs kut a ni lova, PWD ho kut a ni. Kan han zawt a, 80% zet chu a hna hi an zo tawh niin an rawn sawi a ni.

Tin, a pahnihna chhanna chu Assam Rifles in sawn hun hi a contractor te nena agreement an sign dan chuan 31.3.2012 niin, in hand over hun tur atana an siam chu a ni e.

DEPUTY SPEAKER : Zawhbelhna, zawhna neitu Lt. Col. Z.S Zuala'n a zawt ang a, chumi zawhah Pu Lalrinawma, a dawt lehah Pu Lalduhoma a ni ang a, Pathum an ni tawh a, pathum chiah zel kan la ang.

Lt. Col. Z. S ZUALA : Pu Deputy Speaker, ka lawm e. Tunhma deuh khan, tuna kan House Leader hmalaknain Khatlaah ram zau tak Assam Rifles ram Ministry of Home Affairs te nena insiam remin hmun kan nei a. Chutah chuan kan Secretariat-te leh building pawimawh tak takte kan sa a, chubakah Minister Bungalow sakna tur te, Aizawl South lam panna kawng tha takte an lai tlang baw a. Chutiang bawkin Zokhawsangah A.R hmun tur pawh pek a ni a, an sa mek a, kan hriat angin tunah 80% zawh tawh a ni a. Aizawl khawchhung traffic jam leh tawt lutuk tihthawlina tura vision tha tak neia tunhmaa an lo tih hi tlang thuai se, Zokhawsang hmun pawh saw a rang lamin tih dan a awm lawm ni, Home Ministry-te pawh hi nawr dan a awm em ? tih kha ka zawhbelhna chu a ni. Ka lawm e.

Pu R. LALRINAWMA : Pu Deputy Speaker, ka'n zawhbelh duh chu, Zokhawsang saw ka biala awm a ni a. Zemabawk V/C huam chhung ami, saw mi thlang lamah sawn Tuirial zuk pawhin Chite lui thlengin huan neitu, kut hnathawktute eizawna hmun a ni a. Zemabawk V/C ten Assam Rifle ram an pek dawn khan inremna siam a ni a, tahchuan Zokhawsanga Assam Rifle hung chhung hel turin truckable road laih a ni ang tih a ni a, tun thlengin tih ala ni lova, hei hi a rang lamin min tih sak thei ang em? tih hi ka zawt duh a.

Pahnihnaah chuan a ram an sawngbawl dan leh an chei velnaah sawn leivung paihah an fimkhur lova, National Highway 54 Beraw lui vel khu a hnawh buai thin a, kawngte pawh a tibuai thin a. Tin, an tui tlan laite pawh a tibawhlhlahw thin a Tuirial thlengin. Heng hi tun aia fimkhur zawk leh tha zawk, mipui tan harsatna siam lovin hma lak theih a ni ang em? tih ka zawhbelh e.

Pu LALDUHOMA : Pu Deputy Speaker, Brigade hmun atana Vawngawn ram lak tum kha thulh leh a ni ta em ni? Tunah enge a dinhmun tih ka zawt duh a ni.

DEPUTY SPEAKER : A chhang turin a Minister in-charge Pu R. Lalzirliana ilo sawm ang.

Pu B. LALTHLENGLIANA : Pu Deputy Speaker, pathumah ringawt chuan min rek bung lo la a tha lawm maw ni le. (Deputy Speaker : a hma khan pathum zel kha Supplementary Question lak tur tih kha a ni a, churang chuan pathumah khan kan duh tawk a, i tawt viau em ni? Anih leh i point ah khan a zawhna chiah han zawt rawh le)

Pu Deputy Speaker, ka lawm e. Assam Rifle insawna tur Zokhawsang building sakna tur hi Central atangin ni 12.3.2008 khan sanction hmuh tawh a ni a, chuta tang chuan nichina Home Minister zahawm takin a chhanna agreement-ah khan kum 2012-ah zawh fela insawn pheii tura tih a ni a. Amaherawhchu, tuna a lan danah hian insawn mai thei dinhmunah an ding dawn lo niin a lang a, an building sak dan en sawn, chu chu kan zawhna neituin a zawh ang khan Home Ministry kuta awm anga sawi kha a dik a. Amaherawhchu Mizoram Sorkar hian chak leh zual zawka an insawn pheii theihna tura Home Ministry a nawr hi Sorkar tih tur a ni dawn lawm ni? Chu chu Home Minister hian eng angin nge hma lak a tum? tih kha ka zawhbelh ve leh a ni.

DEPUTY SPEAKER : Ngawi lawk rawh Pu Ramhlun, i duhtawk tawh phawt mai teh ang. A tir atanga kan bawhpelh nghal rum rum mai chuan a tha dawnin ka hre lo. Churang chuan a zawhna pathum turah pali kan la tawh a, bul kan tan chauh a ni si a, churangin kan kalphung ang khan

i ti phawt ang. A chhang turin kan Minister zahawm tak Pu R. Lalzirliana ilo sawm ang.

Pu R. LALZIRLIANA, MINISTER : Pu Deputy Speaker, ka lawm e. Tuna zawhna neitu Lt. Col. Z.S Zuala zawhbelhna kha Pu B. Lalthlengliana zawhna nen khan a chhan kawp theihin ka hria a. Luah thei tura a chak thei ang bera nawr turin keini pawhin kan lo ti ang a, tin, tunah pawh hian kan Chief Minister pawh hian a sawi reng a, anni pawhin helaia an hotupa Brigadier te nena kan han sawihona leh kan Chief Minister te nena an in kawmnaah pawh a chak thei ang berin kan ti ang an ti a. Keini pawhin inthlan hma hi chuan luah tir ve ngei ngei hi kan duh bawk a ni. Kan duh dan kha a inang viau mai thei. Sawi turte pawh kan ngah ve deuh ang chu kan tia nih chu. Chuvang chuan theih tawp kan lo chhuah ang e.

Pu Rinawma, Zemabawk lam bialtuin a rawn zawhbelhna kha Zokhawsang atanga Tuirial kalna tur Zokhawsang tlangdung pheiah sawn huan neitu tam tak an awm a, chumite kalna tur chu anni sawn an ram kaltlang an phal loh chuan a harsa viau dawn a, heng hi an agreement, ram an lo in pek laia an lo sawiho dante kan lo chhui chhuak ang a, tichuan, kal tlang theih ngei tura an siam kan beisei a. Tin, a hnuai deuhah hian Chite chhuahah Tlungvel lama chhuak turin kawng zawn mek a ni a, chu chuan an duhna chu a phuhru ang em ka hre chiah lova, chumi a phuhruk dawn phei chuan thil tih ngai lo tur te pawh a ni mai thei e, kan lo en ang e.

Tin, 54 National Highway chungah tuna Assam Rifles hnathawktu ho sawn building construction-te an ti a, engeng emaw playground turte nge ni an laih chiah ka hre lova, helipad turte pawh a ni mai thei a ni. Chungah chuan National Highway Champhai road, Lunglei lam road a hnawh ping thin a, hman deuhah khan kei pawh darkar 3 zet min dang tawh a, chungah chuan lehkha kan ziaak ve nghal a, theihtawpin hetiang hi a awm tawh lohna turin tan kan lo la ang e, an ti a, kan Brigadier hian contractor-te a lo hrilh nghal a, chutiang chuan hei hi chu thleng tawh lo turah kan beisei a ni.

Tichuan, Pu Lalduhoma, MLA zahawm takin a zawhna kha Vawngawn ram brigade ram atan tih kha a chhan chiah ka hre lova, a plan an thlak leh a tunah hian an tum meuh lo a ni awm e, hmun dang an melh leh deuh niin kan lo hria, chu chu ka chhanna a ni.

DEPUTY SPEAKER : Starred Question No. 14-na kan la ang a, zawt turin Pu R.L. Pianmawia i lo sawm ang.

Pu R.L. PIANMAWIA : Pu Deputy Speaker, Starred Question No. 14-na Home Minister zahawm tak chhan atan -

- (a) SDPO Post Sakawrdai atan dah/siam a ni tawh em?
- (b) Police Out Post tan Motor thar/tha tak pek tumna a awm em?

(c) 5th IR Battalion Headquarters hi khawiah nge dah a nih ang ?

DEPUTY SPEAKER : A chhang turin a changtu Minister Pu R. Lalzirliana i lo sawm ang.

Pu R. LALZIRLIANA, MINISTER: Pu Deputy Speaker, Pu R.L Pianmawia MLA zahawmtak zawhna chhanna chu (1) SDPO post Sakawrdaiah dah ala nilo tih a ni a. (2) chu motor thar lei mek a ni , a lo thlen hunah police out-post-ah te a tul anga sem zai a ni ang tih a ni a. (3) chhanna chu 5th IR Battalion hi Sakawrtuichhun PTC Training Centre-ah khan dah a ni tawh e.

DEPUTY SPEAKER : A zawhna neitu kha kan han ti lal deuh hlek ang a. A zawhna neitu Pu RL Pianmawia'n zawh belhna lo zawt sela.

Pu R.L. PIANMAWIA : Pu Deputy Speaker, ka lawm e. Ka zawh belhna chu Battalion Headquarter tur dah fel a nih tawh chuan Company Head Quarter tur atana kan lo beisei ve tawh Darlawn rama Khumlohawl ram kha ruahmanna a awm fel ve tawh em? tih ka zawh belh e.

Pu C. RAMHLUNA : Pu Deputy Speaker, ka'n zawh belh ve duh chu Bungtlang South-ah leh Vaseikaiah sawn Police Out post kan nei ve a, quarter bak chu engmah pek kan ni lova, chu engemaw harsatna lo awm pawh nise, case pawh han nei se movement kha a restrict em em mai a, bike pawh an nei lova. Chuvang chuan motor thar an lei tur ho zingah khan hengte hi pek theih an ni ve ang em, Bungtlang leh Vaseikaiah te hian tih kha ka zawt a ni.

Pu P.P. THAWLA : Pu Deputy Speaker, ka lawm e. Zawhbelhna 1)Kan Home Minister zahawm takin Police Out-post ho motor thar pek beisei awm thu a rawn sawi kha lawmawm ka ti a. Ka bial Tuipang Out- post hi a hla berte zing ami a ni a, motor thar hi min pe thei ngei se tih kha ka'n ngen nawn leh duh a, ka zawhna ni mahsela. A dang lehah chuan 5th IR Battalion Headquarter tur tunah khan sawi chhuah a ni a, a dang panga Battalion kan neih ho Headquarter tur hi siksawi te an lo ni bawk nen mumal taka House-ah hian han in hrilh theihnte a ni em, tih ka zawh belh e.

DEPUTY SPEAKER : A then kha chu zawh belhna pawh a ni chiah lo, motor thar dilnate pawh a nih kha maw le. A changtu Minister Pu R. Lalzirliana chhang turin i lo sawm ang.

Pu R. LALZIRLIANA, MINISTER: Pu Deputy Speaker, ka lawm e. Zawnha neitu Pu Piana, MLA zahawmtak zawnha kha hei hi en zui mek a ni, Company Headquarters tur Khumlohzawl, Darlawn leh Ratu inkar khi rem tak pioneer hmun ruak a ni a, hmanah pawh kan han en tawh a. Khilai khi tih theih anih chuan a itawm viau a ni.ENZUI mek a ni tih kha ka chhanna a ni. Tin MLA zahawm tak Pu Ramhluna zawnha Bungtlang South leh Vaseikai outpost-ah hian Bike emaw Motor emaw pek theih a ni ang em tih kha pek theih a ni a, kan lo en ang a, amaherawhchu, a awmdan azirin pek leh pek loh tur kha chu kan lo thliar dawn a ni. A tha tho em?

Pu C.RAMHLUNA : Hmanah khan ka sawi tawh a, tuna a ngai bawka in chhan leh kha chu progress a awm lo hrim hrim tihna a ni a, ngaihpaawimawh a hlawh lo hle a, tun tumah khan Motor thar in lei dawn bawka, pek ve ngei nise tih ka'n ngen pui a ni.

Pu R. LALZIRLIANA MINISTER : Kan lo thiam lo deuh a ni ang e, thawi viai viai hi chu kan lo hre thiam mang lova, khatia ngenngawl taka an tih kha chuan kan lo en ang a, a theih chuan kan pe dawn nia. Tin, Pu Thawla khan a rawn sawi bawka, thuhmun a nih mai kha. Tin, IR Headquarter tuna kan neih sa hi chu Mualvumah pakhat kan nei a, First Battalion, 2nd Battalion chu Khawzawlah kan nei a, 5th Battalion chu PTC Lungverh a ni a, a bak kha chu thlan fel a la awm lo a ni.

DEPUTY SPEAKER : Tunah chuan Starred Question No.15- na kan la ang a, a zawt turin Pu T.T. Zothansanga ilo sawm ang.

Pu TT ZOTHANSANGA : Pu Deputy Speaker, ka lawm e. Hon'ble Minister for Food, Civil Supplies & Consumer Affairs Department, ka zawnha chu hei hi a ni. LPG harsatna tikiang turin tun Sorkar hian LPG agency engzatnge a hawn belh tih a ni.

DEPUTY SPEAKER : A chhang turin a changtu Minister Pu H.Rohluna ilo sawm ang.

Pu H. ROHLUNA MINISTER : Pu Deputy Speaker, Pu TT.Zothansanga zawnha LPG_a harsatna tikiang turin tun Sorkar hian LPG agency engzatnge a hawn belh? tih chhanna chu LPG-a harsatna tikiang turin Sorkarin LPG agency pathum a hawn belh a, chungte chu M&B Indane Gas Khatla, Zothan Indane Gas Luangmual, Seling Indane Gas, Seling te an ni a. Tin, heng bakah hian RGGLV (Rajiv Gandhi Gramin LPG Vitrak Scheme) hnuaiyah hian tunah hmun 12 , Block leh Sub-Divisional Headquarter-ah hian a agent tur thlan fel a ni tawh a. Tichuan Kulikawn, Aizawlah hian LPG Distributor tur thlan fel a ni tawh bawka. Godown leh explosive liscence-te an neih fel hunah hei hi hawn thuai theih beisei a ni.

Pu T.T.ZOTHANSANGA : Pu Deputy Speaker, ka lawm e. Ka zawh belhna hei hi a ni:

- 1) LPG agency thlan dan min hrih thei em ?
- 2) Kum 2008 khan Gas connection hi neih belh theih a ni tawh lo tih a ni a, a mangan thlak khawp mai a, tun Sorkarah hian connection engzatnge pek a nih tawh ? tih te a ni.

Pu LALTHANSANGA : Pu Deputy Speaker, ka lawm e. LPG-ah hian harsatna kan nei nasa hle mai a. Sales Tax hi bur khatah hian engzah nge lak anih ? Tin, agency-te hian bur khatah engzah nge an lak tih kha, kum 2010-2011 chhung hian gas bur hi Mizoramah engzah nge lo lut tih kha ka'n zawh belh duh a ni. Ka lawm e.

DEPUTY SPEAKER : A chhang turin Minister zahawm tak Pu H.Rohluna i lo sawm ang.

Pu H.ROHLUNA, MINISTER : Pu Deputy Speaker, a zawhna neitu, Pu T.T.Zothansanga zawhbelhna LPG agency thlan dan hi LPG agency, distributor pangngai leh RGGLV, tuna UPA Sorkarin thingtlang hmun kil khawr zawkte a thlen theihna tura Scheme an rawn tih thar, chu chu Mini agency kan tih ang deuh a ni a. Tichuan, LPG distributor thlan hi chu company lam kut a ni a, State Sorkar kut anih loh avangin a thlan dan chipchiar tak hi kan zuk hriat pui vek lova. Amaherawhchu advertisement an chhuah , a dil duhten an dil a. Chung atang chuan an sort out a, a qualified nia an hriat chin kha interview te nein an thlang thin a. Tin, RGGLV bikah hi chuan transparency hi company-in an ti nasa tawh a. Chuvangin, Mizorama mi RGGLV distributor tur chu draw of lot-in tih a ni a. A diltu ho zingah a qualified an han sort out a, an sort out ho zingah khan (thumvawrin) tih a ni a. Tourist Lodge-ah tum hnih an ti tawh a, January 31, kuminah leh May 25 ni tain ka hria a, Tourist Lodge-ah tho tih a ni a. Hmun rukah ve ve tih a ni a. Mipui hmuhah Company lam hotute hian box-ah khang diltuho hming kha an han dah a, chutah chuan a pawh fuh apiang kha agent-a thlana chu an ni ta a. Chutiang chuan langtlang takin duhsak bik pawh sawi theih lohvin thlan a ni a.

Tin, LPG connection thar chungchangah hian 2008 chhovah te hian a har em em a. Kum khat chuang mah a ni ang chu connection thar pek a awm miah lova. Tichuan, kan han Sorkar tirhah khan hetiang ngawta tih chu chhungkaw tam tak indang tharte leh la nei ve lote hian an mamawh si a, tiin Company lamah kan hotuten an nawr a. Company lamin min remtihpuiin connection thar engemawzat min pe a. Tichuan, approximate-in 2009 ah khan 1,87,506 vel Mizoram pumpuiah hian connection awmin kan hria a. Tuna kan han hriat leh theih chin, connection thar an han pek theih chinah hi chuan 2,38,107 a ni ta a. Tichuan, tunah hian kan Sorkar hnuah connection thar hi singnga chuang. 50,601 hi pek thar niin tuna kan hriat theih chinah hi chuan a ni. Chu chu Pu TT Zothansanga zawhbelhna ka chhan theih dan ni sela.

Tichuan, Pu Lalthansanga. Member zahawmtak zawhbelhna LPG cylinder pakhatat hian tuna Sale Tax lak hi chu 4% a ni. Chu chu ka chhan theih dan a ni.

Pu LALTHANSANGA : Dealer ah ₹ 11.vel niin a lang a 4% nge 10 % kan lak min hrilh chiang deuh thei em ?

Pu K.LALRINTHANGA : Gas bur inruk sak hi a tam khawp mai a, thenkhat connection rauhsan thak thak hi a tam khawp mai a, replace lehna tur atan hian tihdan kawng a awm em? connection nei tawh si a bur an ruk sak te tan khan.

Pu H.ROHLUNA MINISTER : Pu Deputy Speaker, ni e Gas burin ruksak hi tunhma chuan a tam khawp mai a, Gas lak tum intlarin chain ten kan thlung a, a bo hlauvin tlaivar thak thakin khawlaiah te dah thin a ni a, bo pawh a bo nasa a ni. Tun hnaiah hi chuan Gas bur bo hi a ziaawm viauin ka hria a, a chhan chu Local Council-ten theihtawp min chhuahpui a, mipuia puan a nih veleh an semna point-ah a la turte an intlar a, reiloteah an la a, churang chuan Gas bur bo pawh hi a ziaawm deuhin kan hria a ni. Mimal Ina bo erawh hi chu inven sen chi a ni lova. Gas bur bo hi police-ah report a, Police verification report hmang chuan company lamah dil tur niin ka hria a, chutiang chuan genuine case chu company-in an ngaihtuah thei a ni.

DEPUTY SPEAKER : Awle, tunah chuan Starred Question No.16-na kan la ang a, a zawt turin kan Member zahawm tak Dr.R.Lalthangliana ilo sawm ang.

Dr. R.LALTHANGLIANA : Pu Deputy Speaker, Local Administration Department changtu Minister chhan atan -Starred Question No. 16-na Lunglei District-a New Khawlek leh Old Khawlek te hi V.C. hran pek tumna a awm em ? tih ka zawt e.

DEPUTY SPEAKER : A chhang turin kan Minister zahawm tak Pu P.C. Lalthanliana ilo sawm ang.

Pu P.C. LALTHANLIANA, MINISTER : Pu Dy. Speaker, Lunglei West bialtu zahawm tak Pu Thangtea zawhna chhanna chu - Tunah rih chuan pek tumna a awm rih lo tih a ni e.

DEPUTY SPEAKER : Tunah zawhbelhna – A zawttu Dr.R.Lalthangliana lo sawm leh ila. A dawtah Pu Lalduhoma.

Dr. R.LALTHANGLIANA : Pu Dy. Speaker, hmannah ka sawipui zawk tawh a, he khua hi Km. 7/8 vela inhlath, mihring erawh chu kan tam vak lo a ni. V/C sitting tih vel pawh buathlak tak a ni a. Hei hi tun V/C inthlan lo awm leh tur hmate hian kan Minister zahawm tak hian lo en thlithlain, tih theih dan kawng min dap sak thei angem tih ka'n zawh belh duh a ni.

Pahnihnaah chuan Village Council inthlan hi nakum kumtir lampang hi a hun pangngai tur chu ni awm tak a ni a, a hnai viau tawh a. Hemi lo awm tur atan hian Village Council thar pek tumna Sorkar hian kan nei em ? tih ka'n zawt a ni.

Pu LALDUHOMA : Pu Deputy Speaker, ka bial chhungah khuan Village Council ramri chin fel loh chin fel ngai kan nei a. Sairang leh Chaltlang hi Lal lal lai atanga lo inri kha an ni a, khumi inkar khu ram inchuh ala awm a, Department leh engemawte pawhina thlanmual hmun leh engemaw an han tih dawnte pawhin a buai thin a. Tin, a pahnihnaah chuan, Sairang atanga Sairang Dinthar an indan khuan, ramri chin hi fel tak siam a la awmlo niin ka hria a, an sawidan a inang theilo a, chu chu pahnihna lo nise.

A pathumna-ah chuan Phunchawng khu – Chaltlang hnuai a awm a ni a, tunah chuan Municipal hnuai a lo lut ta a, Local Council puitling pek an ni. V/C hran nei ang kha an lo ni ve ta a, mahse Chaltlang hian an larawn awp a, khawkhath ve lem YMA pawh kha Section in an din tir a, Branch pawh an pehleithe lova. Tichuan, Phungchawng leh Sairang inkar ramri han tihfel dawn khan, Sairang leh Chaltlang kha a la ni deuh roh tlat bawka, Phunchawng awmdan khu a lai em em mai a. Chu chu a inchuh rawtui zawnga a kal chuan a buai hrep thei a, khawtlang hruaitute leh NGO te koh khawm a, chin fel dan min ngaihtuah sak thei em ? Tunah ramawl a awm tawh lova, a neitu nih pawh, inhmun lo ram pek tur pawh a awm reng reng tawh lova, a hlutna hi a awm tawh lo a ni. Buaina a awm a mawh va phurh kha a ni ringawt tawh mai a, chu chu an inchuh rawtui deuh mai mai ni hian ka hria a. Tunhma anga ram neih zau, a hlutna tur kha a awm tawh bawka si lova, thiam taka inbiak thiamna atanga kalpui chuan khulai bawr ramri buai khu chin fel dan a awmin ka ring a. Chu chu kan Minister zahawmtak hian khatiang zawng khan hma min laksak thei ang em ? tih a ni.

Pu K. LALRINTHANGA : Pu Deputy Speaker, ka zawhbelh duh chu – Tun Sorkarah hian V/C engzatnge thiah anih tawh ? tih leh, Eng Party siam V/C te nge? tih ka zawhbelh e.

DEPUTY SPEAKER : Chhan a har deuh anih pawhin kan Minister khan han tum sela. V/C din tur engzatnge? A din theih em ? tih laia a thiah lamte rawn sawi a ni bawka a. Engpawhnise, kan Minister khan a theih ang angin han chhang rawh se.

Pu P.C. LALTHANGLIANA, MINISTER : Pu Deputy Speaker, zawhna neitu in a zawhbelhna Old Khawlek leh New Khawlek chungchang a sawi hi a dik khawp

a, V/C khat hnuai a awm, inhlat tak, Km. 8 vel inkara awm a ni a, an bialtu Minister zahawmtak Pu Zodintluanga pawhin Village Council hnan ve ve pek mai hi a tha lawm ni ? tih ka hnenah a sawi thin a. Chu ang chu nei thei turin tul tam tak a awm thin a. Ramri a fel theih a ngai a, ram an neih a ngai thin a, chung chu a tul angin Sorkarte pawhin an zuk thlithlai tawh a. Amaherawhchu, Old Khawlek leh New Khawlek te hian ramri chungchangah hian harsatna an nei deuh a ni. Chuvang chuan wawin thlengin kan la pe chuang lemlo a ni ber a. Engpawhnise, Pu Deputy Speaker, a zawhbelhna a zawhna ang khan V/C thlante pawh a lo hun leh dawn tawh a, he V/C inthlan lo awm turah hian Village Council pek awm Sorkarin a tihte leh a Parent Village Council-a harsatna awm lo, ramriah pawh engmah buaina awmlo tur ang te pek awm ngawih ngawih hi an awm ve thin a. Chung chu Sorkarin a la ngaihtuah khawm ang a, chung zingahte pawh chuan he zawhna neituin a han zawhsak Khawlek te pawh hi pek an ni lovang tih a sawi theih lova.

Pu K.Lalrinthanga, kan MLA zahawmtak zawhna kha chu Pu Dy. Speaker, tun kan sawrkarah hian village council 8 thiah an ni tawh a, chung zinga 5 chu ruling party congress V/C na niin abak pathum chu MNF Village Council nihna ani a. MNF Village Council nihna khaw thumah hian Zuangtui, Thlengang, Mualpui (Chhingchhip Mualpui) ah hian inthlan thatna neihleh a ni a, abakah erawh hi chuan neih a nilo a ni, chu chu ka chhanna a ni e, Pu Dy. Speaker, ka lawm e.

DEPUTY SPEAKER : Awle, Starred Question No.17-na zawt turin kan member zahawmtak Pu Lalrobiaka ilo sawm ang.

Pu LALROBIAKA : Pu Speaker, ka lawm e. Starred Question No.17-na Printing & Stationery Minister chhan turin – Government Press tihchangtlun nan eng angin nge hma lak a nih tih ka zawt e.

DEPUTY SPEAKER : A chhang turin a changtu Minster Pu P.C Zoram Sangliana ilo sawm ang.

Pu P.C.ZORAM SANGLIANA, MINISTER : Pu Dy. Speaker, Pu Lalrobiaka, kan MLA zahawmtak zawhna, Government Press tihchangtlunna atana Sorkarin a hmalakna te chu - Press tihlenna tur atan DPR DoNER Ministry ah a theh lut a, Ministry-in a pawmpui tawh a, building sakna tur DPR leh concept paper-te thehluh leh mek a ni a, tunah chhanna kan la hmuh hrih lo.

DEPUTY SPEAKER : Zawhbelhna, Pu Lalrobiaka ilo sawm ang.

Pu LALROBIAKA : Zawhbelhna, Printing & Stationery hi Department upa tawh tak leh changtlung tak tawh thin a ni a, amaherawhchu, a tangkaina leh a pawimawhna ang hian kan hmang tangkai lo niin a lang a, Stationery chungchangah te pawh dah chhiat mai mai tam tak leh tawl mai mai a awm, chumi chungchangah chuan nasa zawkin an Department hi kan chhawr tangkai thei

angem? tih pakhatna ni sela chutih rual chuan Printing Institute tih kha kan sawilang thin a, a Minister pawh hian thui tak a kalpui tawh ni awma hriatna ka nei a, khami chungchangah khan engchen nge hma kan lak tawh a, engtik hunah nge kan din ve theih ang tih ka zawh belh e.

DEPUTY SPEAKER : Pu P.P Thawla ilo sawm ang.

Pu P.P. THAWLA : Pu Dy. Speaker, Govt. Press atang hian Sorkarin sum lakluh thlakhatatah a ni emaw, kum khatah a ni emaw a nei thin em tih ka zawhbelh e.

Pu LALDUHOMA : Pu Dy. Speaker, kan Minister zahawm tak ho hian Consultative Committee khan a hmunah kan en tawh hlawm a. Khatah khan tunhma atanga thil lo stock tul lo tak tak, hmun aw h deuh deuh mai a lo tam khawp mai a, a lo hnawk rum mai a. Khang kha dispose nise kan ti niin ka hria a, dispose an ni tawh em tih ka'n zawt duh a.

Tin, tuna DPR thar kha a hmun panggaia a thar a sakna tur nge a hmun dangah tih kha ka zawt duh baw k a. A engapawh chu lo nise, tuna a building awmna lai khu Sih a ni a, a tui reng a, a sirah khuan tuihawk luankawr an siam a, a hrisel lo em em a khawl nen, an sawi dan pheih chuan khulaia thawk khu an damrei thei lo an tia ni. Chuvangin, a hnawng reng baw k si a, light a lut tha baw k silova, khang vel kha temporary-a improve sak nise tih kha kan ngaimawh hlein ka hria a, khang kawngte kha engchen nge hmalak a nih tawh tih kan zawt e.

DEPUTY SPEAKER : Chhang turin a changtu Minister Pu P.C. Zoram Sangliana ilo sawm ang.

Pu P.C.ZORAM SANGLIANA, MINISTER : Pu Dy. Speaker, a zawhna neitupain a zawhna lai kha. Kan Sorkar a lo din tirh khan hotute remruatna angin khawi atangin nge heng tihchangtlunna hi kan hmuh theih ang tih a ngaihtuah a. Tahchuan Printing Institute ti a hming dahin DPR siam a ni a, chumi hman chuan Central-a a changtute ngei ngei, chutih laia DoNER Minister min changtu pawh hmuh a ni a. Ani'n min lo tuipui hlein a hmingte hial min lo thlak sak a, First Printing Institute in the Northeast at Aizawl tiin min lo dah sak a. Chutiang chuan lo siamtha leh ula a tih angin kan han siam tha a. Mahse helai kan Zoram Sorkar atangin kan Planning Department-in uluk taka an han thlirin, khatiang kha India ram khawi hmunah mah Central Sorkarin an la pek ngai loh avangin min huphurhpui deuh hlek a. Chuvang chuan Press tihlenna tur zawk, Strengthening Press ang zawngin min kalpui a, chutiang chuan an ti chho zel. Chuta tan chuan DPR, a concept paper mai bakah DPR nuai 875 man an thehlut ta. Nuai 875 man kan thehluh atang chuan nuai 842.47 hi min pawmsakin tunah pheih chuan 1st instalment Mizoram State-ina a tum ve tur nen, Central-in DoNER-a min rawn pek bik cheng nuai

297.34 bakah Mizoram Sorkar-in a lo tum ve nen, a vaiin sanction order engkim nuai 330.38 hi neih a ni tawh a. Chumi hmang chuan Department-in chak takin hma a la a. Quotation-te call-in advertisement pawh National level-ah Website-ah te thunin tih a ni a. Tunah hian State Purchase Advisory Board-in an la final lova. Chumi an final hunah chuan heng kan khawlte hi a tira House-a kan lo inhriattir tawh thin angin, khawvela khawl tha ber ber German siam te, Japan siam te, khangte nena tih kan tum a ni a. Hemi alo hlawhtling anih chuan Private Press a ni emaw, Kohhran Press te thleng pawhin chung ho chuan heng Colouring Print-ah hian problem an nei tawh dawn lova. Chutiangah chuan Mizorama awmchhun private pakhat hian secondhand an lei niin kan hria a. Hetah hian harsatna an tawh leh thin a, Mizorama problem solve tura ngaih Guwahati-ah Culcutta-ah kalpui a la ngai fo va. Chutianga State Purchase Advisory Board te an han thut fela 1st instalment atanga quotation rawn thlangtu ten an thlan fel vek hnu ah hian khawl thil anih avangin Utilization Certificate kan zuk pek leh rual rualin a 2nd instalment pawh Ministry atang hian min pek an tum thu pawh min hrilh a. Chutiang alo nih chuan thla 3/4 chhungin hemi hi bun hman theih kan inbeisei a.

Tin, chhan pawlh ta vek ila, chumi kan inbunna hmun tur chu tuna kan Directorate hmun mek hi a ni hrih ang a. Nichina Member zahawmtak Pu Duhoma rawn sawi ang khan Consultative Committee-in dawhkana thlir mai lovin a hmunahte kan thlir hova, member zahawmtak takten thahnemngai takin min thlir pui a. Chutah chuan an mi advise angin kan Sorkarah kan dil a, Planning Department leh Finance Department-ten khata tana hmun hnawng cherh churh te leh electric thalo te, khang zawng zawngte pawh kha pawisa min rawn pe vek tawh a, kan siam peih vek tawh nghe nghe a. Chuvang chuan hei hi kan lawm em em bawh a ni. Helai awm sa hrim hrim tuna kan building neihah pawh hian khawl lo thleng se hetah hian kan ti thei ang.

Tin, tuna DPR thar Ministry-a kan han thleh luh mek, Urban Development Ministry-a Printing Department-ina min han buaipui sak mek, DoNER atan min han thethlak sak mek hi Luangmual leh Chawnpuia Department-in ram a lo neihsa kan hmanna tur atan cheng vaibelchhe 10 chuang man tunah hian DPR chu buaipui leh mek a ni a. Hemi hi PWD Building Division ten min siam sak a kan lawm hle a ni.

Tin, Pu Thawla zawhna sum lak luh zat tih kha Pu Deputy Speaker, information ka lo dawng hman a, a lawmawm e. Kan target hi nuai 75 anih laiin chumi chu khumin nuai 89 kan lalut ve a ni tih ka sawi duh bawh a ni. Tin, chumi bakah chuan stock engemawzat (Pu Duha zawhna kha) disposed a ni tawh a tunah hian. Tin, kan kaldan hi kan thlak ta hrim hrim a. Consultative Committee hmaah pawh Department hi kan inhuamna kan sawin angin demand awm chin chauh hi tunah chuan supply kan pe tawh a ni. Chuvang chuan kan depot hmunah khan bungraw hman loh, tul lo kha a in chhek nghek nghek thei tawh lo a. Tin chutih rual chuan Chief Secretary Office atang te, Finance Department atangtein Printing & Stationery Department atang chauhin indent tur tih te, tin, Department thenkhat heta tanga rawn la lote pawh Chief Secretary office atang pawhin reminder-te min tih sak a. Department tinah. Chutiang chuan hmalak a

ni a, chutianga an rawn demand ang chauh chuan supply hi stationery thilah hian pek a ni tawh a ni.

DEPUTY SPEAKER : Awle, tunah chuan Starred Question No. 18- na kan la ang a, a zawt turin Pu R.Lalrinawma ilo sawm ang.

Pu R. LALRINAWMA : Pu Deputy Speaker, ka zawhna Starred Question No. 18-na, Minister zahawm tak LAD changtu min chhan atan – Village Boundary Notification No.LAD/VC-40/87/80 dated 6th October, 1987 ah ‘Sihphir Village Council Boundary, Aizawl to Silchar Road Km 15 (post) Starting point-a hmangin’ tih hi a dik loh avangin siamthat/tihdik tumna a awm em ?

DEPUTY SPEAKER : A chhang turin a changtu Minister Pu P.C.Lalthanliana ilo sawm ang.

PU P.C.LALTHANLIANA, MINISTER : Pu Deputy Speaker, Member zahawm tak zawhna chhanna chu hetiang hi a ni – he Boundary Notification hi Lungdai Village Council leh Sihphir Village Council-te pawhin an complaint a. Hei hi Sorkarin tihdik tumin a enfel mek a ni.

DEPUTY SPEAKER : Zawhbelhna a awm lo maw ? Kal zel ila, Starred Question No.19-na, a zawhna neitu i ni bawk a han ti ta che.

Pu R. LALRINAWMA : Pu Deputy Speaker, ka lawm e. Helai Boundary Notification dik lo hi 1987 daih a ni a. Tuna han sawichhuah a nihna chhan hi Sihphir leh Lungdai thalaiten khilalah khian ‘Welcome’ tar te leh eng eng emaw intihchhiat sakin, mob rule ang deuha tharum thawhnate pawh thlen hlauhawm khawp ten thil a awm thin a. Amaherawhchu, Lungdai hian khilai Sakawrhmutuai tlang, tlang sang helam pang hi englai mahin an ram a ni ngai lo a. Pu Deputy Speaker, Sihphir khuaa pianga seilian leh vawiin thlenga cheng ka ni a. He Notification dik loh avang hian 15 k.m. tih hi heta tanga han chhoh a Sihphir Bazar, Cooperative Society dawr thlen hma khi a ni a. Chumi anih chuan 15 km anih chuan Sihphir khaw pum deuh thaw khi Sihphir boundary pawna dah ang a ni ta a. Hemi tan chhan hian Sethupkawn thleng khi an rawn chuh tlat mai a. Hei hi, a 15 km chin rawn chuh mang si lovin, chuvangin tuna siam that tih pawh chu Lungdaiin an remtih ngai pawh a ni lova, hei hi thil dik lo hrim hrim a ni a, wavi engemaw zat Department lamah ka sawi tawh a, vawiin thlengin an ti lova, rang deuh hlekin a hun emaw min tiam thei em? tih ka zawt e.

DEPUTY SPEAKER : A changtu Minister khan han chhang sela, Lungdai lampang zawh tur an awm ve si lova, Sihphira piang zawk khan i rawn sawi sia.

Pu P.C. LALTHANLIANA, Minister : Pu Deputy Speaker, 1987 State Sorkar kan han neih hmasak berah khan Sorkarin Village Council 54 a pe thar a. Chung Village Council a pek thar 54 te ramri chu a rawn sawi tak boundary notification-ah hian rawn ziah a ni ta a. Helaiah hian Sihphir hi Village Council pakhat anga awm an ni thin a, Village Council pahniha siam alo nih dawn khan Sihphir Village Council area chhungah khan Village Council, Sihphir South Village Council ramri kha zuk siam fel mai tur niin a lang a. Amaherawhchu, he notification hi a dik lo angreng khawp a, notification-ah pawh khan Sihphir South tiin hmun hniah a ziah ve ve a, Sihphir South tih ni reng si khan a hmar lam ramri Lungdaite nen an hawl kual deuh bawk a ni. Notification-a ramri a tih dan hi Pu Deputy Speaker, a dik lo hrim hrim a ni, chu chu thu dik a ni a. Amaherawhchu he notification hi Sihphir khaw chhunga Village Council pakhat Sihphir ni thin atanga Village Council rawn pian belh ramri tur anih avangin Sihphir ramri awmsa chhungah khan a notification kha a awm mai tur a ni a. Lungdai kha va hawl tel tur pawh ni lovin a lang a, chuvangin Lungdai leh Sihphir hi buai lo tur ang an ni. Pu Deputy Speaker, he House-ah hian buai chinfel hi a hun tiam a har khawp, buai hi chu chutih hunah kan tifel thei ang han tih hi a har, dawt sawi mai te pawh a awl thin a. Engpawhnise, Sorkarin fel taka tha taka ramri notification paper-te chu siamthat a tum a ni tih kha Member khan min lo hriatsak sela. Lungdai duhdan emaw Sihphir duhdan lam kha Sorkarin a tinzawn a ni lova. Tin, chubakah(interrupted **Deputy Speaker** ...Sihphir leh Sihphir ah an indang a, chu chu Lungdaiah a zuk khai ta daih si a, enge a awmzia ?) Nia, Pu Deputy Speaker, helai notification dik lo avangte pawh aniang a. Tin, Rome sipai pakhat pa pakhatin a vaw thlu tawp, Lalpa an kheng bet tih ka lo hre lo alawm. Chungte chu kum za tam a liam tawh alawm tih ang deuh kha a ni a, ka hre lo alawm tih ang deuh kha a ni a. Kum 20 chuang liam tawh boundary notification kha, a boundary laiah khan nge kan buai a, a notification tih lai kha a ni deuh ber a, hriatthiam a har khawp a...(Deputy Speaker : notification kha siamtha se la a fel mai lawm ni)

Pu R. LALRINAWMA : Sawi chhuah a ngai ta a ni mai a, a thua a Chiang vek a, 15 KM tih avang hian. Tin, 15 Km chin hi an rawn chuh pawh a ni ta chuang lova, khitah Sethupkawn chin Aiipuk kan tih lar deuh , khimi chin khi an rawn chuh ta a. Khing lai chho zawng zawng pawh khi naupan lai pawha sawhthing hmunte kan neihna a ni thin a. Chuvang chuan tunhnaiah he notification dik lo tan chhan hian an rawn chuh mai mai a ni.

Pu P.C LALTHANLIANA, MINISTER : Pu Deputy Speaker, 15 Km a starting point Aizawl to Silchar starting point-a hman hi a dik lo an ti ve ve a. Lungdai pawhin an ti a, Sihphir pawhin an ti a. Tin, thil pakhat leh chu Lungdai hi Kolasib District a ni a, District Boundary pawh hi GAD in engtingnge a kalpui tihte pawh hi a kaihnawih ve thei a, chuvang chuan notification hi a dik lo tih kha kan Member zawhawm tak khan a rawn sawi ang khan kan pawm a, Sorkar pawhin. Amaherawhchu, chulai tualthu buai dang awm erawh chu Sorkarin a enfiah ang chu. Chu chu ka chhan theih dan a ni e. Ka lawm e.

DEPUTY SPEAKER : Tunah chuan Starred Question No. 19-na ah kan kal ang a. A zawt turin kan Member zahawm tak Pu R.L Pianmawia ilo sawm ang.

Pu R. L PIANMAWIA : Pu Deputy Speaker, Starred Question No. 19-na Minister zahawmtak Law & Judicial changtu chhan atan –
 (a) Village Court dinna tura khaw thlan bikah te khan hmalak a ni tawh em?
 (b) Village Court din/pek khuate ruahman/thlan a ni tawh em?

Tih hi a ni e.

DEPUTY SPEAKER : A chhang turin a changtu Minister Pu Lalsawta ilo sawm ang.

Pu LALSAWTA, MINISTER : Pu Deputy Speaker, Member zahawm tak Pu R.L Pianmawia zawhna chhanna kha –

- (a) “Ni tawh e” a ni a.
- (b) “A tira khaw 12 thlante bak kha thlan belh ala awm lo” tih a ni.

DEPUTY SPEAKER : Zawhbelhna Pu R. L Pianmawia.

Pu R.L PIANMAWIA : Pu Deputy Speaker, ka zawhbelhna chu khatianga ruahmanna a awm chhoh zel dawn chuan tunhnaiah hian ruahman theih a ni angem? Tin, Tuivawl bial chhunga khaw pawimawh deuhah te hian harsatna bik khuaah te hian tih thar tur zingah tih theih a ni ang em? tih kha ka zawhbelh e.

DEPUTY SPEAKER : Chhang turin a changtu Minister Pu Lalsawta ilo sawm ang.

Pu LALSAWTA, MINISTER : Pu Deputy Speaker, heng thingtlang khaw thenkhata MJS Officer ang tur laka Court rorelna ang buaipui chungchang hi Gram Nyayalayas Act an tih hi Central Sorkar rawn buatsaih a ni a. Hetah hian Consultative Committee meeting pawhin uluk takin kan ngaihtuah tawh a. Khaw 12 thlan tur hi kan thutkhawm tumin kan ngaihtuah a. Heng hi han thlang phawt ila kum 2010-2011 chhungin – (1)Phullen (2)Dungtlang (3)East Lungdar (4)Ngopa-ah hian tih tum ila, tin, a dawt leh zelah (1)West Phaileng (2)South Vanlaiphai (3)Bilkhawthlir (4)Bunghmun-ah, tin, a dawt leh zelah kumtinin pali tih tum ilang tiin (1)Darlawn (2)Reiek (3)Chhingchhip (4)Zawlnuam-ah kan han tichhin a.

Amaherawhchu, DP&AR lamin min phalsak tawh chungin Finance lamah tlemin harsatna kan nei deuh a. Kan tum angin kan ti zung zung thei ta lova. Hei hi Autonomous District Councils – Lai leh Mara leh Chakma bial tiam lohva tih tur a ni a. Khaw tam tak tan Aizawl emaw Lunglei emaw District Headquarters-a rorelna rawn pan a harsat thin avangin hemi remruatna hi Gram Nyayalayas Act-in a rawn buatsaih a ni a. Tin, Cabinet-in a Rules-te pawh an peihfel vek tawh a, pawm pawh a ni tawh a. Heng kan han ruahman khuate hi, Pu Deputy Speaker, Consultative Committee-in kan ngaihtuah a. Amaherawhchu, kum tam tak atana kan tih lawk vek a nih avang hian ngaihtuah thar leh theih te pawh a ni a, thlak danglam leh theih te pawh a ni a. A enga pawh chu ni se, a kum khatna pawh kan la tihfel mai loh avang hian a dawt leh zel te phei hi chu a tul anga la tih danglam theih a ni ang chu.

DEPUTY SPEAKER : Aw le, hei kan zawhna leh chhanna hun a tawp a ni tawh mai a, a dang han lak lehna hun pawh a awm tawh lo ka ti. Minute 1 a la awm, zawt sela zawhbelhna awm miah lovin. Starred Question 20-na zawt turin Pu TT Zothansanga i lo sawm teh ang.

Pu T.T. ZOTHANSANGA : Starred Question No. 20-na, Hon’ble Minister for Food, Civil Supply & Consumer Affairs Department ka zawhna chu hei hi a ni - ‘Sorkarin fur tla tur buhfai Mizoram hmun kilkhawr zawkah a chhek ngah tawh em?’.

DEPUTY SPEAKER : A chhang turin a changtu Minister Pu H. Rohluna i lo sawm ang.

Pu H. ROHLUNA, MINISTER : Pu Deputy Speaker, Member zahawm tak Pu T.T. Zothansanga zawhna Starred Question No. 20-na chhanna chu Mizoram hmun kilkhawr zawk, fur laia kawng chhiat zualna centre-ah te chuan buhfai kar khata 2 kg puitling pakhat tan fur zual chung tla tur chhek a ni.

DEPUTY SPEAKER : Tikhan zawhna leh chhanna hun a zova. Business dangah kan kai ang a. Vawinah hian Member-te kan kal tha hle a. Zirtawpnia kan Speaker-in a puan lawk ang khan, kan Speaker kha Delhi lamah briefing-in a kal a, ani a tel thei lova. Midangte chu hei kan tel kim thei a, kan senior Brig T. Sailo pawh a lo tel thei a, a lawmawm khawp mai. Awle, tunah chuan Laying of Paper an ti a. Pu Zodintluanga, Minister zahawm takin “The Mizoram Urban Sanitation and Solid Waste Management Policy, 2011” hi House dawhkanah rawn pharh sela.

LAYING OF PAPERS

Pu ZODINTLUANGA MINISTER : Pu Deputy Speaker, i remtihna leh he House remtihna “The Mizoram Urban Sanitation and Solid Waste Management Policy, 2011” hi he House zahawmtakah hian ka rawn lay e.

DEPUTY SPEAKER : A copy kha han sem rawh ule. In sem zo tawh maw ? In sem zawh tawh chuan Pu Lalrinliana Sailo, Minister zahawm takin heng a hnuai a paper te hi House dawhkanah han pharh sela.

1. Ninth Annual Report of Mizoram Agricultural Marketing Corporation Limited (1.4.2001 – 31.3.2002)
2. Tenth Annual Report of Mizoram Agricultural Marketing Corporation Limited (1.4.2002 – 31.3.2003)
3. Eleventh Annual Report of Mizoram Agricultural Marketing Corporation Limited (1.4.2003 – 31.3.2004)
4. Twelfth Annual Report of Mizoram Agricultural Marketing Corporation Limited (1.4.2004 – 31.3.2005) te hi House dawhkanah rawn lay rawh se.

Pu LALRINLIANA SAILO, MINISTER: Pu Deputy Speaker, i phalna leh he House zahawm tak remtihngin heng a hnuai a mite hi ka rawn lay e.

- (i) Ninth Annual Report of Mizoram Agricultural Marketing Corporation Limited (1.4.2001 – 31.3.2002)
- (ii) Tenth Annual Report of Mizoram Agricultural Marketing Corporation limited (1.4.2002 – 31.3.2003)
- (iii) Eleventh Annual Report of Mizoram Agricultural Marketing Corporation Limited (1.4.2003 – 31.3.2004)
- (iv) Twelfth Annual Report of Mizoram Agricultural Marketing Corporation Limited (1.4.2004 – 31.3.2005) a ni e.

Ka lawm e.

DEPUTY SPEAKER : A copy kha han sem rawh u le. Le, in sem zawh tawh chuan a dawt lehah chuan Pu P.C. Lalthanliana, Minister zahawm takin “The Mizoram Juvenile Justice (Care and Protection of Children) Amendment Rules, 2010” House-ah rawn pharh rawh se.

Pu P.C. LALTHANLIANA, MINISTER : Pu Deputy Speaker, i phalna leh he House remtihngin “The Mizoram Juvenile Justice (Care and Protection of Children) Amendment Rules, 2010” he House-ah hian ka rawn lay e.

DEPUTY SPEAKER : A copy kha han sem rawh u le. Le, khami kan sem zawh tawh chuan Bill ngaihtuah tur kan nei a. Kan la sem zo lo deuh maw, kan changkim maw. Kan chan kim chuan tunah Bill ngaihtuah tur kan nei a, kan la ang a. Pu P.C. Zoram Sangliana, Minister zahawmtakin “The Mizoram Motor Vehicle Taxation (Amendment) Bill, 2011” kha House-ah introduce rawn dil se la.

BILL

Pu P.C. ZORAM SANGLIANA, MINISTER : Pu Deputy Speaker, i phalnain he House zahawmtakah hian “The Mizoram Motor Vehicle Taxation (Amendment) Bill, 2011” hi introduce ka rawn dil e.

DEPUTY SPEAKER : Le, kan Minister zahawm takin House ah introduce a rawn dil a, rem kan ti em? Rem kan tih chuan tunah a Bill kha rawn introduce pahin ngaihtuah rawn dilin rawn move nghal mai sela a tha ang e. Helai hi a chhawng deuh duah a, chuvang chuan introduce a rawn dil a, kan phalsak tawh a. Introduce pahin rawn move sela, ngaihtuah turin rawn ti sela a tha awm e.

Pu P.C. ZORAM SANGLIANA, MINISTER : Pu Deputy Speaker, hemi ‘Mizoram Motor Vehicle Taxation (Amendment) Bill, 2011’ kan rawn chhawp chhuahna hi private owner-te atanga nawrna mai bakah India ram hmun hrang hrang atanga State tinte ti tura min tihna leh State dang chuan an ti deuh vek tawh, Mizorama kan la tih loh thil a ni a. A bu heta tanga i Office atanga kan rawn pek kha kan lo chhiar vek tawh ka ring a, Member-ten, chuvang chuan hei hi kan State-in kan department kaltlanga revenue kan collect vena tur thil a ni a, a tawi zawngin a bulah chuan kan sawi mai ang a. Amaherawhchu, hetah hian financial memorandum-ah khan tihsual anga lang thei ti mai ang, tihsual ang pawn kan pawm anga keimah ngei pawn, amaherawhchu, min correct sak turin ka ngen duh che u a. Chutah chuan by introducing ‘The Mizoram Motor Vehicle Taxation (Amendment) Act, 2010’ kan rawn tih kha 2011 tur a ni. 2010 kan han tihna chhan hi eng dang nilovin eng zah nge revenue kan collect dawn ti a kan chhut nana kan hman kha 2010 lai anih avang khan thil chianglo deuh te pawh kan lo nei a, kan tihsual palh a ni a. Khami 2010 tih kha 2011 tiin min ngaihtuah sak ula kan han tihna chhan pawh kan revenue chhut nan hman anih avangin kan lo chhu lang a, a diklohna chu a awm lo tiin tang tlat ila a tan theih tho lain, 2011-a tih anih avangin 2011-a min tihsak turin ka ngen duh che u a. Tichuan he Bill hi House-ah hian min ngaihtuah sak turin ka rawn pulut a ni e.

DEPUTY SPEAKER : Aw le, tunah chuan sawiho turin a rawn move a, Member-ten kan sawiho ang a, Member pakhatin minute nga zel kha a taw em?

DR. R LALTHANGLIANA : Pu Deputy Speaker khawngaih takin a move-tu khanin engemaw a kalhmang tlangpui deuh a sawi loh kha chuan a bu chu kan nei ngei mai a, kha kha ka’n ngen deuh a ni. A copy han neih piahlamah khan engemaw hi a awm loh chuan a tawi lutuk deuhva.

DEPUTY SPEAKER : Chuti chu han sawifiah deuh la, ila titawi deuh an la ti anih chu.

Pu PC ZORAM SANGLIANA, MINISTER : Pu Deputy Speaker a lawmawm e, Kum 1997 hmalam zawng kha chuan kan state puala Vehicle Taxation Act leh Rules hi kan la nei lova. Assam Motor Vehicles Taxation Act 1936 leh Assam Motor Vehicles Taxation Rules 1936 hmangin road tax hi kan la thin a. Kum 1997-ah tuna kan hman lai amend ang kan han tih taka hi Mizoram Motor Vehicles Taxation Act 1996 leh Mizoram Motor Vehicles Taxation Rules 1997 hi hmangin road tax kan lo khawn ve ta a ni. Chu chu tun thlenga kan la hman mek hi a ni. Dan naranin tax rate hi kum sawm danah revise a ni thin a, chutiang chuan State dangte chuan kum nga vel kalta atang khan Central Sorkarin a rawih Consultancy Firm lian tak Rights-in India ram chung State zawng zawngte zawm tura, Vehicles classification leh road tax revise rate-a recommendation zulzuiin an State tan theuha road tax rate siam chu an lo hmang tawh a. Keini erawh chuan 1997-a siam kha la tidanglam lovin kum 13 chuang tehmeuh kan hmang tawhin tunah pawh kan la hmang mek a ni a. Keini aia dinhmun changtlung zawk kan thenawm State-ten kum nga vel kalta atanga revise rate an hman tawh hnuah Rights Recommendation dungzuiin tax hi duan a lo ni ve ta a ni.

Pu Deputy Speaker, ka'n sawi chian leh duh chu keimahni Department-in kan duang mai ni lo khan he thil hi Consultative Committee pawhin min remtih puiin, an signal hmuin hetiang hian Cabinet-ah chhawp chhuah niin, Cabinet pawhin min remtih puiin vawiinah House zahawm takah ngaihtuah theihin a lo thleng ta a ni.

Transport vehicle, a bikin public carrier bikah hian tuna kan hman lai atang hian 20% vela sang niin non transport vehicle, private vehicle ah 50% vela sangin revise a ni a. Tichuan kum 2003 ah West Bengal State-in two wheeler tana an rate siam, tunah an revise leh mek tawh lehngal a, chumi nen chuan intluk taw vel chauh a la ni nghe nghe a ni. Motor Car ah phei chuan kum 2008 a rate a revise, a la hman mek phei chu kan la pha lo fo nghe nghe a ni. Tin, public carrier-ah chuan hetiang rate thar hi Delhi phei chuan kum 2004 khan an lo hmang daih tawh a. Tunah revise leh turin Delhi Sorkar chuan hma an la nghe nghe a. Hmanni lawka kan zuk zin pawh khan hemi chungchangah hian an Transport Minister nen pawh kan inkawmnaah kan sawi dun a, annin hma an lak dante Mizoramah kan ti ve dawn a, engtingge tia kan inkawmnaah pawh chuan kan han tarlang tel kher kher nghe nghe a ni. A chhan chu mi rama an tihdante kan rama lakluh ve dawnin a tha em, tha lo em tihte han zirchian hi a pawimawh thinin kan hria a ni.

Tin, India ram State dang zawng zawngte tihdan angin non-transport private vehicle, Two wheeler leh Motor Car tan life time tax introduce nghal turin tunah hian he Amendmend Bill hi rawn put luh a ni ta a ni. Tunah hian life time tax hi a pawimawh em emna chhan chu entirnan a bikin two wheeler-ah phei chuan helai Aizawl-ah emaw a thar an rawn lei ta a, zokhaw kilkhawr deuh atangin tuten emaw. An rawn lei rual khan an registration kha vawi khat kumkhat atan emaw an va pe a, an motor an lirthei that chhung zawng khan vawikhat mah Aizawl emaw Tax pekna hmun emaw kha rawn luh pui leh miah lo khan an hmang chhe thak thei a ni. Khang zawng zawng ngaihtuah khan a ti thei tan pawh kumtin maia renew ai chuan India ram state zawng zawng a an hman vek tawh ang hian keini pawh hian vawikhata pek tih hi ni tawh sela, tiin kan han chhawp chhuah dan chu a ni.

Life time tax hman alo nih chuan two wheeler neitute emaw, motor lei tute reng rengin an lirthei an register rual khan Registration Certificate valid chung kum 15 atan Road Tax an pe nghal anga. Tax pek theihngihl leh kum tina road tax pe tura motor neitute buai kha a ngai tawh loving a. Life time tax introduce tur hian Motor Car leh Two Wheelers nei tuten sorkarah phei chuan an rawt an rawt ve tawh nghe nghe a. Chumi bakah India ram puma hman tur alo ni mek nen. He sorkar alo din tirh veleh atang khan kan hotuten ngaihtuahna neiin hei hi chhawp chhuah alo ni ta a. He Mizoram Motor Vehicle Taxation Act, 1996 introduce ngawt theih pawh kha a ni si lova. Chuvangin motor neitute duh dan leh Central Sorkar min beisei dante tunhnaia State Sorkar angin Education-ah te pawh VRS Golden handsake kan tih atan Asian Development Bank-ah te pawisa an puk a, Health Care atante pawh. Chutiang kan do letna tur atan khan Planning Commission hmaah Department angte pawha kan pawisa lakletna tur atana min phut leh kan lo intiamna angin Sorkarin Cabinet-a pharh niin Cabinet-in rem tiin he House-ah vawiinah hian heng amendment tur hian rawn tih a ni ta a. Ngaihtuah a lo nih hnuah phei chuan Life time tax introduce bik ngatte phei hi chu public interest tak meuh meuh niin kan hria a ni.

Tin, pawisa lo lut tur bik chungchangah te khan nikuma motor awmsa chauhah khan hetiang hian lo ti ta ila, motor tih hian huam vek mai se, lirthei ho kha. Chuta tan chuan ₹ 1.5 crore deuhthaw kha tax lakluh tur kan nei thei dawn a ni. Motor thar lo kal chho zel turah phei chuan a lo pung chho zel dawn a, kan State revenue collect-na tur atana ruahman liau liau kan Department-in a rawn chhawp chhuah ve a ni e.

DEPUTY SPEAKER : Kan chiang tawh tiraw, kan sawiho ang a, Member tinte tan minute 5 zel ni sela, Pu Chawngtinthanga i lo sawm ang.

Pu CHAWNGTINTHANGA: Pu Deputy Speaker ka lawm e. He Bill hi uluk taka ka han chhiar hian schedule 1 leh 2 a awm a, schedule 1 hian Transport vehicle a tin a, heng ho hi chu annually-a tan lak tur niin a lang a. Schedule 2 ho hi Non-transport vehicle a ni a, heng ho hi life time tax registration a nih veleh pek tlak tur a ni a, a tha hlein ka hria a. Kan Minister zahawm tak, a rawn sawi hawngtuin a sawi ang khan India ram pumpuiah pawh hman tur a nih mek bakah Tax hrim hrim pawh hi ennawn lohna a rei tawh a, han ennawn pawh hi a tul tawh bawk si a. Hei hi a tha hlein ka hria a. Tin, statement of object & reason-ah pawh khan a tulna kha chiang takin an rawn sawi lang a. Hetianga life time tax kan khawn hian tax pek default hi tam tak kan pumpelh thei dawn a. Chumai bakah a Department official-te tan pawh hna tam tak a chhawk zangkhai dawn a. A khat tawka va pek leh thin a, thenkhatin an lo pe tha duh lo lehngal a, Chuvangin, hei hi a tha hlein a lang a ni. Tin, chumai bakah Financial Memorandum kan han en khan he Dan hi kan hman chuan 1.4 crores-in kan revenue collect a pung dawn tihna a ni a, a lawmawm hlein ka hria a.

Hemi chungchangah hian han sawi zauh deuh hlek ka duh chu - Kan ramah hian mimal anga ka lo mangan pui em em thin a awm a. Revenue chungchangah hian kan harsa a, fund-ah hian kan tamchawl titih a ni. Sorkar

hmasaah pawh chutiang a ni a, a hmasa lelah pawh a ni a, khatiang khan kan tamchhawl zel a nih lai hian engtiangin nge mipui hian tax hi kan pek anga, revenue collection lam hi kan tihpun ang tih hi kan ngaihtuah hauh lo ni hian a lang thin a. Kan Sorkarin a tul a ni e, an ti a, kawng hrang hrangah revenue collection tihpunna atan fee te leh Tax te han tipung ila ti a, an han tuk chhin hian chawp leh chilhin Pu Deputy Speaker, mipui atangte leh mi hausa zawkte atang hian reaction a awm nghal zel. Kan politician-te lak atang pawh hian reaction a awm nghal zel. Hei hi kan ram tan a tha em? tih ngaihtuah tur a ni a. Sorkar hi a lo din hian sum leh pai duhtawka hman tur nen a ding nghal ngawt lo tih hi kan hriat a pawimawhin ka hria. Tunah pawh Mizoram Sorkar hian tuna kan Sorkar leh a hmasate pawhin kan ram mamawh ang kan han chhut chhuaka, Central Sorkar-ah hetiang hi kan mamawh dan a ni e, tiin kan zuk dil a. Central Sorkar-in min rawn pe thin, a dil chhuak tam theite pawh kan infak a, kan inchawimawi a, a dik pawh a dik. Khawi atangin nge kha kha min rawn pek tih hi hriat a ngai. Mi rethei te te leh mi harsate khuan rinawm takin Sorkarin chhiah pek tura an tih ang hi an pe a, chumi tlingkhawm atang chuan chhiah pe tha duhlo Zoram mite pawh hi min rawn chawm a ni tih kan hriat a pawimawh khawpin ka hria a. Chuvangin, vawiina Bill hi kan pass ngei ngei chi niin ka hria. Tin, Legislators-te pawh hian Zoram mipuite hi hetiang zawnga kan inzirtir a, ringtaka kan tlangau tan pawh hi a pawimawh hlein ka hria. Engkim Sorkar atangin neih vek kan tum a, kan phut a. Amaherawhchu, Sorkar-ah pek let leh hi kan tihtur a ni tih ngaihtuahna kan neilo hi a pawi khawpin ka hria. Ram changkang zawk Germany-ah te phei khu chuan thalai hnathawkhote khuan chhiah an pe lo ang tih an hlau ngawih ngawih a ni. Engvang nge? An chhiah pek tlingkhawm atangin an Sorkar khu a kal a ni tih an hria a. Tin, anmahni pawh tar chhia annih hunah tar hlawh/inchawmna tur Sorkarin a pek theih khu an la dawn tur tih an hriatchian vang a ni a. Chuvangin keini pawh hian chhiah kan pek hian keimahni tan kan pe a ni. Kan pek khawm hi thiam takin kan tan Sorkarin a rawn hmang leh a ni tih hi kan hriat a pawimawh hlein ka hria a.

Tin, Section 3 Amendment lai kha thil chianglo deuh hlek a awmin ka hria a, chu chu ka'n sawichhuak teh ang. Amendment-ah khan 'Section 3 of the Principle Act shall be substituted as follows, namely' a ti a, Sub-section I – ah chuan "All motor vehicles described in column 1 of 6 of scheduled in use or kept in Mizoram" a ti a. Tax khawn tur tih a awm tlat lo, tax a inziak a, chutiangin Sub-section 2 pawh kha en phei ula, phek lehlam ami, Sub-section 3 pawh kha en leh ila, tikhan a tawp tlawng mai a ni. Tax tih chu a lang zel, khawntur tih a awm lo. Chuvang chuan rawtna siam ila, 'Section 3 of the Principle Act shall be substituted as follows, namely tih zawhah hian "There shall be levied on" tih khan kal ta sela, a va han tha mai awm em, helai hi siam thain pass ta ila a dik mai awm mang e. He bill hi pass ngei tura support chungin kha lai kha ka han sawi chhuak a ni e. Ka lawm e.

DEPUTY SPEAKER : Pu R.Lalthangliana ilo sawm ang.

Dr. R. LALTHANGLIANA : Pu Deputy Speaker, kan bill hi bill pawimawh tak mai a ni a, kan Minister sawi ang deuh khan ka ngaih pawimawhna hi a rei ve deuh hlek tawh a. Kan revised lohna hi 1997 bawr vel atanga han thlir chuan

price escalation, thil manrawn to chho nen engemaw ti zawng chuan thil ngaihtuah chian deuh chu a ngai hrim hrim niin a lang a, tih hi chu a tul ang reng mange aw, tih Motor neite kan nihve tawh avang hian tul tihna lai chu ka nei khawp mai a. Kan ram kan thlir a ngai a, tuna kan ngaihtlak tak ang khan engemaw chen hi chu keimahni in kan tih ve theih turah hian hnial lova kan tih ve hrim hrim a ngai a. Citizen tha, khua leh tui tha kan nih chuan tihve tur chin hi kan nei ngei a ni tih lai kha kan pawmtlan thain ka hria a. Chutih lai chuan chian vak loh lai ka neih piah lamah thil pakhat tlema min clarify theih deuh a awm em aw, tih ka neih lai a chu - a pek dan phungah hian Pu Deputy Speaker, buaithlak thei tur ang deuh hleka ngaih ka neih a, new vehicle ti mai ila, motor thar hlak kan han neih khan a lifetime kha kum 15 anga chhut a ni ta niin a lang a. Kum 15 chhung tawp mai kha vawikhatah kan pek chuan rinai chuan, sangkhat lo nita se singkhat leh sangnga bawr vel kha vawikhatah pek a ngai ang a. Amaherawhchu, vehicle damrei chhung hun zwng zawng kan pe a, a na loah chuan ngai ta tho ila. Chutih lai chuan tamtak khan kan pe theilo ve ang em ? tih laia kha kan chhut, kan ngaihtuah deuh chu a ngaiin ka hria a. Khalaiah khan mandatory lutuk lo khan vehicle thar hlak nei tan kum 5 chin te hi chu pek theih nita sela, kum 10 chin pek theih tih lai angte kha a siam theih em tih laia kha ka chiang lo deuh a, ka'n zawt duh deuh hlek a, harsatna engemaw kha a awm ve thei a.

Tin, Motor hi thenkhat chuan Maruari te leh engemaw te hi chuan an han lei a, kum 3 kum 4 vel an han lei a, an hralh leh mai a, an hralh leh pawh khan tax an lo clear vek tawh anih pawh khan, khami hisap khan an hralh leh mai turah pawh khan ngai ta ila. Chutiang ti lemlo tan chuan vawikhata one go ti mai ila vawikhata han pek vek khan rinai khan senso chu a tam viau mai awm mang e aw, tih ka nei deuh a, chu lai tak chu Consultative Committee kaltlang tawh tih te anlo nihna karah khan a zahawm viau a, khangte pawh kha point an sawiho tawh turah chuan ka ngai tho a, khalai kha tlemin Ministerin min hrilhfiah theih se chu a tha mang e aw, ka ti deuh a. Tin, chulo lehah chuan Non-transport vehicle-ah hian 50 % tih alo ni a, chutah chuan transport vehicle 20% tih alo ni a, helaia sum lo lut zat tur revenue kan hmuh zat tur 1.41 crore bawr vel a ni tih te chhut alo ni ta a. Khalai kha hmundanga an tih dan phung deuh a ni em? 50 % a kha No – transport vehicle a kha nita ang sela, transport vehicle-a 20% tih kha hei hi State dangah te leh hmun danga an tih dante a ni em? awmlo deuh te kan lo ti palh em, tih laia kha kan hriat duh lai deuh hlek a ni a. A principle hrim hrimah chuan he Amendment Bill hi kaltlang se chuan tih hi ka ngaihdan chu a ni tho mai a, amaherawhchu, pek dan phung vawi khata pek teuh a kha, insist ti mai ila, tih luihna ang deuhva kan tih vak kha a buaithlak thei em? tihlai kha ka rilruah min kaptu lai deuh a ni a. Amaherawh chu a reilo berah kum nga tal hi chu a pe phawt ang a, kum 10 pe duh tan pawh provision kha awm thei tho ta sela, kum 15 ang te, bithliah thum ang deuh te khan category thum ang deuh te khan a tih theih em? a practicable tho chuan tih lai kha ka rilruah a awm deuh hlek a. Tih lohah chuan a principle hrim hrim hi kan revise lohna hi 1997 lai Pu Dy. Speaker a nih tawh chuan engemaw hi chu he kan rorelnaah hi chuan kan tih a ngai tih hi rilruah chuan a awm a ni tih kha ka sawi a ni.

DEPUTY SPEAKER : Pu Lalduhawma ilo sawm ang.

Pu LALDUHOMA : Pu Dy, Speaker, thil rate revise hrim hrim hi a principle-in, rei tak revise lo a daha tih phut kan ching a kan ramah hian,

hei hi Sorkar leh Department-te an mutthluk vang niin ka hria a. Tunhma te pawh khan kawng zawh ngai khawp leh total band siam ngai khawpa do ngai thil rate a lo chhuak tawh thin a. Kan inhmunte pawh, quarry-te pawh, electric bill kan tih ang chite pawh vawikhata a let 10 te, a let 20 tea tihpun an nih si kha chuan mipui tan hian hriat thiam leh dawnawn thiam a har bik tlat a ni. Tin, kan Hospital-ah te pawh eng eng emaw mipuitena an hman man an pek ngai a awm a, tuna kan rate dinglaite pawh khi pawn lama private clinic te nena ngaihtuah chuan tlawm hlei tak a ni a, kan hre theuh a. Mahse khingte pawh khi dah ta vung vung ila, kum 10 hnuah khan han ti thut ta mai ila chuan hriat thiam a har viau dawn a ni. Chuvang chuan, thil rate kan revise hian revise zing ila, dose tlemte tein vawikhatah hian ti ila mipuite pawn an hrethiam ang a.

Tin, vawiinah hian politics ang te, party ang te, engemaw tia sawisel hrim hrim tumna ang chi kha a awmin ka hre lova, reasonable chu reasonable kan ti mai ang a. Helai schedule II-a Lifetime tax pek tur hova hi tuna ka hmaa Member zahawm tak sawi ang khan, motor kha a accident dawn nge dawn lo pawh a hriat lova, kum 15 chung han pek nghal kha chu tih rilruah a awm thei a ni. Amaherawhchu, kum 5 hnuah han ti leh ila, kum 5 hnuah lei chhawng leh tu khan a rawn pe kher ang em, tih kha a ni leh tawh bawk si a. Hei, tax transport vehicle leh private tax an pek that lohzia hi chu kan hrechiang em em a ni. Kan bill ang hi chuan Maruti 800 thar lei ta ila, ₹ 11,250.00 kha kumkhua atan pek nghal tur a ni mai a, a na lovah ngai ta ila, kan hralh leh duh pawhin kha kha kan chhiar tel ve leh mai dawn a ni mai a. Sorkar tan chuan a long runah chuan vawikhata tlingtlak mai kha a tha viau chuan ka hre mai. Kum bithliah han neih khan khami hnu lama han tih leh kha a buaithlak dawn tho tho mai a.

Tin, motor hlui lo awm tawh sa lifetime an pek tur zat kum khat zela an in upat hleih dan azirin a tlawm thla tual tual a, motor hlui chuan lifetime pawh nise kum 10-a upa chuan a pek tur a kha a tlem tawh a ni. Amaherawhchu, schedule-I ami ho kha kumtin a pek tur ho kha chu a hlui leh a thar thliar hran a awm tawh chuang lova, a thar chawi zat kha a hlui em em pawh khan a chawi ngar ngar dawn tihna kha a ni ta a. Khalai kha chu siamthat theih dan awm ta selangin, kum 5 bithliah ang zawngin emaw, vawi thum emaw rate te kha han nei chhovin, khatiang khan annual tax an pek tur kha motor hluiah chuan tih tlem ve dan a awm lawm maw ni le, Schedule-II ami kan ngaihnathiam tho si chuan motor theuh theuh, a hlui theuh theuh, thenkhat ngaihthiam a, thenkhat ngaihthiamna awm ta lo ang deuh khan a lang a, chu chu tihdan a awm thei ang em aw, tih ka rilruah a lo lang a.

Tin, Motor zawng zawng hi life time hian ti vek mai ila, life time hian a tih vek theih loh em ni? Harsatna engnge awm? Kan ti vek vek anih chuan life time touch paid hian han ti vek mai ila a va fihlim thlak dawn em, tih te ka ngaihtuah a. Assembly Committee hrang hrang atang hian Transport Department-a tax lut lo nasat zia hi kan hria a. A then chu an thinchhuah zawh tawh loh, tihngaihna Department-in a hriat tawh loh hnuah Certificate Officer hnenah an refer a. Certificate Officer khan cheng nuai nga chawi tur pawh kha cheng 500 te a chawitir mai mai a, awmzia a neih tir tak tak thei tawh lova. Chuvangin, hemi schedule 1 ami pawh hi life time a han

pek theih dante hi awm ve ta mai se a heavy lutuk dawn nge niang a, Sorkarah chhiah kan chawi tur na na na hi chu kan chhung tur a ni a. Mizoramah hian a pehhel hi kan tam em em mai a, address pawh hriat theih tawh loh hi Department hian a ngah em em a ni tih hi kan hriatpui a ni.

A rate bithliah chungchangah hi chuan a awm leh awm loh chungchang hi chu ka zuk hrethiam ve lova. Awm tih pawh ka sawi chuang lova, awmlo tih pawh ka sawi ngam chuang lova. Engpawhnise, a tha ka ti a, han hmang chhin phawt ila, tuna kan suggestion te kha kan han hman chhoh chhin zel na ah a Department pawh hian hriain a tih dan tha zawkte zawn chhoh zel nan hman tum sela a tha khawpin ka ring. Pass tlan a thain ka hria. Ka lawm e.

DEPUTY SPEAKER : Pu John Siamkunga ilo ko ang.

Pu JOHN SIAMKUNGA : Pu Deputy Speaker ka lawm e. Wawiin khan ka zawhna kha a chhuak hman lo chiah a, tax chungchang han sawi ka chak deuh a. A chhan chu, wawiina helai Bill kan sawiho mekah pawh hian a tum ber chu mipuiin kan chhiah pek tur ang kan pek ngei ngei tur si, kan pek loh ngaimawh thua he thil hi siam anih a chiang a.

Kan hriat theuh angin thingtlang chang a ni lo, Aizawl ah pawh hian Road Tax pe lo, a ruka awl ru hi kan tam a ni. Hemi anih avang hian chhiah hi a nih tur ang takin a lut lova. Kan chhiah pek dan hi March thla velah kan han hawng a, kumtluana pek hun hawn a nih leh si loh avangin tam tak hmanhmawh zual deughten a huna pe thei lovin nidangah ka pe mai ang an ti a, an tum ang hunah an pe leh thei si lova, chuvangin kum khatte an han awl a. A kum leh a an han pek leh dawn chuan a lo sang ta awlh si a, khami anih avang khan min man chuang love tiin an awl ru chho zel a. A tawpah pheichuan chhiah pe lo hian kum tam tak an awl phah thin a ni. Chu chu thingtlang mai nilovin khawpuiah pawh hian a tam em em a. Traffic Police ten No Tolerance Day an hman hian a chiang khawp, motor a vang kuar zel a ni. Chumiin a entir chu a ruka chhiah awlru kan tam zia tilangtu a ni. Hetianga Transport Vehicle a ni emaw, Private Vehilce ah pawh hian a tam hle a ni tih chu heng hun atang hian a chhut theih a. Chumi awmzia chu mipui sum tur private hian kan lo pocket zel a ni tih a chiang a ni.

Tin, thingtlangah ngat pheichuan lirthei an han lei a, an lei nia tax an pek bak kha chu, dam chhunga pe ta lo hi an tam em em mai a. Chutiang chu sawi tur pawh an tam a ni. Aizawl pawhrawn thleng ngam reng reng lo, Traffic Police-te duty-na hmun thleng ngam reng reng lo hi an tam a ni. Chutiang anih avang chuan hetiang ngaihtuahna alo chhuak hi a tha a.

Tin, kan tax pek dan hrim hrim pawh hi kan uluk a ngaiin ka hria a, mipui remchan dan kan hawn thiam a ngai a ni. Chu chu Transport Department-ah chang ni lo, Department dangah pawh, mi'n an hun neih hlu tak senga an va kal a, 'a receipt bu kan kawlo' tia an lo dawn duh loh hi a awm fo a ni, chhiah kan pek dawn hian. Chutiang chu awm tawh lo se, tin, chhiah kan pek dan hi systematic deuhin tih

nisela. Tunah phei chuan Computerization vek a ni tawh a, motor number-te, a neitute nen engkim tih a ni tawh a ni. A programming kha tha deuha kan duana kan tih phei chuan Department tan hian chhiah awl ru kha single click atang ringawt pawh hian a tihchhuah vek theih ang tih ka ring. Amaherawhchu, kan Computer hman dan hi a tha lo nge ni, chhiah awl ru leh awl ru lo in zawn chhuah theih reng reng loh tur hian kan programme nge, zawn chhuah kan tum lo? Chuvangin tax evasion Mizoramah hian a tam em avang hian chhiah kan hmuh tur ang kan hmu lo thin a ni. Vaibelchhe 100 hmu turah hian vaibelchhe 50/60 vel chauh kan hmu thin a. Chumi awmzia chu a ruka chhiah awl ru kan tam thin vang a ni. Tuna life time, kum 15 ang vel lai kan khawn tur hi hetia han en chuan thil tha tak a ni. Amaherawhchu, motor kum 2 kum 3 lo kawh tawh ten, a sing tel teh meuh, motor 2/3 tan chhiah an pek a ngai dawn a. Khangah te khan vawikhata han pek tawp atan khan a rip lutuk ang em aw, tih erawh chu ka ngaihtuah deuh a. 12,000/- vel theuh pawh lo ni se, 30,000/- chuang fe kha vawikhatah phawrh a ngai dawn a ni. Khalai te kha a installment emaw, eng emaw ang te khan, remchan lohna a awm theih avangin tih theih dan a awm ang em aw, ka ti deuh a.

Tin, ka han sawi leh duh chu, lifetime-a kan pek dawn khan lei tirh hi chuan kan pe hreh lo a ni. Kan han lei tirh lai kha chuan kan pawk vek mai a, kan motor man tur bakah pawh Insurance Company-a kan pek tur nen lam khan engkim kan chhep sa vek a. Khami anih avang khan lei tirha pek kha chu a na vak lo thin a ni. A lei leh zel tur tan pawh hian a awlsam zawk ang a. Chhiah pek loh vanga ti dui kha a awm tawh lo ang a, a zia viauin ka ring. Amaherawhchu, ka sawi tawh ang khan kum 2, kum 3, kum 4, kum 5 lo ni tawh, Road Tax kum khata tlem tlem lo pe thin khan vawi khata kan han pek tlawrh dawn khan harsatna, pawisa lakluh te alo tam lutuk loh phei chuan a awm thei ang em, chungkaw tam takah tih kha ka ngaihtuah deuh a. Tin, a tawp bera ka han sawi duh chu hei hi lifetime-a kan pek dawn hian a hralh leh tih velah chuan a buai reng reng lo a ni tih a chiang a. Kei khan motor ka lei tirhin a lifetime tax ka lo pek tawh chuan a hnua a neitu hnenah pawh a hlan chhawng zel dawn a, chuvangin, awlsamna a siam zawk a ni.

Tin, ka zawhna pakhat erawh chu lo accident ta sela, kum 15 tan chhiah lo pe ta ila, kum 5 velah lo accident-in chhe ta der mai sela, kum 10 chhiah pek tur kha vanduin tawktu khan a reimburse leh mai dawn nge? engtiangin nge a kal dawn tih lai te kha ka'n zawt a ni e. Tin, he Bill hi ka support a, pass ngei ka duh tih ka'n sawi lang e, ka lawm e.

DEPUTY SPEAKER : Pu K.S. Thanga ilo ko ang.

Pu K.S. THANGA : Pu Deputy Speaker, tam tak sawi tur ka nei lova, he Bill hi ka'n support ve duh a. Tin, inthlahrung lo takin pass ila ka duh a. Ka thahnemngaihna thu-ah phei chuan a Motor tax ringawt hi a rawn ti a. Transport, MV Act-ah hian garage chungchangte kha kan Aizawl khawpui hi kan hria a, Aizawl khawpui mai pawh a ni tawh lova, Mizoram khawpui lian deuhah hi chuan traffic jam hi a rapthlak tawh a, Aizawlah chuan khawi laiah pawh veng kilkhawr ber pawh hi, tukinah Venghlui atangin Dakin-a rawn chho kan ni a, helai lo chhoh hi a theih lova, khuti laiah khuan motor

pakhat a chhia a kan let a, Venghluai mawng atanga thui tawk kan tlan thlak hnuah kan lo tlan chho leh a, Governor lamah, khati vel khan kan khat nghal mup mup zel mai a, a tlai te pawh ka rawn tlai phah a ni a. Chuvang chuan dan khauh deuh, mitha tan chuan dan zawm mai tura siam that tulh tulh hi thain ka hria a. Kan Member zahawmtak, Pu Lalduhoma rawn sawi ang chi, Dan kan siam chak lo lutuk te leh thil kan revise chak lo lutuk zawk hi keipawh ka ngaihtuahnaah chuan, ti zung zung ila, kan ram enkawl na hi Legislator kan nihna ang hian siam zung zung ila, Minister dang te pawh khan tihte pawh ka ngaihtuah hial zawk a. Tunah pawh hian sum leh pai lama thahnemngaihna thu hrim hrimah pawh hian keimahni State, Central-in budget min rawn pek kan lo do vena turah, kan resource kan lo mobilize vena turah crore 100 te emaw kan State-in kan tum ve turah tuna crore 70 pawh kan tlin hleithei lo hi chu a pawl a ni. Chuvang chuan State pakhat ni ve si in crore 100 em pawh tlin thei lo han nihte pawh hi kan Minister-ten tan han la sauh sauh sela a thain ka hria.

Tin, inthlahrun lohna tura ka'n sawi duh mai mai chu, hmannah kan thian pakhatin Nagaland-ah hna a han thawk a, Bolero kan tihchhuah thar 4/4 kan tih ang chi A/C te pawh awm ang chi hi Nuai sarih leh singnga man vel a ni maithei, lifetime tho khan an ti ve a ₹ 75,000/- kha lifetime-ah khan an pe hem mai a ni. Nagaland, keini pawhina kan hmuh san bik lohte pawh khan 10% an pe anih hmel. Chuvang chuan tunah hian kal ngaihna pawh awm lo khawp hian kan ti a, motor kan lei dawnte pawhin kan ngaihtuahna kan hman nante pawh nichina ka hmaa Member zahawm tak Pu John Siamkunga sawi ang khan, kan lei dawn pawh hian inhuam ten tawna leite pawh kan lo ni thei a. A thar emaw a hlui pawh nise, a hluite phei chu a buai lo ta a, tax pek sa te a lo ni tawh a, a thar lei tur phei chuan khang ngaihtuahna kha nei sela hautak thei deuh te pawn ti ta sela kan khawpui te pawh hi kan siamtha zawk lel ang em aw! tih kha ka ngaihtuah deuhva. Kan zavaiin kha kha kan mawhphurhnaah dah ta ila, tumah indem thei leh inthik thei kan awm dawn lova, danin min hrut rual mai sela, tihte kha ka ngaihtuah venaah a awm a. Chuvang chuan tha ka ti a, kan che tlai mah mah ni te hian ka hre thin a, chu chu ka'n sawi ve duh a.

Tin, lifetime kha 15 years a ni a, motor hi 15 years-te phei hi chu a tha thei khawp a, kan thian pakhat khan "25 years ka enkawl dawn e", a ti a, hmanah khan a ni tawh a, tunah pawh ala tha a ni. 25 years vel phei chu a ni daih tawh a ni, a la tha tho mai a khangte khan tax kha an pe nawn leh dawn nge ni? Lifetime kha a zo tawh si a, khangte kha engtingge an tih dawn tihte kha kan ngaihtuah mai mai a. Ka'n sawi leh duh chu, kan thenawm State-ah te chuan an pe na khawp mai a, an pe tha khawp a, chuvangin a inthlahrunawm lohvin ka'n hre deuh a, huaisen takin i kaltlang teh ang u, tih kha ka'n sawi ve duh a ni. Ka lawm e.

DEPUTY SPEAKER : Pu B. Lalthlengliana ilo ko ang.

Pu B. LALTHLENGLIANA : Pu Deputy Speaker, vawiina kan Bill han pawrh han sawisel vak tur ka hre lova. Amaherawhchu, ka rilrua awm chu,

Mizoram hian chhiah lak hrim hrim hi, nichina ka hmaa thusawituten an sawi ang khan mipui lam atang leh he House-ah pawh hian drama play-a thil tha ni si, insawihnaawm sak hi tun hma atanga chin thin a ni a. Tunah erawh chuan kalphung tha inchoawp chho zel a. Thil tha a nih chuan Opposition ho pawhin kan thlawp mai zel che u a. Mizoram hi special state kan nih avangin 90% Central-in min tum a, keinin 10% kan tum tur ni khan a lang a. Vawiin thleng hian, kan tum tur pawh hi kan la tum thei lo a ni a. State puitling, kum 20 kan nih hnuah pawh kan tih ve tur ti thei lovin Vairengte chhak lamah kan thawveng em em ringawt mai niin a lang a. Chungte avang chuan MNF Sorkar lai pawh khan Revenue-a chhiah tih pun anih dawn pawh khan opposition atang khan dodalna nasa tak a awm thin kha a ni a, VAT chungchangah te pawh. Leiman British hun laia ₹ 2/-, khatih hun lai khan patlingin duli vel an hlawh thei a. Tunah hi chuan patlingin ₹ 200/- te an hlawh thei tawh a. Chutih laia ₹ 2/- atanga ₹ 10/- a tihpun rawt anih khan min dodal nasa em em kha a ni a. Pawisa value tun dinhmunte en chuan ₹ 10/- pawh kha tlem tak a ni. Kan harsa a, mihring kan inang lova. Amaherawhchu, tun dinhmunah hi chuan BPL family pawhin mobile phone an hmang vek tawh a ni. Chungte ngaihtuah chuan chhiah lak hi kan tih ngei ngei tur a ni tih vawiinah hian ka pawm a. VAT te pawh kan han ti a, kan sawisel chiam thin a. Han tih tak rawihah chuan vawiinah chuan Budget kan thawh chhuah ve tur tum puitling tura nasa taka min puitu tha tak a lo ni a, hengte pawh hi lawmawm ka ti a.

Nichina Minister zahawmtakin a rawn move-naah khan Transport Commercial vehicle-ah khan 25% in chhiah tihpun a ni ang. Private vehicle-ah 50% tihpun a ni ang tih kha ka ngaihtlak dan a ni a. A dik em ka hre lova. Private vehicle-a 50% em ema tihpun kha mipuiin na an ti angem aw, ka ti a, nakinah min clarify sela. Tin, chulovah chuan tuna private vehicle lo nei tawh, a lifetime rawn bithliah a lifetime pel thuk ho hi eng anga bithliah ve nge ni ang tih leh he bill hi kan pass a, Gazette-a a lo chhuah atanga effective ni ta se la, kum khat a liam hnuah a life time-in a bul lama tax a lo pek kha chhut ang zulzuia pek tur em ni ang tih te ka rilru ngaihtuahnaah a awm bawk a. Chhiah lak hrim hrim hi Pathian leh mipuite zara helaia dan siamtute zinga ka tel ve atang hian kan tih tur, kan duty a ni tih kei ka pawm dan a ni a. A pawng a puiin ka oppose lo. Nichina Member zahawm tak tak ten an sawi ang khan a tira a punna tam tham deuh hleka han siam hian kan hrethiam lo niin a lang a. Chuvangin, tua te pawh sorkar sela, Minister te hian chhiah lampang khawih Department an chan chuan tlemte tea tipung a tihzin theih ni sela thain ka ring a. Mi ram ten chhiah an pek tam dan te sawi tam ngai lovin kan hre vek a. Chuvang chuan Mizoramah pawh hian tax la lo ringawt maia kal hi chu a dik lo a ni tih hi ka rilrua ka pawm dan leh ka ngaihdan kumkhua a ni a. Transport Department hian engtia tih tur nge ka hrethiam chiah lova, motor engnge maw zat registration ti lova tlan an tam zia han hmuh hian engtin nge ni registration ti lova khatiang zat motor an tlan theih a, crores and crores deuh thaw chhiah hmu lova kan awm dan te ka ngaihtuahin he Department changtu Minister zahawm tak hian hma a lak theih ang tih te ka ngaihtuahnaah a awm a. Tin, road tax phei chu miin an pe lo nasa a ni tihte chu hriat sa a ni. Registration thlenga tih lova vehicle engemaw zat awmte hi chu a check dan ngaihtuah ni se la. Chutichuan kan ram intodelh lohna, source of revenue kan neih tam loh avanga harsatna kan neihte hi heitanga chhiah kan han lak hian zawi zawiin kan improve thei ang tih ka ring a. Chuvang chuan, he Bill hi ka support a ni tih ka rawn sawi ve a ni e.

DEPUTY SPEAKER : Pu K. Liantlinga ilo sawm ang.

Pu K. LIANTLINGA : Pu Deputy Speaker, ka lawm e. Vawiina ‘The Mizoram Motor Vehicle Taxation(Amendment) Bill, 2011’ tih hi thil awm tak niin ka hria a, Schedule I & II han thlir pawh hian. Amaherawhchu, tun hnaiah hian nge ka hrechiang ta chiah lova, motor life 10 years tih thin kha 15 years-ah hian an tisang ta em ni? ka chiang lova tunhma chuan 10 years kha life time a ni thin a, Mizoramahte introduce a ni lem lova. Tunhma kum 10 kalta khan Delhi te, Mumbai-ah te khu chuan an hmang tawh a, Mizoram-ah tih nghahhlelhawm tak a ni a. Vawiinah chuan kan House-ah Bill a lo lut a, thil han tih awm tak pawh niin ka hria a. Helaiyah hian upto 800 cc han tih hian tuna kan Maruti car taxi ang hi a ni mai a, hengte hi a sang lutuk deuh em aw chu ka ti a, ₹ 650 vel kha an annual tax niin ka hria a, ka hriatsual loh chuan, Pu Deputy Speaker. Tin, 3000 cc te pheih hi chu ₹ 19500 vel lai a ni mai a, tlem chuan a sang deuh awm mang e, ka ti a.

Tin, life time hi chu a tha hrim hrim a, min a hralh emaw hralh lo emaw, a accident emaw a accident lo emaw tax pek lohva sum tam tak liam tur kha a pe a, a tawh a ni mai a, a accident a nih pawhin a accident ral pui a ni mai a, khalai kha chu sawi tur a awm chuang lova. Tin, motor hralhte pawhin a leituten a State pangngaiyah an hmang anih chuan, a hman zui theih thova, motor leitu tan khan hralh chhawng leh pawh nise engmah problem a awm lova. Amaherawhchu, helaiyah hian tih tel lem loh a nia, fitness tih vel te hi transport vehicles bikah hianin Schedule I-ah hian kalpui anih chuan thu hran nisela, fitness hi a pawimawhna a awm a. Khawpuiah te chuan motor rawng kah loh putty kai tlan pawh an phal lova, tin, kawng lakah motor brake down a awm pawhin kawngsirah an hnuhsawn sak a, workshop-ah emaw an dah sak a, fine a awm a ₹ 500, tin, a hnuhsawn manah ₹ 500 te. Khatiang khan dan mumal tak khawpuiah te hi chuan a awm a, heng dante pawh hi siam that a pawimawh hle in ka hria a. A tax ringawt mai a sum luhna ringawt mai kha chu thukhat lo ni ta sela, khawpui ti mawi tur leh ti changkang deuh turte pawh hian vehicle fitness tha tawh leh rawng kah mam tak a ni tur a ni a; tin, number plate pawh awmze nei a ni tur a ni a. Tin, a fel fai tur a ni a, Dan mumal takte pawh hi siam belh chhoh zel nita sela. Kan member zahawm tak Pu K.S. Thanga sawite pawh kha kawng lakah motor a tihchhiat chuan a fitness kha a tha tawh lo a ni, ₹ 500 emaw a fine tur a ni. Chuvang chuan mumal taka dan hi siam hi a tha mang e ka ti a.

Tin, kawngpui dung hi garage-ah kan hmang a ni ringawt mai a. Hei kum 2 chhung Assurance Committee Chairman ka nih chhung khan, kan Minister zahawmtak khan kum 2010 October hmang garage neih vek tur a ti a, hma kan han la ngar ngar a, kan hlawhtling dawn chauh a, mipui pawn an hrethiam tan dawn chauh a, mahse khatih lai khan an relax leh thut mai a, kha khan tunah pawh hian kawngpui zau lai hi garage a ni mai a, khatiang kan hman kha a tha lo a. He dan pawh hi vehicle rules-ah tho khan 2002 nge ni ka hrechiang tawh lo a, Pu Deputy Speaker, section 12 ah khan a awm a, mi zawng zawngin garage an nei tur a ni a. Tin, motor lei dawn pawh hian tunhma kha chuan purchasing permit-te pawh dil a ni thin a. A duh duhin lei

mai te, a remchang apiangin pawisa an neih ve leh lei nghal ringawt mai te an awm thin a. Tin, registration-a tih dawn pawn purchasing permit a nei em, garage a nei em tih atangin registration kha tih chauh nita sela. Chutiang a nih loh chuan kan khawpuiah hian motor 60000 vel a awm tawh a ni, light vehicle leh two wheeler nen hian tunah hian kan khawpui pawh a chep em em a ni. Kawng laka traffic jam leh a chep mai ni lovin kawngpui dungah motor kan park nasa lutuk a, hengte pawh hi ngaihtuah ngun a ngaiin ka hria a.

Tin, STA lam atangte pawn motor parking lamte pawh ngaihtuah ngun a ngai a. Thenkhatin an designation plate-te an tar ringawt a. Entirnan khi DC Office kawtah pawh khian an tar a ni. ADC, Additional DC tih an tar a, heng te hi danah a awm reng em? Ka hriat dan chuan Danah a awm lo a ni. Tunah Governor emaw Chief Minister-te chu thuhran ni ta sela, min duh sela chuan, bazara dawr nei zawng zawng sawn cheng 300 an pe anga parking nan an hmang vek thei a ni. Hemi chungchangah pawh hian CRPC 144 te Aizawl DC hian an declare ringawt mai a, mite an hnawt darh ringawt a, kei pawh hi vawi sawm chuang vel chu min vau tawh a, mahse ka park mai thin a. Vawikhat pawh Sadar SDO te nen kan han sawi hova, dana a awm chuan ka dah lo ang a, nangni pawhin designation plate tar phalna hi a awm em, tih thlengin kan inzawt a ni. Tunah pawh Mizoramah hian dan mumal ngaihtuah lovin kan tar tawp tawp maia, reserved kan ti a, Director Vehicle only tihte kan tar ringawt a, hengte hi danah chuan a awm lo a ni. Tunah phal ni ta se chuan, mihausain an kawt zawng zawng hi thlakhat cheng zathum zali chawi pawhin an motor dahnan an hmang vek thei a ni. Garrage neih te a pawimawh a, nei thei lo chuan motor kha a neih theih loh a ni. Culcutta khawpui te, Delhi khawpuite khu motor chu a nuai tel a awm a, mahse zan dar 12 hnu lamah chuan motor hmuh tur a awm lo reng reng. Miin parking an nei a, cheng zali zanga chawiin car an park a ni. Kan khawpuiah hian misual an la awm lo zawk a, phairam ang chuan misualte tam phei se chuan, zankhatah hian motor hi a bo fai vek ang. Tunah pawh hian motor engzatnge bo? Govt. Vehicle ringawt pawh hi engemaw zat a bo a ni. Hei hi sawichhuah ni lem lo mahse motor bo hi a tam em em a ni. Chuvang chuan tuna Bill kan han siam amendment bakah pawh hian rules leh thil dang pawh hi siam ngai nasain ka hria a. Tin, pollution chung chang thu ah te pawh hian motor engine hlui lutuk tawh khawpuiah a tlan a, motor khu luai luai ang chi te pawh hi, city Bus-ah te leh hmun dangah te pawh hian a tam a ni. Minister zahawm tak hian ennawn deuhin Aizawl khawpui chhung leh Mizoram pum han tihthianghlimna atan hian a tha lawmni tih te kha Bill han support pah hian ka sawi duh a, chu chu Pu Deputy Speaker ka sawi duh a, ka lawm e.

DEPUTY SPEAKER : Nichina a sawi lai khan Garrage chungchang kha chu registration tih dawn hian an rawn ti ve ziah mai a, kan Minister khan lo chhinchhiah se ka duh chu motor lei hnu-ah Garrage an rawn entir a, VC ten a tawpah an nei an ti leh a. Motor lei dawn khan Garrage an nei em tih zawk kha a pawimawh lai niin ka hria, kha kha ka han belh ve deuh hlek duh a ni. Anih loh chuan an lei tawh tho kha chuan engtin tin emaw garage an nei leh tho thin, a lei hma khan Garrage an nei em tih kha enfiah tur ni awm tak a ni.

Pu C. RAMHLUNA : Pu Deputy Speaker, point 2/3 lek han sawi ve ka duh a. Tuna Mizoram Vehicle Taxation Amendmend Bill, 2011 hi

tha ka ti khawp mai a. A fakawm ka ti a, a thatna zawnga han ngaihtuah chuan motor han leia, kumtina chhiah pek ngai lova vawikhata han pek vek mai kha a remchang riau a hriatna ka nei a. Tin, motor thar lei thei tan kha chuan pek mai theih awm nite pawh khan a lang ve deuh bawk a. Chuvang chuan, he proposal hi tha ka ti a, ka thlawp a. Chutihlai chuan thil pakhat han sawi ka duh a chu, a pheik 6-naa motor vehicles (including tricycles) plying intra-state for hire and used for the transport of passengers when - tiha (b) Licence to carry in all more than two, but not more than four passengers (excluding driver and conductors) tih kha an pek tur kha 850 a ni a. Hei hi transport vehicle taxi angah hian kan han ngai deuh hlek a, tuna Taxi a kan hman tam ber hi. Chulaiah chuan heta part B, lifetime tax on motor cars tiha (Not being Transport Vehicles) tiha upto 800 cc kan tih, maruti 800 velin an pek turte nen khan a inthlau lo angreng hlein ka hria a.

Transport vehicle-te chu tlema han tam deuh turah ka ngaia. Entirnan, maruti 800 te kha 750 nen khan an chhut chho ta char char a. chuan kum 15 atan khanin ₹ 11250 kha an chhut chhuak a, Taxi ho hian 850 chauh mai kha an pek tur kha a ni ta a. Private vehicle leh tax vehicle kha a inthlau lo deuh mange aw, tih ka rilruah a awm deuh hlek a.

Tin, nichina kan Minister zahawm takin a rawn move-naah khan Rs 50 in tuna kan annual rate ai hian kan tipung a, tianga a han sawi kha a ni lo deuh em aw, ka ti a. Tichuan, kan car-te hi 1000 – 2000 vel a ni a, tunah hian 750 kha annual rate-in kan inpe a, tunah chuan ₹ 1000 a ni daih tawh dawn mai a, a sanna kha a sang riau a. A category-ah Column No.4 kha en ta ila between 1000 to 2000 ah khan kum tin ₹ 1000 pek tur kha a ni ta a, tunah chuan 750 hi kan pek dan a ni a, tlem chuan a sang deuh em aw ka ti a.

Tin, a dang leha min hrihfhiah tura ka duh chu tunlai hian second hand vehicle hmun hrang hrang atanga lei hi a tam viau a, nichinah pawh khan Pu K.S. Thanga pawh khan a sawi a, ‘Nagaland atang ten an rawn lei’ a ti a. Life Time Tax ₹ 75000 lai an lo pe tawh a, khang motor ho kha Mizoramah hian lei ni ang se an lo pek tawh sa kha a hman theih nghal zel em nge a thara pek leh zel a ngai Mizoramah hian tih ka zawt duh a.

Tin, Mizoramah hian dan kan siam a, Mizoram chhungah pawh in lei te a awm zeuh zeuh thei a, engemaw tia thil dik lo ti lo awm ta sela danah inhremna hi a awm hrim hrim em, a ngailo ka ti em ni tih kha kan zawt tel duh a ni e.

Pu T.T. ZOTHANSANGA : Pu Deputy Speaker, ka lawm e. Page 13-naah khan en lawk ila, upto 800 CC tih a awm a, a piahah khan between 800 - 1000, 1000 – 2000, 2000-3000 a awm a, upto 800 kha chu a tih theih ta a, 800-1000 tih lai tak kha chu 801-1000 tih tur a nih ka ring a. A chhan chu a hmalam kha pakhat te tea kan tan loh kha chuan 800 kha hmun hniah a lang ta a. Tichuan 801 – 1000, 1001 – 2000, 2001 – 3000, 3001 – 4000 above ang khan a kal turah kan ngai a, pay chungchangah pawh a kalhmang a ni ve hrim hrim a. Khalai te kha a minor correction kha siam ila a that ka'n ring a. Tin, tunlai hian, tunhma ang kha chu a ni tawh lova. Kan hun kaltate kan thlir chuan Taxi permit zuar hi an tam thin a ni. Eizawn nana hmangte pawh an awm a.

Khatiang khan khawhar inah te an in-recommend zel a. Khatiang an zawrh lai hun kha a awm a ni. Tunah erawh hi chuan a tlem ta riau chung hian chanchinbuah Taxi permit hralh tur ka nei tih hi a awm leh zauh thin a. Hetiang hi a awm a nih chuan kan DTO lamte hian lo umzui vat sela. An permit an hmuh kha a nih angin an hmang loah ka ngai a, kha kha thil pawl tak a nih ka'n ring a. Chuvangin, Taxi a ni emaw, Maxi Cab a ni emaw, khatiang permit zuar an awm reng reng kha chuan department lam khan lo enzui se a that ka'n ring a. Vanglaini ah te a chhuak thin a ni.

Tin, Taxi neitute hian sorkar ah mumal takin tax an chawi thin a, mipuiin taxi-a kan chawi hi a mumal lo angreng khawp mai a. Taxi Driver-te hi an fing fel angreng khawp mai a, 'engzatnge ka pek ang han tih hian', 'chuti zat min pe thin' hi an han ti a. Mizo rilruah chuan mi pek thin ang zat han pek ve mai kha awm tak a ni a. Aizawl traffic hi a jam tam avang hian Taxi-ah te kan chuang ve zauh thin a, Treasury leh Tuikhuahtlang inkar pawh hi ₹ 40 a ni tlat mai a ni. Bawngkawn atanga lo kalte pawh Tuikhuahtlang an rawn thlente hian ₹ 150 an lo charge thin a ni. Taxi-ina rate an neih ang chi hi Sorkar hian Taxi ah hian tar tir thei vek sela, compulsory-in a that ka ring a. Taxi driver-te an fing thiam si a. Mi pek ang zat kha an sawi a, chuti zat chu ni mai rawh se, han ti ila, min hnial mai hreh lo hi chu an tam ve tho nain. A vawikhatnaah hian tam deuh deuh hi mipui hian kan chawi thin a ni tih kha kan sawi duh a.

Tin, tum khat lai khan kar khatah vawi hnih an chawl niin ka hria a, kan boruak kha a tha hman tawh khawp mai a. Tunah nikhat chawlhkar khatah an han chawlh leh takah hianin Aizawl chu City of Traffic Jam ang mai hi a ni leh tawh a. Kha kha a theih hram chuan a ni 2-ah khan a theih leh hram lawm ni tih kha ka rilruah a rawn awm a. Taxi hi a hlawk love an han ti tak na a, mi taxi khalh pawhin an fate school thaah an dah vek thei a ni, tunah hian. Chuvang chuan kan traffic jam lutuk tihthawl dan kawng hi chu kan hotute hian han zawng leh sela a tha mai awm mange tih ka'n ngaihtuah a.

Tin, D.T.O. Office han kal chang hian kan naute ho hi han hlawhchham chang hi an nei zeuh zeuh thin a, Computer a tha lo tih te, Receipt remchang lo ang chi kha, khatiang zeuh zeuh han awm thin kha mipui tan phurrit a tling ve a. A dik tak chuan tax pe tha duh ten tha taka an va pek dawn a Sorkar lam a lo inhawn loh vaih kha chuan a buaithlak ve thei a ni, tih kha tawite in ka'n sawi ve a ni, ka lawm e. (**DEPUTY SPEAKER** : Pu Zothangliana)

Pu H. ZOTHANGLIANA : Pu Deputy Speaker, ka lawm e. Nichin khan ka phar a, i bu nghut a, min ko dawn emaw ka ti a, thiante dang kha i ko ta a, a tawpa tawpah min ko hram a, ka lawm e.

Pu Deputy Speaker, "The Mizoram Motor Vehicle Taxation (Amendment) Bill, 2011" hi Bill thatak a ni a, pass ngei tur chi a niin ka hria a ni tih hi ka'n din pui ve duh a.

A hmasaa ka'n sawi duh chu, kan MLA zahawmtak tak ten an sawi tawh ang khan Mizorama kan tax base hi tihzau zel a tul hle a ni tih hi tawite tala tihrik ve hrim hrim ka duh a. Kan ram dinhmunin a mamawh ziate

erawh chu thuitak ka sawi lo ang a. Engpawhnise, kan tax base te kan lo tihzauh deuh a, mipuite pawhin Sorkara chhiah kan chhunluh deuh deuh hian, neitu nihna kan inhriatna pawh hi a chiang lehzuah ang a, chu chuan thui takin kan rama hri thalo tak mai kan vei kan tih thin corruption chungchangah pawh hian awmzia a nei ang tih ka ring a. Mipuiten Sorkara chhiah kan chhunluh tam na na na chuan Sorkar mite, hnathawktute, politician lakah te pawh mipui thikthu a chhia a, an duh fir deuh nge nge a, chu chu ram changkang zawkah pawh rampumin a thatpui leh a hlawkpui a ni thin a ni tih hi han sawirik hmasak ka duh a ni.

Tin, kan Bill chhung bikah chuan a rate rawn pun chhoh dan hi a reasonable viauin ka hria a. Kum 1977-a rate hman kha kum 34 chhung vel kan lo hman tawh a, hetih hun chhung hian Sorkar hnathawkte hlauh hi a let tamtakin a pung tawh a. Sorkar hnathawktute mai ni lovin, kuthnathawktute hlauh pawh hi a let nasa fein a pung tawh a ni. Keini naupangte pawhin kan hriat ve chinah kum 1977 velah te kha chuan naupangte niin mi hnenah kan inhlauh ve tawh thin a. Chungah chuan keini naupangte chuan nikhat nilengin cheng 10 kan hlauh a ni. Chungte ngaihtuah chuan waviina non-transport vehicle tax rate 50% vela pungte hi chu a na lo hlein ka hria. Transport vehicle-ah hian 20% hrutrualin a punna a ni dawn a ni tih kan hria a, hei pawh hi thil awmai tak a ni ka ti a ni.

Tin, thil pakhat ka'n sawi tel duh chu a hming hi vehicle taxation tih a nih rualin, anihna takah chuan he kan tax pek tur hi road tax a ni a, chuvangin kan member zahawmtak thenkhatin an han tihrik zawk Motor hlui leh thar chawi inzat hi a 'fair' dawn em ni tihte pawh kha kawngkhata ngaihtuah chuan thil awm tak a nih rualin, a motor hlui leh thar lam kha a tehkhawng a ni pawhin a lang ber lova. Kalkawng hman man, kalkawng zawh man kha kan tax pek chhan ber tur kha niin a lang a. Motor hlui deuh pheih hi chuan chawi tam zawk se engemaw ti zawng taka ngaihtuah chuan a awm viau zawk a ni. Motor hlui deuh chuan kawng pawh hi an tichhe duh deuh zawk a ni, a slip leh engemaw buai vel a tam a, chuvangin a hnawk siam tam zawkte pawh hi an ni a ni tih kha ka rilruah a awm a.

A bill thu hi nichin khan kan MLA zahawm tak Pu Chawngtinthanga khan a sawi tawh a, a pheh hmasa ber pheh khatna a Amendment of Section 3 tih kha a rawn sawi chiang a; nimahsela, a thut dawn lama hmanhmawh deuh hleka sawi a nih avang khan a chian loh palh hlauh takin tih thuah ka'n nawn duh a. Section 3 of the Principal Act shall be substituted as follows - namely, tih dawtah chiah khan a main clause ang deuhin, a principal clause tih tur emaw ni zawk ni - "there shall be levied on" tih kha zep tel ila, a hnuai thudang sub section 1, 2 & 3 te kha a keng felfai vek a ni tih kha ka'n sawi nawn duh a.

Tin, pheh khatnaah tho khan short title and commencement tih chungaha No. 2-ah khan Official Gazette tih a lo lang a, khata gazette tih spell kha chhutsual palh satliah ni lovin an hriat dan ve hrim hrim-in an chhu niin a lang a, gadzatted tiin an chhu a, 'd' kha a chuang tlaiin ka hria a, an tihluh nia ka hriatna chhan chu pheh 3-na para tawp berah khan Official Gazette tih kha a lang leh a. Kha tah pawh khan Gad tiin a rawn lang leh a, chuvangin hei hi hriatsual palh nge ni keimah hian ka hresual zawk aw ka ti a. The Mizoram Gazette tih hetah hian a copy kan kawl a, hetah pawh hian Gazette tih mai a ni a, 'D' kha a lang tello a ni. Khatiang te te kha sawi dawn chuan sawi tur a awm thei a, han tarlang ve hrim hrim ta ila. A pheh hmasa ber, pheh No 1 ah bawh khan, 'A Bill to amend the Mizoram Motor

Vehicle Taxation , 1996 Act, Act No.5 of 1996’ tih dawt chiaha bracket chhungah khan ‘therein after’ tiin a inziak a, ‘therein’ nilo in ‘herein after’ nimai awm a ni a. Tin, a dawt leh chiaha word ah khan, referred to as the principle act, referred-ah khan double ‘f’ a hmang bawk a, kha kha a piaha ‘r’ zawk kha double tur ni awm tak a ni, tihte kha a Act tak tak kan neih hun atan a pawimawh takin tih thuah ka han sawi ve hrim hrim a ni, Pu Dy. Speaker, ka lawm e.

DEPUTY SPEAKER : Pu Lalthansanga ilo ko ang.

Pu LALTHANSANGA : Pu Dy. Speaker, ka lawm e. Vawiina “The Mizoram Motor Vehicle Taxation (Amendment) Bill, 2011” hi a tha hlein ka hria a, sawisel tur pawh hi a awm vakin ka hre lo a. Schedule I leh II ah hian a punna hi 25 leh 50 ang vel an ni chho a, hetiang laiah hian schedule I aia schedule II a pun tamna te hi a tha a, Lifetime tih hi kum 15 han tih hi lehlamah chuan kum 12 te hi nise kum 3 te hi min ngaidam ve ta se, concession-te hi awm thei deuh hlek sela, tlemin han tihniam leh ta se tih kha rilruah hian a awm deuh hlek a. Kan per capita income hi han chhut hian tunah hian cheng sing thum leh sanghnih leh tih vel emaw bawr a ni chho a. Chuta tanga han chhut chuan kan dinhmun hi a tha vak lemlo a ni, mimal tin anga han tih hian, National per capita income-ah pawh hian cheng singli leh sangthum leh tih vel a ni chho a ni a. National per capita income kan phak lohna atanga han en pawh hian hetiang chhiah kan han tihpunna turah pawh hian ngaituahna a thui thei awm hle mai tih te ka rilruah an awm deuh a. Tin, chhiah kan han tih pun dawn hian an pun chhoh hian kan ngaituahna a han awm leh tur chu, vawiina commercial transport ho hi chuan, an rate hi tihsan an tum ve leh ringawt mai dawn ni te hian a lang a, chutiang laiah te pawh chuan kan rilru hi in puahchah hle ngaiin ka hria a.

A bikin tunah hian Aizawl ah hian Car Rental ho hi an in advertise nasa hle a, Bill hi han en hian, hemite chhiah pek dan tur hi a lang lemlo a ni. An in advertise chuai chuai a, an hmang a, anni hi private ang deuha kal si hian commercial lampang tan hian rilru a na hma riau mai a. Hemi chungchang hi kan bill-ah pawh hian tuna kan chhiah lak dan turah hian a khawi laiah emaw hi chuan han zeh tel theih ni ta sela. Tiang chuan commercial tan pawh rilru a na lo deuh hlek ang a. Hemi avang hian tam tak hian an sum hmuhna tur hi an hloh phah ve ni hian a hriat theih a. Chuvang chuan heti lai hi tlem a kan ngaituah chian ngai deuh niin a lang a, tih lovah chuanin a bill hrim hrim hi chu a tha thawkhat hle niin ka hria tih kha Pu Dy. Speaker, kan sawilang ve duh a ni e.

Pu LALSAWTA, MINISTER : Pu Dy. Speaker, ka lawm e. He Dan kan ngaituah mek tihdanglam hret ngaiyah hian karawn din chhan chu Law Minister ka nihna angina Law Department ah anrawn vet fel vek tawh a, an vet naah hian kan lo en hmaih ve anih te pawh ka ring a nichina kan Parliamentary Secretary-in arawn sawi ang khan.

A nih ang ngau ngau hi chuan section-III a Principle Act ami kha thlak vek tur a ni ta a, a thlak vek tur hi a hmaa lo awm sa hi i phalnain

ka'n chhiar anga, section-III ah hian – “Levy of tax” a ti a, “The government may, by notification, from time to time, direct that a tax shall be levied on every motor vehicles used and kept for use in a public place in the State” tih lai tak kha tuna kan ngaihtuah lai mek hian a rawn luahlan ta vek si a, hemi a awm tak loh avang tak khan kan member zahawm tak pawh khan a rawn sawi kha a ni a. Chuvangin, hemi section-3 na, a 3-na kengtu taka hi chu hetiang hian ni ta tho sengin. Amaherawhchu, hetiang zawng hian a tih theih ang em aw ka ti a. Kan bill hi hmanhmawh taka tihte pawh a ni ve ngei anga, tin, a lo endiktu tur Law Department-te pawhin kan lo ‘point out’ fel tawk lo te pawh a ni maithei a. Chuvang chuan, a hmaah a Principle Act ah hian Sub-Section (1) leh (2) a awm a, tunah hian sub-Section (1),(2),(3), na a awm ta a. (3)-na pawh hi belh a ngai ta reng reng a. Chuvangin helai hi chu siamrem ve deuh a ngai ta hrim hrim niin alang a. Chhiah lak a ni ang tih lai tak hi khami fun tel tur khan buatsaih a ngai ta a. Hetiang hian han rawt ta ila. Kan ngaihtuah mekah hian “Section 3 of the Principal Act shall be substituted as follows, namely” a ti a. Nichina kan ngaihthlak tak ang khan chhiah lak tur chungchang sawi miah lo khan hetah hian a principal act a ni, a heading-ah pawh “Levy of tax” tih hi tel ta se, chutah chuan Sub-Section (1) leh (2) na, vawiina kan ngaihtuah leh (3)-na pawh tel hian khungluh fai vek a ngai ta a. Chutiang tur chuan hemi kan rorelna hmunah hi chuan, “Heti tak hian i ti ang aw” tia Saptawng nena han phuahchhuah kha a remchang pawhin ka hre lova. Mahse office lam chuan helai hi khami rawn khunglut fel vek chung hian “Levy of tax” tih atang hian rawn ti fel vek mai sela chuan sub-section (2) chauh awm thin kha (3) a lo awm dawn takah chuan belh te pawh a lo ngai ta hrim hrim a. Chutianga tih theih chu nise tih rawtna ka rawn nei a ni. A chhan chu mawhpurtu tak te pawh kan nihna lai a awm ve tlat mai a. Chuvang chuan, House-in rem min tihpui chuan helai fello hi tihfel chu a ngai ve hrim hrim a ni.

Tin, House Member ka nihna ang ve thung erawh chuan hetiang an rawn ti hi tha ka ti a. Chhiah pek chungchangah Mizote hian kan ngaihtuahaan hian Direct-a kan pek hi kan la na viau a, Indirect-a kan pek, a sing tel a kan pek te, a then pheh chuan a nuai tela kan pekte chuti vakin kan ngai pawimawh leh lemlo va. India ram ropui takah hi chuan kan Taxation dan hi Indirect tax hi a nasa ber a ni zawk a, Excise duty kan tih ang chi hi. Chuvang chuan, direct-a kan lak ve tur, mipui ina anmahni ipite atanga Sorkara an chhunluh tur han tih tam hian, “Chhiah petu ka ni, ka chhiah pek hian he Sorkar hi a tinungin, he Sorkar atang hian beisei tur pawh ka nei ngei dawn a ni” tihna hi rilru tharte pawh min siam ve theih avangin direct-a pek hi a awm ve hrim hrimin ka hria a. Vawiina kan chhiah ngaihtuah chungchang hi direct-a kan pek tur a ni a. Entirnan – kan chhiah tam tak, kan puanah te, machinery-te leh thil tam tak, hemi hall chhung han thlir mai pawh hian, kan hmuh tam tak, Textile-ahte, TV, Motor, Vehicles zawng zawng leh kan nitin mamawh tam tak amiah hian Company-in chhiah an lo pek tawh sa atangin India Sorkar ropui tak hian sum tam tak a nei ve a, khalai kha kan sawi tel duh a. Vawiina kan ngaihtuah Direct Tax pek tura buatsaih hi tha ka ti a, kan kal zel dan tur pawh a ni hrim hrim in ka hria. Mihring kan lo ziaawmin kan lo hausa hret hret a, miretheite hrut lo zawng deuh hleka kan han tih hi a ngai fo thin a. Chuvang chuan vawiina lungual taka House-a kan ngaihtuah khawm hi tha ka ti khawp mai, ka lawm e.

DEPUTY SPEAKER : Awle khi dar 1:00 a ri a ni mai a. Kan chawl ang a, kan chawhma hun kan zo a. Dar 2:00 ah kan thukhawm leh dawn nia.

2:00 PM

DEPUTY SPEAKER : Chawhmaa kan Bill sawiho kha kan zo hman lo deuh a, tunah kan chhonzawm leh nghal ang a. “The Mizoram Motor Vehicle Taxation (Amendment) Bill”

Pu LAL THANHAWLA, CHIEF MINISTER : Pu Deputy Speaker, he kan Amendment Bill han sawiho mek hi tlem, a typing leh a thu leh hla vel a mam vak lo chhung pawhin kan thawhpui ten tha taka an ngaihdante sawi a, an rawn siamtha kha lawmawm ka ti a, lawmthu ka sawi hmasa duh a. Tin, a Bill hrim hrim hi kan mamawh a, Member zahawm tak Pu Lalduhoma sawi kha a dik ka ti a, hetiang thil review tul hi kan review chak lo khawp a, he ramah hian a tu a te mai pawh hian. Tuna mite ang pawh hi kum nga dan a review zat zat theih anih laiin a nachang kan lo hre lova, pawi ka ti khawp mai. A chhan chu eng ang percentage pawhin han tipung ila, hetiang a inchiah rei lutuk hi chuan a sang hma khawp mai a. Chuvangin, tax lampang reng reng leh chhiah an tih ang chi hi chu tih a thain ka hria. Chu chu tupawh ni ila, keini pawhin kan hriat tawh a tha a, a bengvar thlak ka ti a.

Tin, kan kawtlai tawt zia hi kan hria a, a tlangpuiin kan kawtlai tawt hi motor tam vang a ni nameuh a. Amaherawhchu, garage neih kan tum lova; tin, Mizo ringtute hi thenawm khawveng tan leh vantlang tana hnawksak nih hi kan inthlahrung lo lutuk em aw! tih te mi a ngaihtuah tir a. Tunah hian motor nei zawng zawng hian garage hi nei ta vek sela tun ai hian kan thawl ang tih hi chu a chiang khawp mai a. Vantlang nek päng a in kan sak hnu ah malsawmna kan dawn belh te motor ani emaw, bulldozer te, JCB a ni emaw vantlang hmuna dah an ngai ngat mai te hi a tha lo khawp a. Kan hun hmasa lamah pawh khan motor lei chuan garage an nei tur a ni. Tin, garage an neih leh neih loh hi hriat hmasak tur ani kan han ti a, a mipui, motor neitu lampang kha chuan an tum khawp mai ani. Mahse engtziange ka hre lova, kan lek tlang ta lova, chuvang chuan inthlahzalna kha alo awm a. Mipui leh motor neitu lampang hi chuan dan zawm tur hi chu awm se an inpeihin ka hria a. Chuvangin, nichinah khan kan ngaithla a, motor lei tur chuan garage neih tur tih kan han tum a, mi chuan an ngaithla viau a, min han ngaichang viau a, mahse keimahni lam kan dul leh ta tih te kha Member zahawmtakte khan an han sawi a. Tunah hian khauh taka impose ni sela, hei hian an sawisel lova, tin motor nei aiin motor neilo hi nasa takin kan tam zawk a. A chep a te chu motor nei velo te hi kan ni mai a. Chuvangin, garage neih tur tih hi tlai lua awmin ka hre lova. Chumi zawnah chuan department pawh hi police-te nen khauh takin kal se tha ka ti a. Tin, danah hian a awm em ka hre lova, kan hun hmasa lamah kha DTO te, traffic police-te nen tang hovin Dante an siam a. Kawr phelh ruaka motor khalh hi khap tlat a ni, a mawi lo hrim hrim a, a tha lo hrim hrim a. Tin, engemaw rannungte pawhin han seh palh leh engemaw pawh tawng sela lo dal tu a awm loh avang khan accident-te pawh a awm thei a. Tin, a mawi lo hrim hrim a, ruaka motor khalh te kha kan khap a ni. Tin, motor khalh laia mei zuk kan khap bawk a. A chhan chu thliin a vap te

a lo chhem leng thei a, chu chuan mit te a timim thin a, chu chuan accident a thlen thei a. Chungte avang chuan, passenger leh motor leh a driver-te safety atan zawk khan dan khauh takin kan siam a, a tha khawp mai a. A bawhchhe luite man dan te, a vawi hnihnaah, a vawi thumnaah chuan an licence lak saka chawi tir bawk tur tih ang chi te kha kan siam a. Dan dinglai a awmsa lo a nih pawhin passenger te leh driver te leh a motor hrim hrim pawh safety atan heng hi thil tha tak niin ka hria a, kan experience tawhah chuan. Tunlai hian vantlang hmuna mei zuk khap a nih tawh hnu pawh hian mei pet kawh chung motor khalh tam tak an awm a, bike-ah te pawh, chutiang zelin ruaka khalhte an tam mai a, a hmuhdawm lo hrim hrim a. Chuvangin, khatiing dan khauh zawkte kha neih tulin ka hria a. A Department lamin, sorkar ang pawhin ngaihtuah nawn leh chi a ni a.

Tin, garage neih ngei ngei hi tih a tha a. Kawngpui hi eng ang tiat pawhin sorkar hian zauh thin mah se la mi neinungte motor dahna kan siamsak a ni ringawt a. Chu chuan mipui, kea kalte a nek chep leh bawk si a. Heng zawng zawng hi sorkarin mawha kan neih a, kan siam tur chi niin ka ring a. Chu chu ka'n sawi ve duh kher a ni. Garage neih ngei ngei tur, saruak leh mei pet kawh chung motor leh two-wheelers khalh awih loh tih ang chi hi dan tha tak a ni. Hei hi helaiah hian sokar ang pawha kan hriat atan ka han sawi nawn leh duh a, rawtna ang deuh pawhin.

Tin, kan Bill hrim hrim kha, gazette tih ngawt pawh kha chhut hnih chhut thumah khan a spelling a inang lo vek ringawt te pawh kha a tha lova. Tin, a en chikte, a bih chiktena amendment verbal-a an rawn sawite pawh kha, khang tel lo chuan kha dan kha a famkim vak lo niin a lang tlat a ni. Chuvangin, danin voice amendment-te a remti lo a nih pawhin House-in rem kan tih theih chuan siam thain kan pass ang, provided-in heng hi siamthat nise tih ang deuhin kan pass kha a tul dawnin ka ring a, chu chu ka sawi ve duh zawk a ni e, ka lawm e.

DEPUTY SPEAKER : Awle, kan sawi thawkhat tawhin ka hria a, tha pawh kan ti tlang niin a lang a. Chuvang chuan, kan Minister hi ko tawh mai dawn ila, sawi duh riau, la tawt deuh riau kan la awm em? Kan awm tawh lem lo maw. Chuti a nih chuan kan sawi hona kan duh tawk dawn a nga. Kan Minister changtuin rawn wind-up pahin pass rawn dil sela. Tuna kan House Leader-in a sawi tak ang khan a Bill kha kan member-ten an sawi an sawi khan eng eng emaw siamthat ngai lai kha a awm a, amaherawh chu kan dan anga kan ti dawn a nih chuan, Amendment ti tur chuan ni 2 emaw a tlak leh a ngai ang a. Chuvang chuan, nakinah verbal amendment-te nen pass a rawn dil hunah House-te kan inrawn ang a, kan rem tih tlan chuan chutianga a kaltlangpui dan chu kan zir mai dawn nia. Engpawh nisela kan Minister wind-up paha sawifiah tur tul awmte sawifiaha pass rawn dil turin i sawm mai ang.

Pu P.C. ZORAM SANGLIANA, MINISTER : Pu Deputy Speaker, vawiin chu zaka khuk ral theih chu nisela kan khu ral mai awm mang e ka ti a. Tawng mawi lo ni suh sela, Pathian leh kan hotute zarah helaiah pawh lo thu tawh thinte kan nih vena lai atangin hetiang bill pawimawh ziate uluk a ngaih zia te hre tur kan nih rualin printing mistake tam em em mai leh tin, a pawimawh lai ber, a khawn dan tur pawh hmaih hialin kan han pulut a ni a, a zahthlak

khawp mai a, min ngaihdam ka dil duh a. Chuti chungin, thahnemngai takin bill-in a tum member-te'n hrechiang a, a oppose zawng pakhatmah tel lova, a tul zia zawng hlir mai leh zawhna han pek a, mahni chiang tho chung a zawttute chu kei ai ai a chiang zawkte in ni ang a. Amaherawhchu, kan mipui, a nghawng tur tak kan mipuite hmakhaw ngaihna avang zawka rawn sawi chhuah rawtnate kha a department ang bakah, keimah a changtu nihna ang pawhin ka welcome em em a ni tih ka, n sawi hmasa duh a, lawmthu member sawitu zawng zawng 13 te hnenah khan ka'n sawi hmasa duh a. Kan Chief Minister, kan House Leader meuh pawhin hetah hian a interest zia, a changtu ka nihna ang pawha min hrilh thin zia leh vantlang hmun hrang hranga a thusawi thinna piahaah vawiinah House-ah ngei hemi chungchang a ngaihpawimawhna rawn tarlang tela participation a rawn nei ve hi lawmawm ka ti a. Kan Department tan tak pawh hei hi kan inbih chian nan leh tunhnu zelah pawh kan inen chian nan pawimawh ka ti a, lawmthu ka sawi hmasa duh a ni.

Tin Member tin te a mal te te a chhan chuan a rei ang a, a pawimawh zual deuh hlek, a vaiin a pawimawh veka, in rawn sawi zawng zawng kha keimah mai bakah vawiinah hian kan Officer ten official Gallery atangin min ngaihlhaksak ve vek a, chung chuan an lo chhinchhiah vek a. Khang kha keimahni hova kan han thutkhawmah te, he dan kan passed-a kan han hman chhoh hunah te, min kaihruiatu tur a ni anga. Tin, la kimlo deuh ala awm a nih a, venthawn thua te pawh House-a han putluh kher chi tawh lovah Consultative Committee hmaah te pawh kan la pharh leh dawn em ni ? tih pawh hi House-ah hian kan tiam tel duh bawk a ni. Hemi an sawi hrang hrangah khan Member Zahawm tak Pu Chawnga, rawn sawi tantu khan a rawn ti fuh nghal chat a, a chhan chu a rawn chhiar chian ziate a rawn tilang a. Chuta ka sawi tel duh chu khalai bawr tak kha a Principal Act-ah khan a lo tel a, kan lo chhut hmaih hrim hrim kha a lo ni a, chu chu a pawl lai tak chu a ni a. A Principle Act kha a copy kan rawn pe tel tawh si lo che u a, reife ami tawh te kha a ni a, hai chhuah fe turte pawh a ni a, chutiang chu keinin ngaihsam tak khan rawn chhu telloin an rawn chhu ta a, a Principal Act-ah chuan chianguang takin "A tax shall be levied on every motor vehicles", a rawn ti kalh maia, mahse khalai kha kan amend tur amendment 3-ah khan a rawn lang chhuak chho dawn a ni.

Tin, khalai point hrang hrang kha han sawi hmasa lawk ila, a sawitute kha ka rawn sawikher lo ang che u, a member te khan lo chhinchhiah mai ula. State dang a life time tax kha state dangah a chhunzawm theih em, engtin nge ni ang tih kha State-ina a collect theih chu road tax hi a ni a, state act anih avangin state dang ami kha Mizoramah a chhunzawm theih dawn loh a ni tih ka sawi tel duh nghal bawk a. Designation plate tar hi kan ngaipawimawh a , Privatisation of Govt. Vehicle tih sorkar kaltain a tih hun lai khan, Deptt officer zawng zawngte an privatize rual khan designation plate hi anmahni private vehicle-ah pawh khan tar hi a phal sak a, designation plate leh number ziah man hi sawrkarin a tum niloin official-te tum tir an ni a, kha kha tunhmaa lo awmsa a nih avangin kan lo la thlak danglam chuang lova kan lo la hmang reng a ni tih hi ka sawi tel duh a. Tin, private car hlui ho in tax an pek dan tur chungchangah hian motor kum 15 hma a an lo pek tawh zawng zawng chu rin nghal a ni ang a. Kum 10 lo pe tawh an nih chuan kum 5 ami tur kha an pe mai ang a, chutichuan lifetime a ni mai dawn a ni. Tin, schedule 2 part B column 2 kha en ula, khatah khan age of vehicle tih kha chhiar tur a awm a ni. Tin, kum 15 hi registration certificate validity a ni a. Hei hi vehicle initial life anga chhut anih vang a ni tih kan sawi tel duh bawk a.

Tin, motor register loh chungchang kha chu audit report-ah khan a langin ka hria a, kan department bikah khan, a bikin PAC member-te chuan chu chu in hmu chiang em emin ka ring a. Kha kha chu keimahni department lampang thil deuh hlek anih avangin kan lo enfiah leh dawn nia. PAC pawh khan min hrilh tawh nghe nghe a ni. Tin, lifetime bakah motor ala tha anih chuan kum 5 dang registration certificate hi renew theih a ni dawn a, chung registration certificate renew hote chuan vehicle kha kum 14 ...

Pu K.LIANTLINGA : Pu Speaker, sawi laklawh lai khan kan zawt lawk, lifetime tax pek kha state dang anih khan commercial vehicle-ah hi chuan state pawnah national permit emaw Zonal permit emaw a ngai a. A nih loh chuan private car ang chi ah chuan a hming thlak anih si loh chuan registration a nun a, all India level-ah lifetime tax kha hman theih thin a ni a. Chu chu tunah hian hman theih loh tur ang khan i sawiin ka hria a. Registration hi state danga lei anih chuan Mizoramah thlak ngei tur a ni tih dan a awm anih siloh kha chuan khami dan kha a hman theih dawn em ni ? Khami dan kha a awm em ? Chulai chu ka'n zawt chiang duh a.

Pu P.C.ZORAM SANGLIANA , MINISTER : Aw le, tax kan lakna tur tak hi State tin ten kan lak kha a ni a. Mizoram ah chauh kan la hman ve loh, India ram state dang zawng zawnga an tih anih avangin. Entirnan, Nagaland-ah a ni emaw, Assam ah ani emaw, West Bengal-ah a ni emaw khata an lo pek tawh kha chu an state tan khan an pe a ni mai a. Mizoramah an rawn register thar leh dawn khan a thar an pek a ngai ve dawn a ni. A chiang em aw ?

Pu K.LIANTLINGA : Ka hriatthiam loh lai chu hming thlak lovin, a nei tu hming khan ka neih reng chuan, ka hmang reng thei a ni. State dang dangah pawh hian an hman dan anih avangin, WB emaw DL emaw ka lo hmang kha lifetime a ni a, khami kha Mizoramah DL ka hmang zui anih chuan, a hming ka thlak loh kha chuan lifetime khan ka ply thei a ni. Chu chu a danah khan Mizoramah chuan a pe tur a ni tih ang deuh khan ka hria a, chulai chu ka'n sawi duh a ni.

Pu. P.C. ZORAM SANGLIANA, MINISTER : Pu Deputy Speaker, Mizorama rawn lut tur kha registration a thar ngei ngei tur a ni. Delhi DL a ni emaw, WB a ni emaw, Nagaland NL pawh ni mah sela, Mizoramah registration a tharin a ti ngei ngei tur a ni a, mi State-a a registration kha a rawn chhawm thei lova, Mizoramah MZ ah a rawn register ve a ngai a ni. A chiang em aw ?

DEPUTY SPEAKER : A nih leh, kha tia i din lai khan Vaiho, Silchar ho te khuan Mizoramah MZ in an rawn register fo mai a. Silchar lamah an awm si a. Khang ho pawh kha kan pek ho khan khu lamah pawh pek a ngai tawh lova. MZ khan Assam lamah an kawl reng thei tho em ni ?

Pu P.C. ZORAM SANGLIANA, MINISTER : Chu tak chu a ni, vawiinah hian Pu Deputy Speaker, amend a ngaihna chhan chu. Gauhati ami emaw, Karimganj ami emaw Silchar ami emaw khan Kolasib-ah, Mamitah, Aizawlah a rawn register a. Vawikhat a rawn register bak kha a rawn kal leh tawh zen zen si lova. Chan hlir khan sorkar kha a awm a. One time payment a lo nih chiah khan chutah chuan a ni tawh dawn a. Chuvang chuan tlanchhiat nan an rawn hmang deuh ni te pawhin kan hria a. Hengte pawh hi a tulna ah kan ngai deuh deuh a ni, department chuan...

Pu K. LIANTLINGA : Pu Deputy Speaker, tunah hian Mizoram registration hi Kolkata ah te pawh a awm a. Delhi-ah te pawh a awm a. Hmun dang dangah an ply tho a ni. Amaherawhchu, kumkhata pek chi, lifetime a nih loh kha chuan an state-ah an pe mai a, a theih tho a ni. Amaherawhchu, lifetime a nih kha chuan All India-ah chuan private vehicle a nih chuan kan ply thei vek tho si a. Kha kha tunah pawh tam tak an kawl a ni. MZ-OI emaw ang chi pawh kha an apply thei vek a. Kha lai kha chu a dik lo deuh ang a.

Pu P.C. ZORAM SANGLIANA, MINISTER : Pu Deputy Speaker, chung avang tak chuan Central sorkar hian One-time Tax Payment hi India ram pumpuiaah hian mahni state revenue atana hmang tangkai turin min duh a. Chutianga mahni state ni lova hmun danga tlan ho khan dan an bawhchhia a. Chumi dan bawhchhia chu MZ a hmang emaw engpawh nise, dan a bawhchhiat vang zawk a ni. Khami kha India ram pumpui angkhata dan bawhchhe lova, motor neitute zawng zawngin an tih theihna tur atan state dangin an hman tawh hi keini state-ah pawh hman atan amendment hi rawn chhawp chhuah a ni.

DEPUTY SPEAKER : Ngawi rawh, i kal zel hmian la chiang lo awma ka hriat chu Mizoramah MZ in Delhi ami in registration a rawn ti a, lifetime in. Tichuan Delhi-ah a ply thei char char tihna a mi ?

Pu P.C. ZORAM SANGLIANA, MINISTER : A thei lo. Delhi ah a tih dawn chuan Delhi ah register thar leh a ngai a ni.

Pu B. LALTHLENGLIANA : Pu Deputy Speaker, lawk. Khalai belhna atan khan. Kum 10 dawn kal ta khan Delhi-ah motor ka lei a. Road tax kha kum 10 dawn Delhi Registration hnuaiyah an lo pe tawh a. Delhi registration hmangin Mizoramah ka tlan a. Khami kha a tih veleh registration tidanglam lovin road tax chu ka pe leh mai a, ka motor registration kha a thara tih a ngai chuang lova. Tuna amendment-ah hian khatiang case thlak kual dan kha zeh tel a nih si loh chuan tawngkaa a theih loh tih kha chu a valid dawn em ni?

Pu P.C. ZORAM SANGLIANA MINISTER : Registration-a fel lo kha chu eng ang pawn a theih lova, registration kha a fel tur a ni a. Keinin kan duh lai ber chu registration fel kha a ni. State danga motor lak anih chuan thla 12 chungin a state awmnaah registration a ti leh ngei ngei tur a ni. State danga

register tawh pawh State dangah thla-12 aia rei a awm dawn a awmna State-ah a Register thar leh tur a ni, chu chu kan dana awm a ni a, khalai bawr kha hman tur a ni a, chuvangin one time payment a pawimawh kan ti a a ni, Sorkar pawisa lut tur hi a lut lo nasa lutuk a. Helai hi Department-in an rawn chhawpchuah a ni a, Cabinet-a a rawn tlang chhoh dan pawh a ni e.

Tin, accident chungchang kha zawh a ni thin a, lifetime tax accident avanga reimburse theih loh anih tih hi kan hriat a tha a, accident loh theuh tum ila a tha maiin ka hria, one time kan pek tawh chuan. Accident chungchangah hi chuan Insurance policy kan ngaihpawimawh a ngai em em in hria, kan lak let leh theihna a ni a.

Tin, motor hlui leh thar kha a tlanna kawng hran a awm chuang lova thliar hran kha a tih theih tlat loh a ni. Public service vehicle khalhtu ten proper dress an ha tur a ni tih hi kan ngaihtuahnaah awm a, Department atangin tan ang kan ti nghe nghe a, Pu Deputy Speaker, kan Sorkar tirh atangin tan kan la a uniform te kan hak tir a, name plate kan vuah tir a ni. Mahnin kan tan phawt chuan loh chuan, Taxi-te pawh foreigner leh national-a mite tourist an lo kal hnem ta tulh tulh a, zahawm taka Zoram khawpuia hruai an nih theihna turin, hemite kawhhmuh tur hian keimahni Department-ah i tan ang kan ti a, chuan kan Department-ah nikum khan kan sum neih ang angte hmangin Driver-te Uniform tur te, Conductor-te uniform turte an name plate turte kan ti a. Chutiang anih chuan midang pawh kan zirtir thei tawh e. Sorkar kum thar atang chuan midangte pawh kan zirtir ve dawn nia kan ti a. Hei hi abul takah chuan House-ah kan Leader ngeiin a rawn sawi bawk a. Amahin min sihhmuh hi a ni mah mah a, chu chu Department-in kan han bawhzui chu a ni a, duh angin kan la bawhzui chak tawk lova. Heng kawr phelh keng kunga motor khalh te, lirthei khalh te hi a mawi lo hrim hrim mai a ni. Chuvang chuan meizial zu chung te, khawvel hmun dangah phei chuan cell phone be chung a motor/lirthei khalh te hi an man a, India ram hmun tam takah pawh. Hengte pawh hi keimahna kan hmalak zel tur a ni a. Chung chu ka'n sawi tel ve talh talh duh bawk a ni.

Tin, chumi bakah chuan Car Rental kan tih ho hi 1989 The Rental Cab Scheme hnuaiah khan kalpui an nih avangin he amendment-ah hi chuan anmahni chungchang hi a rem lova. Transport Vehicle Tax ang hian road tax an pe thung a ni tih hi nichinah khan an rawn sawi tel avang khan kan sawi tel duh zawk bawk a ni.

Tin, kan hotu dang dangin an sawi bakah kan sawi duh leh chu, kan motor-te hi, lirthei neitu zawng zawngte, Department ang leh sorkar ang pawha kan inchah leh duh thin chu, kan Vawkchaw bel ruak ang tluk tal hi chuan dah pawimawh ila, tun ai hian kan kawng a zalen ang a, a thianghlim ang a, a hnaw lo ang a, mipui kal vel leh lirthei kalte tan pawh. Vawkchaw bel ruak tam takte chu, Vawkchaw kan han pe zo a, kan han silfai a, pindan chhungril a nih em loh pawhin, kalhnan theihah te kan han dah rawk rawk laiin, Vantlang kawngpui dungah miin motor a lei thar a, a dah mai mai hi sorkar ang chuan a ngaihpawimawh awm a. Department-in kan dinhmun dik tak kan Chief Minister hnenah file-in kan thlen a, anin min approve sak a. Muster Roll-in MVI ah ngaihtuah bik tur Motor register thar tur ten Garrage an nei nge nei lo tih in

rawih theihna tur ngaihtuah sak in ngai a nih hi tiin, mi 20 kan lak theih nan file-ah minrawn approve sak a. Amaherawhchu, sorkar kalphung pangngai angin DP&AR ah te, Finance-ah te leh Planning-ah te khan Chief Minister approve pawh nimahsela kal nawn leh an ngai a. Chutiang chuan tunah hian a mihring la la lo mah ila khami malsawmna kha Leader kut atanga kan dawn avangin hengte hian hnathawktute a tiphur em em a. Tuna kan neih ang angah pawh kan staff-te hian hetiang hian an ti a, helai takah pawh hian Pu Deputy Speaker, nangmah pawhin Chair atanga i rawn sawi ang deuh hlek khan motor garage amahin a neih chiah loh pawhin a thianpa Liana ta kha Zuala'n a hmunah khan 'ka ramah hian ka dah thei e' tih a lo certified a, khatiang lehkha a lo pe thei anih chuan kan pawmsak a ni. Mahse chutah tak chuan

DEPUTY SPEAKER : Ka sawi kha chu motor a lei hmain kha kha nisela, motor a lei hnuah khan in ti a, engtin tin emaw khan an tifel thin a ni. Chuvang chuan, motor lei hma kha chuan.....

Pu P.C ZORAM SANGLIANA, MINISTER : Motor lei hma kha chuan tih ngawtna dan kha kan dan hman mekah hian a awm silova. Chuvang chuan, kan dan hman mek tlawh chhan zel kha a ngai a, tunlaih chuan Sorkarin a tih ve turah chuan dan tlawhchhan nghet tak kha a neih a ngai a, chumi avang chuan kan han pulut a ni. Member zawng zawngten in thusawi kha keimah chauh nilovin, kan Officer-te pawhin an lo record vek a, ka react vek seng lo ang a.

Chu ai chuan Pu Deputy Speaker, a pawimawh lai ber zawk chu wawiih hian Verbal Amendment hi zak tak chungin he House zahawmtak hi ka rawn dil duh a ni. Chumi ka rawn dil duhna lai pawh chu Section 3 ...

Pu LALDUHOMA : Pu Deputy Speaker, khami Verbal Amendment a rawn dil hma khan tlem han tihchian leh ngai awmin ka hria a, State danga kan va pemin emaw, kan State-a an lo kalin emaw, registration tihthar a ngai tih kha chu kan Chiang theuh a. Amaherawhchu life time road tax Mizoram-a an pek tawh kha hmun dangah a valid em? State danga an pek kha kan ramah a valid em? tih laiah khan Member tam tak hi kan Chiang hrih lo. Chuvang chuan kan Minister zahawmtak pawh khan min chhan danah khan tang tlat lo sela, keini pawhin kan hnial tlat bik lo ang a, thil thar tur a ni a, khami kha a lo valid zawk pawh a lo ni hlauh thei a, chu chu tih chian leh atan min dahsak thei sela thain ka hria. 'A theih loh' tih ringawt kha nilo sela, keinin kan pek kha hmundangah pawh valid, anni pek kha keinih pawh valid. Kha kha a lo ni hlauh a nih chuan inhrilhfiah leh tlan kha ni zawk sela. Kan Bill – ah hian a valid ang, valid lovang tih a awm chuang lo a.

DEPUTY SPEAKER : Verbal amendment a nih dawn pheih kha chuan telh tur a tam viau mai ang a.

Pu P.C ZORAM SANGLIANA, MINISTER : Pu Deputy Speaker, a lawmawm khawp mai. Amaherawhchu, kan hriat tur chu hei hi State Road Tax a ni tlat mai a, Mizoram State Road Tax a ni dawn a, hei hi. Nagaland State Road Tax-a an lo pek tawh kha Mizoram-ah an rawn chhawm thei lova, Mizoram State Road Tax-a an lo pek tawh kha tuna kan dan hman chinah chuan Nagaland/Delhi-ah a hman theih loh a ni. Engpawhnise, tuna Member zahawmtakin a rawtna/ngenna kha Department pawhin kan lo chhinchhiah tur hrim hrim, khang kha tihdan kawng a awm em tia kan lo zir atan.....

Pu K. LIANTLINGA : Pu Speaker, khalai kha tuna, Mizoram pawhin State Road Tax kan lakna kha Motor Vehicle Act 1988 leh Amendment 1989 atang khan a ni a, chumi anih chuan, Central Act awmsa kha a contradict theih loh hmelin ka hria a, khatilai kha kan enngun chu a ngai khawpin ka ring.

Pu P.P. THAWLA : Pu Deputy Speaker, pakhat kan zawhfiah lawk duh chu officer pakhatin Mizoramah motor thar a lei a, lifetime atan a pe a, tichuan South State lamah a transfer ta a, kum 3 vel va awm tur a ni a, chutah chuan a motor leisa kha kawthlak a duh si a, kum 3 hnuah Mizoramah rawn pem leh dawn ta sela, chutiangah chuan engtin nge ni ang, kha motor pakhat kha a tihrial si loh chuan a va chawi tam duh awm ve tih kha ka'n zawt fiah duh a ni.

Pu P.C. ZORAM SANGLIANA, MINISTER : Tuna Aizawl West I bialtu zahawmtakin a rawn zawhna/a rawn rawtna kha, kan lo thlir tel ang e tih khan a huap maiin ka hria a. Mahse, tuna kan dan hman mekah chuan, State Road Tax anih miau avangin, Mizoram ami bak kha State dangah khan a valid lova, State dang kha Mizoramah a rawn valid lo tih bak kha chuan kan dan hman laiah hi chuan ka chhang thei lo a. Amaherawhchu, Member zahawm takin rawtna a rawn pek kha, department pawh min rawn finchhuah ni sela, kan lo en tel dawn nia tih kha ka chhan theih dan chu a ni mai. Pu Deputy Speaker, Amendment Section 3 lai tak hi kan han siamthat ngai niin a lang a. A dang correct ngai tih a bill a prominent, The Mizoram Vehicle Act, Taxation 1996 Act, No. 5, therein after, refer, chutiang khatiayang tawngkam diklo tihlai bawr zawng zawngte kha chu kan Member-te sawi laite pawh khan kan officer-te leh kan hotuten an lo chhinchhiah kauh kauh bawk a. Khang kha chu siamthat turah ngai ta ila, sawi ang khan gazetted tih ringawt pawh pheh hrang hrangah hian spell a inanglo deuh nual a, thiamthu sawi tur kan nei hauh lo. House-in min ngaidam rawh u kan tih rualin verbal amendment hi tiang hian min phalsak thei ula tiin kan dil duh a, min pass sak tura kan ngen rualin. Section 3 of the Principle Act shall be substituted as follows namely an tia. Levy of tax-ah khan ti hian kan dah ang a. 1) the Government may by notification from time to time direct that a tax shall be levied on every motor vehicle used and capped for use in a public place as follows kan ti ang a. Chuan pahnihna te a sub-section 2 a lo kal ang a – ‘All’ tih khan a chhunzawm ang a, heta kan han dah ang hian hemi 1-na hi 2-na a rawn ni tawh ang a, tin, a pathumna hi – pahnihna hi pathumna ah a lo kal tawh ang a, pathumna hi pali naah a lo kal tawh ang a, tin heta a ziah ang hian heta a tih ang hian, “ Provided that” tih atang hian kan chhiar zawm leh mai ang e. “ Provided that the rate of tax shall not exceed the maximum specified in column – II of the schedule in respect of the clutches of

motor vehicles fitted with lumatic tyre specified in the corresponding entry in column – I thereof” tiang chuan a chhonzawm zel na ah, “ provided further that in respect of a chesis of a motor vehicles passing through this state from a manufacturer to a dealer, under temporary certificate of registration for a period not exceeding 7 days, the rate of tax shall be 1/20 of the tax payable for a quarter” tih hian dah ila, chutiang tur chuan kan ti deuh ta duah a, ka lam dante kha kan ti deuh tuk tuk maithei a, chutiang chuan min Pass sak vek turin member zahawmtakte, he House hi ka’n sawmin kan ngen duh che u a ni e.

DEPUTY SPEAKER : Awle, Bill neitu Minister khan a Bill kha verbal amendment-te nen pass a rawn dil a, House-in rem kan tih chuan “Rem ti” ti rawh ule, rem tilo kan awm em? Remtilo kan awm loh chuan, “ The Mizoram Motor Vehicle Taxation (Amendment) Bill, 2011” chu House-in lungual takin a pass ta a ni.

Pu P.C ZORAMSANGLIANA, MINSTER : Pu Dy. Speaker kan lawm hle mai.

Pu B. LALTHLENGLIANA : Pu Speaker, amended form kha a hranpain min sem leh sela, tuna kan neih nen a inan dawn tawh loh avangin.

Pu K.S THANGA : Pu Deputy Speaker, helai leh kan House Leader pawn thahnem a rawn ngaih lai kha, verbal-a kan tih rau rau chuan, thahnem kan ngaih pui ve deuh che u a, garage chungchange kha, heta ziak chiah te a nilo maithei a, amaherawhchu nakina a kalpui dan turah khan rawn en tel ve deuh sela tih kha ka’n sawipui che u a nih chu.

DEPUTY SPEAKER : Awle, i duhtawk ang aw, tunah chuan Bill pakhat lak tur kan la nei a, Pu Zodintluanga, Minister zahawmtakin, “ The Mizoram Municipality Authorities (Prohibition of Defection) Bill, 2011” hi House-ah introduce phalna rawn dil sela.

Pu ZODINTLUANGA, MINISTER : Pu Dy. Speaker, i phalna leh House remtihain, “ The Mizoram Municipality Authorities (Prohibition of Defection) Bill, 2011” hi introduce ka rawn dil e.

DEPUTY SPEAKER : Rem kan ti em ? Rem kan tih chuan sawiho turin rawn move nghal mai sela a tha awm e.

Pu ZODINTLUANGA, MINISTER : Pu Dy. Speaker, ka lawm e. The Mizoram Municipality Authorities (Prohibition of Defection) Bill, 2011 hi ka rawn introduce e.

Pu Dy. Speaker, kan hriat theuh angin democracy sorkarah chuan mipuiten an aiawhtu tur roreltu tur an thlang thin a. Heng mipui aiawh roreltute hi political party behchhana thlan kan ni tlangpui thin a. Mipui rawngbawl turin political party hmangin mipuiah kan thil tum te, kan tih tur leh tha a kan hriatte kan zuar a, chutiang ang hmang chuan mipuiin kan aiawh turin an inzawrhna te tha kan tih chuan kan thlang tling a, chutiang chuan mipui sorkar kan lo siam thin a ni. Chutiang chu sorkar tha tak a nih chuan hun leh mipui leh a ramin a chhawr thin a. Amaherawhchu, Pu Dy. Speaker, hetiang anih reng lai hian mimal, hamthatna duh vangte emaw thil dang dang avang te in kan representative mipuiin aiawha an thlante hian anmahni awmna party kalsanin party dangah te an peng a, chutianga an pen chuan a thlangtu mipuite zah lovin democratic principle an kalh thin a ni. Khatianga awm chuan ramin a tuar a. Tin, mipui, an aiawha thlangtute tan hnathawk thei tura thlan khan hna thawk lovin mahni hamthatna leh thildang duh avang khan sorkar a mumal lo thin a, sorkar a mumal loh chuan mipuiin an tuar thin a ni. Chutiang anih avang chuan India ramah te pawh hetiang mipui thlan tlin roreltu/representative tena political party anmahni awmna chhuahsana party dang zawmte a tha lo a ni tih hriain kan ram ngeiah pawh kum 1985 khan India Constitution siamthatna 52nd Amendment Act, Anti-Defection Law kan tih mai kha Parliament -in a lo siam ta a ni. Indian Constitution 10th Scheduled-ah dah a lo ni nghe nghe a ni. He dan hian Parliament memberte leh keimahni State Legislative Member MLA te pawl danga inleh leh kalsawn hi a khap a ni. Kha dan siam hnu atang khan Pu Dy. Speaker, kan ramah Parliament-ah te, State hrang hrangah te Sorkar a lo ngelnghet a, Sorkar a ngelngheh chuan mipuiin kan chhawr thin a ni. Amaherawhchu, he Anti-Defection Law hian Parliament leh Legislative Assembly chauh a huam avangin mipui Sorkar thlan ve tho Local Bodies te, Municipal Corporation te, Municipal Council te, Panchayat kan tih chi hrang hrangte hi kha kan dan khan a huam ve lova. Heng kan Local Bodies-te hi Pu Deputy Speaker, pawimawh ve tak tak, an ni phei chu mipui nena inngheng chawt, local level-ah te, veng level-ah te khatianga mipui thlan chawplehchilha thuneihna nei ve thei maite an ni. Hengah te hian municipal an lo neihna state hrang hrangah te pawh tunhma chuan khang mipui aiawha roreltu an thlantlante khan party an awmna te an insawhsawn a. Khatia an buai khan rorelna mumal an nei thei lova, rorelna tha a awm lova, mipui a thlangtute khan an tuar phah thin a. Chutiang a nih avang chuan India ramah pawh state tam takin hetiang hi a awm tawh lohna tur atan bill-te an lo siam ve a. Maharastra state-ah phei chuan, The Maharastra Local Authoritise Members Disqualification Act, 1986 te hi 1986 daih tawh khan an lo siam tawh a. Tin, Gujarat-ah pawh Gujarat Privision for Disqualification of Member of Local Authorities for Defection Act, 1986 an lo siam a. Tin, chutiingin Kerela-ah te leh state dang dangah an lo nei tawh a. Tin, khatianga la neilo state tam takte pawhin siam an tum ve mek bawk a ni.

Pu Dy. Speaker, khatianga anih avang khan state dangah te pawh state changkang zawkte pawn an lo tih dan thin a ni a. Tun hnaia Ministry of Law and Justice of India-in India rama inthlan dan kalphung siamthat dan tur zir chiang tura a din Core Committee on Election Reforms khan India ram hmun hrang hrang inrawnkhawmna Regional Consultation a neihah pawh khan Anti-defection Law hi Municipal Bodies-ah hman ve ngei ni se tih a rawt nghe

nghe a ni. Chuvangchuan, Pu Deputy Speaker, vawiinah kan ramah pawh inthlanna te kan nei zo ve a, kan party-in inthlan kan neih hma Election Manifesto-ah sorkar-na kan chan chuan Aizawl khawpui chhungah Municipalities, mipui inrelbawlna kan nei ang kan tih tihhlawhtlin a ni tawh Municipal Council mumal tak a ding mek tawh a. Chutiang a din mek lai chuan a thlangtu mipui ten Municipal Council an thlan theihna tur atana, sorkar ngialnghet tak, tha tak a din theihna tur atan kan member-te pawh heta kalsawn kalsawn lova, an awmna party, a thlangtlingtu party-te leh a thangtu mupuite zah tak chung a ro an rel theihna tur atan he bill hi kan rawn pulut a ni a. Kan bill rawn putluhah hian Pu Deputy Speaker, minor mistakes eng eng emaw a awm a. Tin, Statement of Objects and Reasons-ah hian tihsual palh kan lo nei a, a tawp ami hi nakinah he House remtihna leh i phalnain pah ka duh a, a tawp berah hian kan lo chhu kai palh hlauh mai a Council of Ministers a phalna kan rawn dil chhoh lai file a mi kha lo telh palh a ni a. Chutiloah chuan han sawi tam vak tur hi a awm lo a. Mipui thlavang kan hauhna tur te, tualchhung sorkarna kan siam ngeInghet tak leh chak tak kan neih theihna tur atan he bill hi he House zahawm takah kan Member-ten tha in tih a, in ngaihndan sawi turin ka rawn chhawpchuak a ni e. Ka lawm e.

DEPUTY SPEAKER : Awle, hei kan Budget Session ni 3 kan thutna vel chauh a ni a. Bill-ah hian tihsual a tam riau mai a, hei chu kan Ministerte pawh khan mahni Department theuh kha ngun leh zuala en a check turin ti ula. Tin, Law -ah te pawh in vet anih chuan anni pawh khan lo enching leh zual sela. Hetia House-a rawn thelhu chin hi chu a felfai tur a ni tih kha kan Minister zahawm tak takte khan in hriat atan kan sawi nawn duh a ni. Awle, “The Mizoram Municipality Authorities (Prohibition of Defection) Bill, 2011” chu kan sawiho dawn ang a, minute 5 den den kan inpek kha a taw khat em ? Awle, minute 5 kan ti ang a, sawi turin Pu B.Lalthlengliana ilo sawm ang.

Pu B.LALTHLENGLIANA : Pu Deputy Speaker, sawi hmasa berah kan tang teh ang. Aizawl Municipal Council thlan hi kum 2010, November thla khan neih a ni a. Tun hi a kum 1 na awrh chauh a ni a, kum 1 chhunga an kal chhoh naah hian keini lo hriat ve danah chuan chuti taka defection law hmanga han thuamna chhan tur a awm hian ka hre lova. Kan Minister zahawm tak khan India state ram hrang hrang ten defection law an lo neih dante a han sawi a, khang ho kha chu kum 30,40, 50 lo nei tawh te an ni a, an lo kal tawh na chinah politics-ah intihbuaina thilah te pawh engemaw siam ngai a ni maithei. Amaherawhchu keini ram kum khat em pawh a liam hma a defection law neih duhna thilung kan neih a, a bill in rawn buatsaih danah te pawh printing mistake leh a telh loh turte nen lama rawn telh a phuiluai deuh mai a he bill ngaihtuah hi Pu Deputy Speaker, i sawi ang khan tlanche chung a thil tih hi a ang riau ka hria a. Chuvang chuan he Aizawl Municipality Authorities (Prohibition of Defection) Bill of 2011 hi kei chuan, ka support thei lova, kum 2 kum 3 nghah te pawh ala tul lawm ni tih hi ka ngaihndan a ni a. Minister zahawmtak khan a rawn sawi a, India Constitution Article 102, 1 leh 2-ah khan defection law chungchang a rawn sawi a, kha kha chu MP a ni a, 191, 2 ah khan MLA leh MLC defection law a puanna chungchang a rawn sawi a. Hei hi dan kan siam hmasak tum pawh khan telh loh a ni a, hetiang thil hi awm thei tura kan ngaih loh vang ani. Chuvang chuan India Constitution-ah pawh lang lo

kein in kan lo tih kha a tha dawn em ni ? India ram Autonomous District Council ah hian dan siam theihna an pe a, amaherawhchu defection law siam theihna hi an pe lova. Meghalaya 6th Schedule to the Constitution of India Para 3 ah khan Autonomous District Council dan siam theih na pek an ni a, mahse defection law siam theih na hi an nei lova. Chuti chung chuan The Khasis Autonomous District Council Prevention of Defection Law Act, 2003 kha an han siam ve a. Guwahati High Court-a challenge a ni a, Guwahati High Court-in a hnawl sak ta kha a ni a. Chuvang chuan hun leh ni te ala kal rei lo baw k a, hei hi chu nghak rih ila, tunah hian pass rih loh nisela. Tin, kan Member neihte mahni party theuhah an rinawm tlangin a hriat baw k a, chutih laia engemaw awm ni awm taka hetiang ngaihtuahna rulling lamin an rawn nei ta hi enge ni kan hre pha ve lova. Keini party leh MPC a kan member-te hi chu khatiang siam ngai lo khan an rilru hi a rinawmin kan hria a. Tin, rulling ami Congress leh ZNP amite pawh hi an rinawm tlangin a hriat a. Hemi lo chhuhna chhan ber ni a lang ka lo hriat ve mai mai chu Councillor thenkhat ten neighbouring state-a mi tih dante zir tura an kal khan ZNP a Councillor pakhat a tel ve avang khan, engemaw hlauhthawna neiin hmanhmawh thlak taka thil ruahman niin a lang a. Amaherawhchu, kan Councillor zahawmtak pawh kha chutiang rilru chu puin a lang si lova. Chuvang chuan, Aizawl Municipal Council, Legislative Body nilo Executive Body Aizawl khawpui pakhat development khawih tura kan dahte hlauhthawn leh venthawn kan nei thar thut mai kha thain ka hre lova. Chuvangin, nghak rih deuh ila, engemaw chutiang tak a thleng dawn a nih chuan chutiang hunah chuan ngaihtuahna a tharin hmang ta zawk ila, tiin he amendment bill hi ka rawn support loh thu ka rawn sawi a ni. Ka lawm e.

DEPUTY SPEAKER : Pu Rinawma ilo sawm ang.

Pu R. LALRINAWMA : Pu Deputy Speaker, ka lawm e. Bill tha tak mai kan Minister zahawm takin a rawn pulut hi ka'n support duh a. Kan sorkar chhung reiloteah bill tha tak tak mai kan ramin a mamawh kan pass chho ta hle a. Municipal Council-te pawh kan ramin a mamawh a, kan khawpuiin a mamawh a. Sorkar hmasaah a dante chu an lo siam a. Amaherawhchu, hman hleihtheih loh a ni a, tun sorkar tharah Minister chak takin kan House Leader kaihhraina hnuaiah a dante siamthain Municipal Council kan lo nei ta a, a lawmawm em em a. The Mizoram Municipality Authorities(Prohibition of Defection) Bill, 2011 hi Constitution-a 10th Schedule, a move-tu Minister zahawm takin a sawi tawh ang khan MP te leh MLA te party danga an pakai lohna tur, khami khapna ang zulzuia siam kha a ni a. A inhmeh turin a hmingte thlak a ni mai a. Chuvangin, Constitution uluk taka an lo duan chumi Tenth Schedule nen chuan a inrem khawp mai a. A tha ka ti a. A Bill-ah han sawisel tur em em a awm lova. Tuna ka hmaa an rawn sawite kha chu politics a rinthu leh engemaw kha a ni mai a. A bill chungchangah a that lohna a sawi lova. A move-tu Minister zahawm takin a sawi ang khan khatiang mipui aiawh tura thlan chhuahte an peng kawi thei a nih chuan sorkar ngelnghet lo mipuiten an tuar a, ramin a tuar a ni tih kha Chiang takin a rawn sawi a.

Chubakah chuan, inthlan hrim hrim pawh hi a hautak em em mai a. Pu Deputy Speaker, i hriat angin inthlan hian ram economy pawh nasa takin a nghawng thin a, senso te a hautak a, sorkarin sum tam tak a seng thin a. Chuvang chuan,

hetiang mipui aiawh thlan chhuahte an han peng kaw i a, chuvanga sorkar a ngelngheh lova, inthlan thatte a ngaih hian ramin a tuar thin a, chu chu thil thleng thei a ni, democracy-a thil thleng thei a ni. Mipui thlan chhuah zingah thleng thei a nih avangin thil thleng thei venna tura dan siam hi he Legislative Assembly awm chhan leh keini Legislators-te pawhin kan hna tur a ni a. A thlen tawh hnu emaw buaina a awm dawn emaw chauhva dan siam kan tum anih chuan kan tlai lutuk thei a, a paw i hnute pawh a ni thei a. Chuvangchuan, thil thleng thei a awm a, kan ram mamawh leh khatiang ang kha a awm chuan chumi lo veng tura dan lo neih kha kan tih tur pawimawh tak a ni. Municipal dinna rei leh reiloh kha a tehna tur a ni lova, Municipal phuisuina tur leh tha taka ro a relna tur kha kan ngaihtuah chho zel zawk a ni a. Chuvang chuan, tun ami pawh hi Municipal Council hi mumal taka a kal a, tha taka ro a rel theihna tur atana an mamawh zawk a ni a. Tichuan, member tute emaw peng tur hriat lawk vang a ni lo maw? han tihte kha ka lo ngaihtuah dan lo ang deuh mai a ni a. Ka lo ngaihtuahna zawkah chuan MNF leh MPC Party-te hian rulling-te pawhrawn zawm an duh zawk ang a, hei hi chuan kan khap dawn a ni si a, chuvangchuan,rawn zawm hi an duh hmel zawk baw k si a, chu chu an tan hian a tha zawk a ni lawm ni tih kha ka lo ngaihtuah zawk dan mah mah a ni a. Chuvang chuan, Pu Deputy Speaker, i veilama thute tan hian he dan hi a lawmawm zawk mah mah a ni. Kan rama thil thleng thei, mipuite tana pawimawh lo ven lawkna tur dan kan lo siam hi he House pawh hian a hna pui ber leh a tih tur a ni. India Constitution ah 1949-a adopt a ni a, 1950 vel atangin kan han hman tan a, chungah chuan India sorkar, India ramah inthlan tam tak a awm a, 1985 ah Anti-defection Law hi siam a lo tul ta a. Chungah chuan Mizoram te pawhin kan hman tur a lo ni ta a. Mizoram a roreltu MLA te khi an pen kaw i a hlauhawm deuh tih vanga he dan hirawn siam an ni lo. Chuvang chuan, pen kaw i hlauhawm vang lam kha a ni lova, ram tana mamawh, roreltute, mipui thlanten tha taka ro an rel theih nana dan kha siam a ni zawk a ni tih a kha he bill support pahin kan sawi a ni. Ka lawm e.

DEPUTY SPEAKER : Kan dan siam tur reng reng hi PC emaw Congress emaw MNF emaw ZNP emaw lam a ni lova, kan ramin dan a siam dawn a ni a. Tuna kan party awm zawng zawng pawh hi awm miah lo mah sela he dan hian a phuar tur chu a awm dawn zawk a ni. Kan ram administration kal fuh nana tih kha a ni a, chuti lova party va in tih engemaw nan a tih a ni lo a ni tih member-ten in hriat hmasak kha ka duh a ni. Awle, Pu Lalduhoma ilo ko ang.

Pu LALDUHOMA : Pu Deputy Speaker, kan Autonomous District Council-ah sawn hetiang ang defector-te venna a awm loh avanga Aizawl lama sorkarna a inthlakthleng ruala an siksawi nasat zia hi tuman kan haiin ka ring lova, saw lamah sawn stability awm hleithe i lo khawpin thil a thleng fo tawh a, kan hria a, a paw i em emin ka hria a. Hetiang dan hi chu kan Autonomous District Council-te hian lo nei sela chuan sorkar inlumlet chhen te kha an nei bik lo tur a ni a. Mihring hi kan rinawm taw k lova, dan hmanga phuar kan ngai a.

Tin, hman deuhah khan MNF party opposition a nih hmasak tum khan MLA 10 chuang an nei a, awm hlen ta kha chu tlemte an ni a. Khangah te pawh khan

heng dan hi chu lo awm se chuan khatiang khan thil a awm lo mai thei a. Kan pawl mipuiten kan thlantlin, kan campaign pui, sum leh pai engkima ngal tha kan hah pui ten a siamtute min phatsan thin hi a na duh em em a ni. Chuvang chuan chutiang ang mi rinawm lo phuar behna tur dan chu kan siam dawn a, kan welcome mai turah ka ngai a.

Tin, defector-te reng reng hi a tlangpui thuin khawvel pumpuiah hian opposition nihna atanga ruling-a an luhna tur kawnga kal te, dinhmun hniam zawk atanga sang zawka chhoh nan te, hmun khawro deuh atanga a mawm lam luhna atan te an hman tlangpui a ni a. A tlangpuiin ruling party-in hetiang dan a awmlah hian a hlawkpui zel a ni. Ruling party, sum leh pai leh nihna offer thei khan opposition member, khatiang nih duh ve te kha an pawl chhunga lak nan an hman theih nan danna dan a awm bawk siloh chuan mi party hotute an chhuhsak thei thin a ni.

Chuvang chuan Anti-defection Act reng reng hi opposition lam te tana tha, opposition lamte inven himna tur a ni zawk thin a. Ruling-te an sum leh pai leh an thiltihtheihna an lek lam theih lohna tura khuahkhirhna ni zawkin a principle chuan kei chuan ka hria a. He kan AMC a kan Councilors-te pawh hi tun dinhmunah chuan kan ngaihthlak tak ang khan tumah rinhlelh tur an awm lo. Amaherawhchu, tun dinhmun ringawt thlirin dan hi kan siam tur a ni lova. Hun lokal leh zel tur atan tute pawhin an hman tlak dan kan siam a ngai a. Thil awm thei anih avangin, awm tawh thin a nih avangin chumi lakah chuan i lo inveng lawk ang tiin kan Minister zahawm tak hian alo inhmakhua niin ka hre mai a. Tin, a tak tak pawhin he Dan hi awmlo ta sela tun dinhmunah hian keini Opposition Party atanga Councillor nei ho hi khatiang, indanna awm lo karah chuan kan dinhmun a derthawng zawk deuh thin a ni. Chuvang chuan hei hi chu kan zavai atan a tha a ni mai lawm ni. Tin, statement-a objection reasons-ah hian a last para tel lo tur lo tel palh tih hi kan Minister zahawm tak kha lo in check Chiang sela. Hei chauh lo pawh hi an department-in Bill an rawn theh luhah hian a form angreng deuh an rawn hmang ni maw ka ti a, an rawn tel deuh zel mai a. Chuvang chuan a dangte pawh kha lo bengvar deuh sela tha awm hlein ka hria a. Point pawimawh ka'n sawi duh chu Section 3 (b) Sub-section 2 laia Political merger a sawi dan hi, kha political party a member awm hmun 3 a thena hmun 2 ten rem an tih chuan merger hi a theih ang tih a ni a. Party chuan keimahni Constitution theuh kan nei a. Tuman kan party member zawng zawng record hi kan nei lo, neih sen pawh a ni lo. Heta a lan dan chuan political party member zawng zawng 2/3 kha a ni a. Kha kha engtingge kan prove theih tak ang? Kal khawm ta se, Vanapa Hall ang tam tak an khat dawn a, an leng dawn lo a ni. Chuvang chuan hei hi a realistic lovin ka hria a. Kan constitution-ah hian merger a tul chuan kan High Command, kan Executive thuneihnaah te kan ziak lut hlawm a ni, a then hi chuan, mipui zuk rawn a ngai lo a ni. Chuvang chuan party malin kan constitution-te kha a rawn violate mai dawn a. Helaia an tum hi engnge ni ang aw? ka ti a, kha party-a Councillor an neih atanga 2/3 tihna a ni awm mang e, ka ti deuh a, ni se pawh ka duh a ni. Chuvang chuan khami kha a nih theih chuan nichinah pawh Amendment Bill kan chai a, Amendment Bill pawh kan amend lehngal a. Khatiang khan tih tih leh pawh a ngai lova. Keini hi chu kan rilru hi a zau khawp a, Pu Deputy Speaker. Thil tha hi chu kan aw zung zung mai a nia. Chuvang chuan hei pawh hi kha kha a mean a nih chuan nakinah khan min rawn sawi chian sak se. Rawn dil leh sela, kan lo phal leh mai ta hmiang. Kha kha, merger kal dan hi a literature meaning kan tih chuan a member lu nung a kaw khat mai a, thil tih chi niin ka'n hre lo deuh a, chu chu ka'n sawi duh a ni e, ka lawm e.

DEPUTY SPEAKER : Bill kan amend rualin Amendment kha kan ti nawn leh thin a ni maw? Pu C. Ramhluna ilo sawm ang.

Pu C.RAMHLUNA : Pu Deputy Speaker, ka lawm e. Wawiin ah “The Mizoram Municipality Authorities (Prohibition of Defection) Bill, 2011 rawn putluh a ni hi embrassing ka ti khawp mai a. Nikum lawkah kan inthlang a, kum khat pawh kan hmang hman loh tihah amendment te, Act thar siam a ngai thut thut hi ala hma deuhin ka hria a. Hmanni lawkah khawpui chhungah MLA-te Board of Councillor thutkhawmnaah voting rights kan pe tawh a, tuna Anti-Defection Law hmanga hung kan han tum leh ta thut mai hi an hnathawh turte siam sak lamah hmanhmawh vak loin kan kal ni te pawhin a lang a. Sumpai dinhmun siam sak lama hmanhmawh hmasa lova han hung kan tum thut hi mipui pawhin min hrethiam lo ang tihte ka hlauva. Chuvangin he Bill hi ala hmanhmawh thlak lutuk lova kan hriat avangin keini chuan a hma kan ti a, an kalphung pawh enthlak hriha zirchiante pawh thain ka hria a ni.

Pu Deputy Speaker, Anti Defection Law hi kan hriat ang khan 10th Schedule ami a ni a, a particular riau mai a “In this schedule unless the contact otherwise requires” a ti a. House chu “either House or the Parliament or Legislative Assembly or as the case may be, either House of the Legislature of the State” a ti a. Parliament Bill a ni a, keinin kan duh duha kan lo tih ve theih a ni dawn emaw ni aw ka ti deuhva. Kan Minister sawi ang khan state dangah te pawh an hmang ni te khan a sawi a, lo hmang pawh nise an ni pawhin an lo tih fuh lo a ni ang tih kha a rin theih tlat mai a, an tih fuh loh lai keini ina lo tih fuh loh ve zel kha a fuh dawn emaw ni aw ka ti a. Nichina member-in a sawi ang khan Khasi District Council khan Anti-Defection law kha an lo siam ve a, chu chu 2008-ah Guwahati High Court-ah challenge a ni a. Guwahati High Court-in ruling a siam chu hei hi a ni a. A tawpnaah hian sawi ta ila, “The Khasi Hills Autonomous District Council Prevention of Defection Act 2003 and “The Khasi Hills Autonomous District Council of Prevention of Defection Rule, 2005 are declared invalid and null and void and are accordingly struck down” a ti tawp mai a ni. Hemi a thu zelah hian he Dan hi Parliament Dan a ni a, chuvang chuan Parliament bawh khan 10th schedule hi a amend loh chuan District Council leh Autonomous body dang in hman ve theih tura Parliament bawkin a amend a nih loh chuan hmun dangah hman theih a ni love, tiin he High Court hian ruling a siam a ni. Chuvang chuan, keini pawhin hetiana AMC Councillor hote defect lo tura Dan kan lo siam hi tun tum atan chuan a hmanhmawh thlak lutuk lo deuh a ni mai awm mang e aw tih ka rilruah a awma. Tin, Mizoram Municipality Act, 2007 hi Constitution Part 9 atanga siam a ni a. 74th Amendment Act-ah Article 243 R ah khan Dan siam theihna kan nei a. Khami Dan siam theihnaah khan hemi hi a tel lo tlat a ni. Anti-Defection Law siam theihna hi a awm lo hrim hrim a.

Tin, chu bakah chuan “The Mizoram Municipality Act 2007 ah pawh hian a awm lo bawh a ni. Dan siam theihna kan nei lo tlat a. Chuvang chuan hemi kan Dan siamtheihna kan neih lo laiah hian keinin Dan siam theihna kan nei emaw tih laiah hian tlema zir chian deuh a tul em aw, tih kha ka rilruah a awm tel bawh a ni. Chuvang chuan, Pu Deputy Speaker, ngunthluk deuh hleka

la en leh nisela a thain ka hria a. Tin, anni hi Legislative body anni lo tlat mai a, Executive Body an ni a. Chuvang chuan hetiang Executive Body ni si hi Anti Defection Law a nen han hung khup hi enge maw a tulna le? Hnathawk tura siam kha an ni mai a, Dan siam tur kha an ni lem lova. Chuvang chuan Political Institution anga ngaia Anti Defection Law nena cover hi a tulna tehchiam pawh hi a langin a lang lova. Tin, Opposition Pary emaw, Opposition Leader emaw pawh hi kan Municipality Act hnuaiah hian a awm lem lova, tha taka hnathawk tlang tura tih kha a ni mai a. Chuvang chuan he Dan hi Pu Dy. Speaker tun tum atan hi chuan a hmanhmawh thlak lutuk lemin kan hrelowa, chuvang chuan la zir chian deuh hlek a, a tul ta anih chuan nakin deuh hlekah pawhrawn put up leh ni sela a thain ka hria a. Tun tum atan erawh hi chuan keini chuan tul rih lovah kan la ngaih pui a ni.

DEPUTY SPEAKER : Pu Lalthansanga ilo sawm ang.

Pu LALTHANSANGA : Ka lawm e. Hei, “The Mizoram Municipality Authorities (Prohibition of Defection) Bill, 2011” tih kan han sawi dawn a ni a, Anti-Defection Law chungchang hetilai hmuna kan han sawitur hi a pawh angreng ka ti a. Kan ramah hian Autonomous District Council 3 lai kan nei a, sawti lamah sawn dancing chair ang mai hian kan awm thin a ni a, hei hian sawti lampang image pawh a tichhe thui hle hian ka hre thin a. Chuvang chuan, keimahni khawpui berah hetiang ang deuh hlauhna te alo piang ta mai a, hetiang zawnga Dan a inhungna neih a tul tihna rilru kan Sorkar ropuitak/chaktakin a nei mai hi a mak ka ti angreng hle a. ‘Enge a chhan ni ang aw’ tih ka ngaihtuah a, a chhan bera ka ngaihtuah chu, kha inthlanah khanin tun ai hian kan Sorkar hi a ti tha lova, chumi nghawng zel chu emaw ni aw tihte rilruah min han neihtir a. Chuvang chuan, hetiang ang dan siam ngai khawpa kan han ti hi kan ngaihtuah chian ngaiin ka hria a. He kan Zion khawpui/Jerusalem khawpuia khawpui enkawltu turte hetiang danin phuar ngai khawpa kan han ngai hi kan rilru hrim hrim pawh hi keimahni Member tin pawh hi kan in enchian ngaiin ka hria a. A chhan chutiang ngai lova ziak loh dana phuar hi nita ila a va han lawmawm awm em ! Christian kan ni a, ringtu kan ni a, chutiang chuan kan rilru hi awm sela.

Tin, Amendment pawh hi wawi 2 ngawt kan han nei tawh a ni a, tuna hetiang kan han nei leh te hi lehlamah chuan Amendment-te chu a lo ngai anih chuan ngai mai sela a tha thoin ka hria a. Hei, Delhi lampangte pawh hi han ti ta ila, Delhi-ah pawh hian Voting Right chungchangahte pawh hian a hma-a 3 nei thin te kha 2 in an reduced zawk mah mah a ni a, Delhi MDMC-ah te pawh khuan. Chu chu tunah hianin he Bill pulut tur pawh hianin an han ti chho mek a, chutiang chuan tunah pawh hian an titlem mah mah a, keinia pheih chuan kan MLA zawng zawng khawpui ami chuan vote an nei ani a, chutih lai kara defector awm mai thei tura kan ngaihna kan han neite hi ka rilru te te chuan engtizia ta nge ni ang aw, ka ti a. A hmingin khawpuiah te chuanin pathum opposition lampang ang chuan pathum an awm ve a ni mai a, a pahnih pawh chu sawlaih AMC-ah chuan thawkho an ni lehngal a, chulaiah chuan ka rilru chuan engtizia nge ni ang aw, voting right pawh an nei a, eng kawng mah a nghing lo tura ngaih lai khanin, khatiang zawngte ngaihtuahna an awm mai khanin rilru a khawih hle a, chuvang chuan hetiang ang a Anti-Defection Law Bill han neih tak a hi kei tullo hlein ka hria

a. Kan sawi tawh ang khan hmannah remna leh muanna kan neih a lawmawmziate kan han sawi a. Chumi-ah chuan kan rilru kal dante pawh siamthat nan hian dan kherlo hian ziak loh dan hian hetah hian sawi khawm ila, he bill hi chu nakinah la tih leh nita se subject transfer tur tam takte a awm a. Hna pawh an la thawk mang lova, hna thawk tur hian kan ti dawn tan chauh a, hei SIPMIU pawhin thla leh atangin, chutiang atangin an thawk tan ang tih te vawinah chuan an han sawi tan a. Chubakah chuan hnate pawh hei an han inpe ve den den a, an han tan chhoh laiin, hei hi politics platform angah kan hmang tihte pawh hi a hlauhawm hlein ka hria a.

Tin, sawi ang khan a bill hrim hrim pawh hi han en vang vang hian pathumna, disqualification on the ground of defection han tih a (b) na laiah te pawh hian meeting reng rengah if he abroad or abstein from voting intentionally remain absent from any meeting of the Municipal Council or broad contractor any direct shall issue by political party to which he belong or any person or authority authorized by in this behalf han tih lai a any meeting han tih tak mai te hi, tunah tehkhin nan opposition atanga an rawn rawtte kha a lo that viau a, ruling lam pang pawhin kha kha a rawn pawm ve deuh kha chuanin, kha pawh kha disqualified theihna kha a ni nghal mai dawn emaw ni aw tihte kha, he billah hian han en vang vang hian a lang thei deuh hlek a. Hetilaite hi kan Minister zahawm tak hian min rawn hrilhfhiah chiang sela tihte kha ka rawt duh deuh a. Heti lai bill-a ka sawi duh lai deuhte chu a ni a. Chuvang chuan miten an tihlem tawh lai zawk a, keinin hetilai voting right-ah pawh Aizawl khawpui MLA 11 ten vote an nei a. Sawti laia Sorkar chelhtu aia tam mahin an neih lai a, hetiang bill ngai anga kan han ngaihna lai chhan ril tak te hi a awm em aw tihte hi rilru ngaihtuahnaah a awm a. Chutiang angte pawh chu han hriatchian deuhte pawh hi a chakawmin ka hria a, sawi ang khan keini opposition lampang tan chuanin, hetiang ang bill awm hi a tha hle awm e tih tur laiin, keimahni tan phei chuan kan safeguard zawk a nih lai khan, mahsela engatinge hetiang rawtna a lo awm, keimahni lam hian kan cho e zuk tihna lam ni chuang lo in. Keimahni hi chuan tunah rih hi chuan hetiang ang Bill-te hi la tih rihlo ni se, hnate han thawk rih sela, hun han kal deuh sela, tiin he Bill hi chutiang chuan ngaihdan kan han sawi a ni, nakin a la tih atan.

DEPUTY SPEAKER : Pu Nirupam Chakma ilo ko ang.

Pu NIRUPAM CHAKMA : Pu Dy.Speaker, ka lawm e. “ The Mizoram Municipality Authorities (Prohibition of Defection) Bill, 2011” Minister zahawmtakin ngaihtuah tura House-a a chhawpchuah hi tha ka ti a, tin, pass ngei pawh ka duh a. Pu Dy. Speaker, kan discuss-na atangin mak ka tih chu Defection Bill tullo tih zawnga ngaihtuahna awm hi thil mak chu a ni. Defection Bill tul lohna tia an ngaihtuah ni hi thlak se ka duh a, he Bill hi a tul em em a ni. Tunah tul lo mahse nakin zel atan political stability a awm theihna atan a tul a ni. Chu chu hei kan member hrang hrang atangin sawi rik a awm a, District Council chungchang an sawi atangin. District Council-a kan buaina ber chu political stability neih loh hi a ni, chu chu tuman an deny thei lo ang, political party hrang hrang atangin. Amaherawhchu khami dinhmun atanga political procedure kan ngaihtuah chuan Congress party hi a fihlim ber a ni. District Council-ah chuan defection kan encourage vak lo a, a bik takin Chakma Autonomous District Coucil-ah chuan Congress-in vawi khat mah Defection a encourage lo. MNF sawrkar hmasaah khan, Pu Zoramthanga kaihhruai

sawrkhar khan, Congress defector hmangin MNF sawkharah an siam ta a, Rushik Bohan CEM ah an dah a, chuta tang chuan MNF ah a peng a ni, Chakma Council-ah, not by choice but by default a ni. MNF CADC a ding kha chu by defection a ni. Pu Deputy Speaker, tunah CADC ah MNF member 6 an awm. An thlantlin chu 7 an ni, 7 zinga 6 in pawl dang an siam a, Chakma Democratic Party an ti a, an siam nachhan chu Congress nen merger an duh a, mahse keini party-in kan duhlo a ni. Kan duhloh vangin kan la duh lova, anmahni lak chuanin defection encourage dawn tih mipuiin min ngai anga, kha MDC 6 CDP party siam tawh hnuah khan Congress an zawm thei si lova, an merger thei silova, Congress party-in an duh lova MNF ah an kir leh a panga in, tunah pakhat independent angin a awm a. Kan duh chuan tunah pawh kan la thei a, anmahni chuan tunah pawh an duh reng a ni, in hre vek anga, Lai Council-ah pawh an duh tho, duh chuan member kan neih belh thei a ni. Mahse kan party-in inthlanah pawh kan tling emaw tlinglo emaw defection chu kan encourage lovang, sorkar kan siam theih loh chuan opposition-ah pawh kan thu mai ang kan ti a ni, political principle-ah nghet taka kan din avangin.

Pu Deputy Speaker, hei kan thiante chu in hre vek a, Lai Council-ah party takin G.S. incharge-in rei tak ka awm ve a ni. Political campaign pawh kan buaipui, kan hotute an lo kal a an sawi tam ber chu, kan tling emaw tling lo emaw tun tum chu Congress sorkar hlang kan siam ang, pawl dang member-te nen kan siam lovang, coalition emaw defection hmangin emaw sorkarna kan siam lovang kan ti a ni. Lai ram mipuite khan political stability an ning tawh a chuang chuan Congress-ah khatiang policy kan inzawrh avangin nasa takin Congress an support a, hei a result pawh 19 out of 23, 25 member kan tling thei a ni. Chuvang chuan Pu Dy. Speaker, a tul lo zawngin sawi suh se a. Keimahni chu kan party ringawt ni sela chuan Mizoram-ah a ngailo. Mahse, thenkhat chu an awm ve a, defection a duh a. A bik takin MNF History chu a chhe lutuk he ta tan chuan. District Council min tibuaitu ber an ni. Chuvingin nasa takin ka support a ni.

DEPUTY SPEAKER : Pu K.S. Thanga ilo ko ang.

Pu K.S. THANGA : Pu Deputy Speaker, “The Mizoram Municipality Authorities (Prohibition of Defecton) Bill, 2011” hi vawinah ka rawn support duh a. Kan thian thenkhat te, Member zahawm tak tak te, Opposition Group thenkhatte nidanga an sawi that thin tehlul nen vawiin chu engnge ni aw an ngaihtuahna ka ti a, ka lo ngaihtuah mai mai a. Sawi pawh ka tum lova mahse an ngaihtuah dan hmang kha thil fuhlo a awm theiin ka hria a. Chuvangchuan, tlema han sawifiah tulin ka hria a.

Tuna kan Anti-Defection Law ti ve mai ila, nichinah kan Minister zahawmtakin a rawn move-naah pawh a rawn sawi chiang tawh a. Sorkar rorelna dan, mipuite thlan, mipuiten an aiawha an thlan tena rorelna nghet tak mai fel fai tak maia a din theih zelna tur atana dan siamna kha a ni mai a. Inhumhalhna leh invawinna dan kha. District Council 3 te tiamlo, hemi Mizoram state chhungah hian District pathum tiamlo autonomy hrang nei kan ni a. Chumi tih lohah chuan tuna kan Municipal neihte hi an awmna hmuna

chuan vawiina kan Legislative Assembly dawttu hi a ni. A sang berah chuan Parliament kan nei a, a dawtah chuan State Assembly a ni a, chumi dawt chu Municipal hi a ni. Chuvangchuan, kan MLA te dawttu, chutiang anga mawhphurhna sang tak neite dana felfai taka hung kha a thianghlimin a tha em emin kei pawn ka hria a. Eng engmaw tia rorel thei lova thil han inching hnaw leh khatianga defection dante a awmlh avanga mahni thlangtute mipuite zah lova engemaw zan khat thil thua tih tauh mai mai avang pawha an awmna an sawn mai mai hi chuan an mawhphurhna kha sang ve tak tho a ni a. A chhan chu vawiina kan Legislative Assembly thachhangdawltu hi Aizawl khawpuiah pheh chuan a ni a. Chutiang chu anih vangin hei hi kan tihtlang ngei ngei a tul hlein ka hria a.

Tin, a Dan thuah hian Law Deptt., hian ni 7.9.2010-ah khan an lo vet tawh a. Kan mithiam ten uluk taka zirin India Constitution-te a kalh lo mai niloin, a tichak zawk dawn a ni tih he India ram rorelna pawimawh tak, helai Mizoram State chhunga kan lo neihah pawh hian kan dante a tichak dawn a ni tih an hriat avangin hei hi an lo pawmpui tawh a ni. Chuvang chuan khati lam kha a ni hauh lo a ni tih kha vawiinah hian kan hriat a pawimawh a. Khawvelah hian thil hi engmah hi tha fal bik a awm lo a. Entirnan – Sap ho kan ti emaw, Europe ho, American ho kan tih emaw khu, a mihring khu an tha bik vak chuang lo. Amaherawh chu, Dan tha a awm a, chu chuan system tha in an ram kha a hrui a, mi diklo pawh kha hruiatu va ni ve dawn mahse, a system khan a vawng tlat a, a veng tlat a, an dan tha leh an nihphung tha khan. Chumi avang chuan an ram kha a tha a ni mai a ni. Vawiinah hian chu India Constitution tihthatna tur leh tihchakna tur leh kan ram rorelna kalpuina tur atan system tha zawk kan hotuten an rawn ngaihtuah leh an rawn duanchhuah kha engati nge kan huat tlat, kan do tlat tih kha hriatthiam har ka ti viau a. Tin, ka sawi ang khan hei hian India Constitution a kalh reng reng lo a, a tichak zawk dawn a ni. A tak takah chuan nichina kan Member zahawm tak Pu Duha, n a sawi ang khan keini hian mahni hmasial duhin tan la duh ila, vawiina he sorkar chak tak hnuaiah hian an zinga thenkhat hi chu lakluh leh khatianga ang rilru pu khan ti ta ila kan tih theih zawk tur an ni. Keini lam hian ven ngai kan nei a ni hauh lo a, chumi lam ngaihtuahna a ni lo a. Lehlam pawl lokal duh, a ruka thle mai thei dinhmuna ding hi kan venpui zawk mah mah a. Chumi awmzia chu he ram hian system dikin, system thain ram inkaihhruiaina leh ram rorelna khawl hi kalpui vek rawh se tih hi he sorkar ngaihtuahna leh Congress Party leh a sorkar lo dingte pawh hian a ngaihtuahna anih zawk avangin, engnge dinhmun buk lek lek leh dinhmun zang zawk an zinga lo awmte pawh hi hmu ru rengte pawh lo ni ta ila, kan va itsak lo zawk a, va humhim sak kan tum zawk a ni. Chutiang khawp chuan kan hotute ngaihtuahna hi a tha a. He ram hi system dikin, mihring chu tumah kan tha lo, chawhma lamah te pawh kan sawi tam tawh a, system tha kan mamawh ani, system tha chuan a tha lo pawh kha a siam tha vek mai a ni. Chuvangin heng Dan te hian a system kha a rawn siam tha zel ang a, he ramah hian vawiina Dan kan la neih lohte ramin kan mamawh tam takte siam zung zung ila, he ram hi ram ropui a ni mai ang a, ram tha a ni mai zawk dawn a ni. Tunhmaa Dan siam kan lo ngaihthah lutuk leh Dan kan lo siam chak lo lutuk zawkte pawh kha tan lak a ngai a ni tihte pawh kha ka'n sawi belh ve duh a. Nichinah khan kan ngaithla a, amaherawhchu, Minister zahawmtak pawh khan nakin zelah pawh heng hi chu tlemin bill leh thil dang rawn putluh chi reng reng hi chu tawp lutuk lo deuh leh House-a putluh tlak tur hi chuan chul mam deuh sela chu a mawi ang tih kha ka'n thurawn ve duh a. Engpawh nisela ka'n sawi duh tak chu, he Bill hi kan zavaiin lungual ila,

kan opposition member-te pawh thlamuang taka an mut siai siaina tur zawk a ni, kan venpui zawk a ni tih kha ka'n sawi duh a ni e, ka lawm e.

DEPUTY SPEAKER : Pu Lalsawta ilo sawm ang.

Pu LALSAWTA, MINISTER : Pu Deputy Speaker, ka lawm e. A Dan chungchang lai kha sawi ngai riauin ka hria a, a chhan chu Meghalaya lampang atanga High Court an thlen a, High Court-in Dan a lo paih sak chungchangte pawh kan ngaithla a. Kan ram rorelna hrim hrimah hian dan kalphung, awmdan chu kan hre vek mai a, Constitution-in thuneihna min pek chintawkte pawh kan hria a. A tlangpuiin Dan siam chungchangah hian Constitution-in min pek danah chuan Central Sorkar kan tih kuan 7th Schedule-a List pakhatna (List I) kan tih hi an chang vek a. Tin, State te hian 7th Schedule tho ami List 2 kan chang a, List 3 erawh hi chu kan intawm tur a ni a, mahse thu inchuh chungchang thua erawh chuan Central kha a lal zawk lo thei lova. Chutah chuan kan ngaihthlak tawh ang khan 1985-ah khan 10th Schedule hi MP te leh MLA te defection danna turin Dan siam a ni a, chu dan siamna chu Constitution a 10th Schedule hi a ni a. Chutiang chuan Meghalaya kuan tihsual palh thil thuin an lo siam a, Tenth Schedule behchhana an siam anih chuan, kha Tenth schedule kha M.P leh MLA te tana tih anih avang khan High Court pawh khan a paih mai kha a awm viau a ni Pu Deputy Speaker. Amaherawhchu, Dan siamna kan neih chungchangah hian State sorkarin kan Dan siam theihna hi 7th Schedule List 2-ah hian a inziak a, Entry 5-ah hian Local Government, i phalna in ka'n chhiar ang a. "Entry 5 Local Government – "That is to say, the constitutions and powers of Municipal Corporations Improvement Trust, District Boards, Mining Settlement, Authorities and other Local Authorities for the purpose of Local Self-Government or Village Administration" a ti a. Dan hi kan siam thei a ni tih kha a chiang phawt a.

Tin, Article 243 nichinah pawh a rawn sawi tawh a (R)-ah te pawh hian Dan siam theih a awm a a tia. Article 243-ah hian A,B,C chho zelin R, Z thlengin a awm thei a, thui deuh mai hi a awm teuh a. Chutah chuan hemi Article hrang hrangah hian State-in kan dan siam theihna, Chairman tana reservation kan neih theih dan te, Member zat chungchang te, State Legislature-in a siamsak theih chungchang hi a chuang bak chuk mai a ni. A chhan chu kan hriat theuh angin Municipal Council hi body pawimawh tak, mipui tana rawngbawltu ni mahse Legislative Power an nei tlat lova, chuvangin State hnuiaia mi anih avangin State-in a siam sak a ngai a. Chutah chuan 243 (V) –ah hian hetiang hian a inziak a, clause (b)-ah hian (V)-ah hrim hrim hian member-te disqualification dan a inziak a. 1-naah chuan Danin member ni mek emaw ni tur emaw Danin ni theilo tura a siam kha, a ti a. Tin, an kum zat a sawi bawk a. (b)-naah chuan, i phalnain kan chhiar ang a, "if he is so disqualified by or under any law made by the Legislature of the State" a ti a ni. State Legislature hian disqualification Dan hi kan siam thei tih hetah hian a chiang em em a, kan siam har ngawt zawk a. Vawiinah hian siam turin kan han buatsaih a, Member zahawm tak takten an rawn sawi tawh ang khan State kan nihna ang chuan Maharastra emaw, Punjab emaw, Uttar Pradesh emaw aini kan te bik lova, Dan siam theihnaah chuan kan inang pat a. Chuvangin, Constitution-ina dan min pek

theihna angah chuan kan siam thei tih hi kan hriat dan a nih bawk avangin Law Deptt. pawhin he Dan anrawn buatsaih hi kan lo vet thlap a ni. Kan lo vet nachhana chu State Legislature hian kan siam thei a ni tih kan hriat chian avang a ni. Ka lawm e.

DEPUTY SPEAKER : Sawi tur kan la awm em? Pu R. Lalthangliana ilo ko ang.

Dr. R. LALTHANGLIANA : Pu Deputy Speaker, a Bill hrim hrim hi helam hian kan duh lo hulhual ang zawng khan ngaihtuahna nei lo ila thain ka hre deuh hlek a. Amaherawchu, a lo luh hunlai kha nikum November thlaah inthlan kan nei chauh a, a la rei lo ve lutuk deuh lah tak a, kum chanve emaw awrh chauh a la ni a. A la hma deuh lo emaw ni le tihna helam hian kan nei a ni a, pakhatnaah chuan. Session hmasa khan helai khawpui chhung Aizawl Municipal area chhunga MLA 11 te vote neih theihna dan te kan han ti chho a. Amaherawchu, vawiin thleng hian Oath of Allegiance an lak pawh chu kan la hre chuang lem lova. Engpawh ni sela, 2007-ah Municipal Act hi he House-ah hian Pu Deputy Speaker, kan neih kha a ni a. Kum chanve emaw lek a la ni bawk a, neih hrim hrim kha a tha zawk pawh a ni mai thei a. State dangin an neih apiang neih ve tum rikngawt pawh kha a dik lo mai thei a. Tin, an neih thenkhatte pawh chu a lo tha viau thei a. An neih mang loh te pawh kha nei tlat ila a tha viau thei bawk a. Khang te kha, tlema ngaihtuahna han hman hun tak tak tur hi kan sorkarna chelhtute leh Mizorama political party dang te pawh hian ngaihtuahna hi kan la seng tlem, kan la seng tam lutuk hman lo ve deuh a. Chumi avang chuan he bill lo lut ta mai hi tlemin mi a la barakhaih deuh a nih hi maw le tihna ka nei deuh a.

Tin, a bill hrim hrim hi Pu Speaker, ka hrethiam lo angreng khawp a. Tun tumah hian bill a lo lut nual a, engemaw fuh lo lai, printing mistake-te leh a thu ken awmze nei mang lo ang chi lek lekte pawh a awm thei a, han sawi chhuah chu a hrehawm viau nain phekk 4naah hian kan chhiar thin a, a awmzia ka hrethiam ve mang lova. Section 3-A Disqualification on ground of defection not to apply in case of split tihah hian He shall not be disqualified under sub-section (1) of section 3 on the ground tih no. b-ah hian a sentence hi an sei khawp mai a, words/thumal ringawt hi 94 a keng tel a, inzawm vekin - That he has voted or abstained from voting in, or intentionally remained absent from, any meeting of the Municipal Council, or Municipal Board contrary to any direction issued by the political party to which he belongs or by any person or authorized by it in this behalf, without obtaining in any case, the prior permission of such political party, person or authority and such voting or abstention or absence has not been condoned by such political party, person or authority within fifteen days from the date of voting or such abstention or absence; and a rawn ti a. Ka sentence chhiarah chuan a sei pawl tak a ni. Kan chhiar thin a, words/thumal hi 94 a awm a, a ulh ve a ni, tawite a fel deuh hleka tih dan hi a awm lawm maw ni le tihte kan ngaihtuah mai mai a. Tin, Pu Duha, kan member zahawm takin a rawn sawi lai phekk 5na-a a rawn sawi lai kha chu a fel lo hrim hrimin ka hria a, political party member zawng zawngin hetiang thil tih ngai chi awm kha a felloin ka hria a.

Tin, Pu Deputy Speaker, a phék 7-naah hian Power of State Government to make rules tih hi kan chhiar thin a, ka man thiam ve chiah lova, No. 2-ah hian ‘Every rule made under this Act shall be laid, as soon as may be, after it is made, before the State Legislature for a total period of 14 (fourteen) days, while it is in session which may comprise in one session or in two or more sessions. If the State Legislature agrees in making any modification in the rule or the State Legislature agrees that the rule should not be made, the rule thereafter shall have effect only in such modified form, or be of no effect, as the case may be’, a buaithlak angreng khawp, a saptawng awm dan kual vel hi. Hetiang sawi hi a hrehawm viau a, amaherawh chu hemi kan rorelna a Amendment Bill ang chi lo lut ah hian tlema kan hriatthiam zawng dan deuha dah dan hi awm thei se a tha hlein ka hria. Engpawh nisela, a ruling lam zawng pawhin ngai lo thei ta ang u la, tun sesion vut vut lo deuha kan tih pawh hian han chhiat rupna awm ang chi hi a thleng em lo ang a, kan thlamuanging ka hria a, churang chuan tunhmaa kan tih ve thin ang te hi a tih chi em tih ka hre lova , Select Committee-te hian mumal deuh hlekin Political party hrang hranga MLA te kan ni hlawm a, hei hi House-ah pawh inhnial buaina tehchiam awm lo tura kan passed theih tur hian. Vawiina a lo lut hi a tha lo ang zawng pawhin ka sawi lova, amaherawhchu, heng atang hian finna tam tak, thil tha zawk lo irhchhuahna tur atan hian siam theih ni ta ang sela Select Committee-te hi siam ta mai ila, a tha mai lo maw le tih ngaihtuahna Pu Deputy Speaker, ka nei deuh a. Churang chuan hetiang ringawta han passed thar tur hi chuan, helai vel atang chuan kan passe tur a tak pawh kha hriat thiam a har deuh hlek a ni, a thu kha. Churang chuan hetiang teh tawpa han passe hi chu House rorelna sang berah hi chuan a fel thei lo deuhin ka hria a ni ber a ni.

DEPUTY SPEAKER : Awle, sawi duh kan awm tawh lo maw!
Pu Liantlinga ilo ko ang.

Pu K. LIANTLINGA : Pu Deputy Speaker, ka lawm e. Vawiinah “The Mizoram Municipality Authorities (Protection of Defection) Bill, 2011” kan han sawi tlang a ni a. Engpawhnisela, sawi dan te pawh a inang lova, Dan hi a hun love ti pawl te pawh an awm thei a, a thu phung hrim hrimah Dan hi chu kan neih phawt a tul a ni. Neih tur ang chi hi chu kan neih phawt a tul a. Ka rilru-ah chuan ka thahnemngaihna zawng ani a, Department dang dangte pawh hian dante hi nei sela , kan Minister-te hian Bible ang hrim in an dawhkanah te hian dah sela, an Department enkawlina turah hian Rules leh Act hi chu an chiang tur a ni. Chuta tang chuan kan mipuite hian thil tha leh tha lote, anmahni hmasawna tur leh sawn loh theihna lai turte, khangah khan mipui tana pawl thei ang chi te kha chu amendment kha siam leh zung zung turah ka ngai zawk a. Churangin vawiina Bill, helaia lolutte pawh hi a famkim lovang, a sentence emaw a word hrang hrang emawte pawh kim lo deuh pawh a awm thei a. Amaherawhchu Dan kan neih phawt a tul a, a tul chuan he House bawh hian Amendmend a siam leh mai turte pawh a ni a. Khatiang khan Dan chungchangah hi chuan mumal taka ngaihdan kan neih hi a thain ka hria a. Tin, a chhung zuk luh chilh lutuk hi ka tum lo deuh va, Municipal Act hi tuna sorkar a rawn piantirh hian Aizawl khawpui MLA te kan thukhawm a, kan Speaker pheih chuan ‘he dan amendmend loh kan sawi dawn anih chuan ka tel tawh lo ang’ ati hial a ni. Kha Dan kha a famkim lo, a thalo em em mai a, kum 2007 a siam kha hmun 33 velah

amendmend, municipal council kan thlan hma hauh khan an tul a, tin, rules-te kha kan han en dawn a, tih theih miah loh khawp khan ward rules kha a tha lo a ni.

Khami 2007-2008 a rules an lo siamah pawh khan ward committee-te disqualified dan turte kha a tam em em mai a. Tin, State thuneihna kha a sang em em ringawt mai a. Khata MLA thukhawmte khan engpawh nisela he Dan hi, a democratic lo lutuk deuh e, a rules pawh hi a aia thain siam teh ang u, tiin theih ang tawkin siamthat a ni a. Tah khan 2010 ah inthlan nan amendmend vawi 2 lai (Act Amendmend leh Rules Amendmend) a awm hnuah khan inthlannate kha kan han buatsaih thei ta chauh kha a ni a.

Inthlan lai pawh khan tlemin kan phawk chhah deuh bawk a. Direct funding, (Central atangin) 13th Finance Commission suma dah tawh, State thuneihna tel lovin a tihtheih a ni tih khawp te khan kan sawi a. Amaherawhchu state thuneihna hnuai ami a nih dan te, tunlawkah khan kan Law Minister khan a rawn tarlang a. Chuvang chuan ngun taka thil kan ngaihtuah a ngaiin ka hria a. Tunah hian Aizawl khawpui chei tur kan ni a. Aizawl khawpui siamtha tur leh enkawl tur kan ni a. Municipal Council hi Legislature a ni lova, Dan siamtu an ni lova, Dan siamna hnuaiiah leh sorkarin thawk tura a tih lo execute mai tur an ni a. Khalaiah khan opposition leh rulling ang hrime inbeihna te, opposition leader-te in siama han tihate a awm a, kan phawk chhah lutuk deuh hlek a. Kha khan vawiinah te pawh hian rorelnaah harsatna an neih phah niin ka hria a, opposition leader-te in siama, session hall an han ti a. Assembly ang maia kal tumnate an neih avangin harsatna pawh an tawh a. Chu chu tunah hian siam that a ngai a.

Tin, a lehlamah a Treasury Bench lam pawh khan tlemin in ngai hniam lutuk deuh a, tun aiin dah sang deuh zawk se thain ka hria. Tin, a lehlam pangin an han sawinaah pawh khan a sang lutuk a, tlema an hniam ve deuh pawh kha a ngai bawk a. Kan Assembly-in Dan kan siamna tur chungchangah hian ngun taka kan thlir pui a ngai a. A Executive body a nihna ang khan hlim taka sorkarin a tih ang kha thawk mai tur an ni. Tunah hian a Opposition lam mah mah hian an duh leh lo zawk ni te pawh hian a lang mah mah a. Helai Dan chungchangah pawh hian awm rawh se, a Rules-te pawh hi siam tha ang. Tin, 2007 Rules, Allocation of Business-a an hnathawh tur ruahhmanna pawh kha siam that (amendment) a ngai a nih kha. Khangte pawh kha Cabinet-ah siamthat leh nita zawk se a thain ka hria. Dan hi nei phawt ila, a tul anga siam that leh ni sela tih kha ka'n sawi ve duh a. Chu chu he Dan hi support pahin ka'n sawi ve duh a ni e. Pu Deputy Speaker, ka lawm e.

Pu CHAWNGTINTHANGA : Pu Deputy Speaker, ka lawm e. Thui tak ka sawi lovang. He Act siam hi Dan (Constituiton) atanga kan theih zia kha chu a chiang bel bawl khawp a. Kan Law Minister zahawm tak khan a rawn sawi tawh a. Kan thei a, a thianga ni tih kha sawi nawn a ngaiin ka hre lova. Tin, chubakah thiltihtheihna kan nei a, Danah pawh a awm a. Tin, a ministry hrim hrim pawh hi kan chak tawh a. Duh ilang chuan party dang amite hi kan pawt chhuak zung zung thei ang tih hi ka ring a. Amaherawhchu, keini chu Dan ngaina mi kan ni a. Thil dik lo tih hi a tha love, Dan ang thlap zela kal hi a tha e, kan tih avang zawkin tuntuma Anti-Defection Law pawh hi kan Minister-te leh kan hotu ten keimahni zawk inphuarna atan tiin thiam takin an rawn zam a ni tih ka sawi duh a. Tin, kan member zahawm tak, Pu Thangtea'n Section 3(b) a sei lutuk, ka hrethiam lo, a tih te, Section 6 ka

hrethiam lo, a tih te pawh kha a ti mai mai a ni. Mi lehkhathiam a ni a, a hrethiam Chiang Lutuk a. Tin, chubakah hetiang “power to make rules” hi complex sentence-in dah a ni thin tih hmuchiangtu a ni a, a hrelo der mai mai a nih kha. 10th schedule-ah pawh hetiang hian a in ziak thlap a ni, i phalnain ka han chhiar ang e - “If he votes or abstain from voting in such House contrary to any direction issued by the political party to which he belongs or by any person or authority, authorized by it in this behalf, without obtaining, in either case, the prior permission of such political party, person or authority and such voting or abstention has not been condoned by such political party, person or authority within 15 days from the date of such voting of abstention” Drafting kan zirnaah chuan mithiamte chuan, “Drafting Officer tha ni i duh chuan draft tha awmsa hi en la, chumi atang chuan i duh zawngin phuah mai rawh” an ti. Chutiang chuan an rawn draft ni awm tak a ni a. He Bill ziaktute hian an ziak fiah tha hi ka ti em em mai a kei chuan.

A dik chiah chuan Law reng reng chu interpretation hrang hrang awm lo turin a theih ang tawkin Legislature hian ngaihtuahna kan hmang tur a ni a, hetiang taka chianga ziak a nih hian interpretation hrang pawh hi a awm lo zawk nghe nghe thin a ni tih ka sawi duh a ni. Member thenkhat khan ala hma deuh ve an ti a. A hma an tih kha a awmzia hi ka hrethiam thei lova, a hma leh tlai zawnga ngaihtuah chi niin ka hre lova. 52nd Constitution Amendment Act 1985 a awm dawn khan India Parliament-in tihtakzet hmangin debate an nei a. Tichuan “Anti Defection Law” hi a awm ngei ngei tawh tur a ni, India ram pumpui Mizoram tel hian tih an ngaihtuah a ni. Tichuan 10th Schedule-ah khan a object Chiang takin an ziak a. I phalnain Pu Deputy Speaker ka han chhiar ang e - “The evils of political defection has been a matter of national concern, if it is not combated it is likely to undermine the very foundation of democracy” tiin Parliament-in hmanah khan an lo ti daih tawh a, keinin tunah hian a hma lutuk kan tih kha eng ngaihtuahna nge ni dawn le aw! hriat thiam a har a ni. ‘Prevention is better than cure’ tih a ni a. Tin, ‘Law is nothing but a codes for regulation of the Society’ Dan hi Code pakhat a ni a Society regulate nan a ni mai. An sual ta e, an fel lo ta e, kan ti a ni lo, Regulation a ngaih thin avangin hemi atan hian Regulation hi siam ang u an ti a ni a. Chuvangin, tihtakmeuhin he bill hi pass turin ka rawn support a ni e, Ka lawm e.

DEPUTY SPEAKER : Sawi tur kan la awm em? Kan va tui tlang angreng ve! Pu P.P.Thawla.

Pu P.P. THAWLA : Pu Deputy Speaker, thusawina hun minute nga chauh a nih avangin a Dan leh Dunte chu ka’n sawi teh duah lo mai ang a. Municipal Council kan neih atanga a chanchin thuah vawi khat ka din vena tur a nih avangin sawi ve hrim hrim tul ka ti a. Mizoram State sorkar kum 25 a kal tawh hnuah kan khawpui, Mizoram Khawpui ber Aizawl enkawl turin Municipal Council kan han nei tan a, hemi kan neih theihna tur atan hian Sorkar hmasa khan 2007 ah ‘The Mizoram Municipalities Act, 2007 a lo siam a. Khatah pawh khan Anti Defection Law chu State leh India ramah hman a ni tih kan hre reng a. Tin, a kal zel a, nikum hmasa 2009 tuna Congress sorkar a lo pian

hnuah Amendment siam a ni leh a. Chutah pawh chuan Anti Defection Law hi hriat loh a ni chuang lova, Act siam tirh a nih lai te, 2009-a Amendment siam a nih lai te khan Anti Defection Law chungchang hi engmah telh a ni lo, siam danglam pawh a ni chuang lo. Tichuan, thlamuang takin kan kal a, nikum 2010 ah khan Party 4 atangin he Municipal Council seat 19 inchuh hian Candidate-te an siam hlawm a, inthlanna felfai tak kan neiah mipui chuan kan ngai mai a. Tichuan Pathian rorelna fel tak lo lang chu Congress Party leh ZNP Party-te tangkawp lamin panga ve ve tlingin 10 member an siam a. MNF leh P.C. lamin 5 leh 4 tlingin 9 an ni a. Tichuan 10 lam khan sorkarna an siam ta a. Hei hi kan Municipal Council Member hmasaberte an ni a. Hemi lo ding chhuak tur hi Sorkar hmasa Act bul lo siamtuten Anti-Defection Law an zam sak lova, 2009-a Amendment siam pawh khan Member turte ringhlel sa lovin, Anti-Defection Law hi siamsak an ni chuang bawk lova. Chutiang chuan inthlanna felfai tak neiin a Sorkarna pawh induh bik tur awm chuanglo, inthlahrung tur bik em em pawh awm chuang lovin, felfai takin Pathianin rorelna Council hmasa ber kha min bun sak a ni. Chutiang chuan nikum November thla tirta maia inthlang kha kan ni a, tunah hian kum khat em pawh an kal lova, term khat em pawh kan la hmang zo lova. Khatia Act siam tirh leh Amendment siam hmasak laite pawha Anti-Defection Law kha zeh tel a tullo kan tih laia engemaw vang maia hei hi rawt thar tum thutna lo awm ta hi enge maw a chhan nita ber ang le! Hei hi kan Council hmasaber hote kan ringhlel viau ta emaw ni chu aw tih mai a awl hle a ni. Chuvangin, Pu Deputy Speaker, Amendment Bill lo luh dante pawh kha engemaw felhlel deuh te a lo awm bawk a. Chuvangin, hei hi nakinah pawh kan duh lovang tihna lampang pawh ni chuang loin, a tha lo hrim hrim e tihna lampang pawh ni chuang loin, tun term khat hi chu han kal chhuak ve phawt sela, Anti-Defection Law hi chuan phuar hrih lo ila a tha lawm ni, tiin ka la support rih loh thu ka tarlang ve a ni e, ka lawm e.

DEPUTY SPEAKER : Member-te sawitur kan la awm em? Kan awm tawh loh chuan kan sawihona kan duhtawk ang a, kan Minister, Bill neituin rawn wind-up pahin pass rawn dil sela. Nichina kan tih ang deuh khan verbal amendment kha a ngai leh a ni maw? Aw, khami nen khan rawn dil kawp mai sela a tha awm mang e, kan Minister ilo sawm ang.

Pu ZODINTLUANGA, MINISTER : Pu Deputy Speaker, ka lawm e. Kan Bill rawn putluh "The Mizoram Municipality Authorities (Prohibition of Defection) Bill, 2011" sawihona-ah Member 12 lai maiin thahnemngai takin an rawn sawi a, a lawmawm ka ti a, Member tam zawkin Bill hi a thalo ti lovin, a tam zawk, a oppose lam zawnga rawn sawi pawh khan a la hma deuh lawm ni tih mai kha a ni a. Kan bill rawn putluh hi a that loh lam ai mahin, a la hma deuh lawm ni tih kha an rawn sawi a ni a. Member thenkhat rawn sawiah kha chuan vawiinah engatinge tiangte an rawn tih tak, State dangin an tih vang a ni em tih lai kha, a chang chuan engatinge Municipal hi in va ti muang ve, State dangin an nei tawh si tihte a ni a. Kan hmanhmawh dan kha a inanglo deuh pawh a ni maithei a. Pu Deputy Speaker, a hmasa-in a re-act theih ang ang kha kan rawn react ang a.

A hmasain Pu C.Ramhluna'n a rawn sawi, (a bik deuh a rawn zawt deuh ho ah khan kan kal mai ang a) Mizoram Municipalities Act, 2007 ah khan Anti-

Defection atan Law making power a awm lo tih a rawn sawi kha a dik chiah mai a. Act hnuaiah khan thuneihna a pek hi Law making power subordinate legislation a ni a, Act hran liau liau siam anih avangin Municipal Act, 2007 hnuaiah khan power hi pek kher a ngai lova. Tin, kan Constitution-ah nichina Law Minister zahawm takin a rawn sawifiah tawh ang khan Local bodies te hi

DEPUTY SPEAKER : Ngawirawh aw, lo nghak lawk teh aw, kan hun hi dar 4:00 P.M. thleng a ni a. Dar 4:00 P.M. kan pelh dawn chuan Member-ten House-ah rem kan tihtlan a ngai a. Kan bill hi kan zawhfel law law mai a tha lawm ni. A nih leh aw zo fel law law ila, han chhunzawm leh rawh le.

Pu ZODINTLUANGA, MINISTER : Pu Deputy Speaker, Local Bodies hi kan Constitution-in min hrilh ang chuan state subject liau liau a ni a. Chumi vang chuan State-in hetiang dan kan siam hi a theih tih kan member atangte pawh khan kan hria a, kha lai kha, ka rawn sawi duh a. Tin, Municipal Prohibition of Defection Bill hi kan hmanhmawh leh hmawhloh vang lam nilovin, a tir lama ka rawn sawi tawh ang khan Local Bodies mipuiin an thlanten Sorkar tha taka an kenkawh theihna tur lam hi, an buai hnu a siam lovin an buai hmaa engkim lo inchinfel lawk hi a thaa hriat a nih vangin vawinah hian lo kal kan ni a. MLA-ah te pawh kan hriat angin helai House chhungah ngei pawh party-in a thlantlin, party-te nena thawk hote pawh party dangah te kan kal leh zuk zuk thin a. Khatiangte kha a awm lohna tura ti kan ni tih ka han sawi duh a.

Tin, kan member zahawmtak Pu Lalthansanga`n 3AB a hriatthiam loh lai kha chu Whip kan tih ang chi, Party-ah pawh Dy. Chief Whip te kan nei a, Party-in ro a rel anga kallo ho, Party duh dana kallo ho hremna Dan lai kha a ni a. Entirnan, kan member zingah te pawh Bill a that zia sawi chak tak tak an awm a, amaherawhchu a Bill a thalo a ni tih Party-in sawi a ngaih si avanga Party thu awiha sawi ve mai a ngaih ang deuh khan, khami venna ang deuh kha a ni mai. Kan hria a, sawti lamah District Council-te kan nei a, Anti – Defection Bill-te neih hma chuan sawrkar mumal lo takin a kal thin a, chutianga sawrkar a mumal loh chuan a tuartu chu mipui an ni a, development-in a tuar a, mipuiin an hmasawna turah hma an sawn theilo thin a, khatiangte kha awm loh nan tih a ni a. Helai a kan Whip-in a tih, Party do zawnga, Party duhdana kallote a hrem theihna lai a ni tih ka rawn sawi leh duh a.

Tin, kan member zahawmtak Pu Lalduhaoma rawn sawi lai 3AB lai kha, verbal amendment ngai tur lai kha kan lo tihsual palh ve liau liau a ni a, merger, political party merger a nih piah lamah khan ti hian min thlak sak a, House-in rem min tih sak chuan, ‘ The merger of the political party of a Counselor shall be deem to have taken place if and only if not less than 2/3 of the member of the political party concern’ tih laia kha - 2/3 of the member of the political party- tih aiah khan - 2/3 of the Counselor concerned have agreed to such merger – tih khan amendment min siamsak theih chuan Constitution-ah te pawh a lo inziah thin dan lai kha a ni a, khalai merger chungchangah khan nichinah hei kan member zahawmtak Pu Lalthansanga`n a rawn sawi pakhat leh, kan member-te kan ring ta lo em ni? Engati nge ngaih an ti tha lo em ni ? an rawn tih lai kha, kan Aizawl Municipal Council hi vawinah chuan a buai lo tih kan hria a, mahse a buai a, vawinah, tun financial year ringawtah pawh vaibelchhe 10 ai tam an mahniah, Aizawl khawpui cheimawina atan an kuta pek a ni

tawh a, nakum lamah chuan vaibelchhe 20 chuangte a rawn lut dawn a. Khang kha tha taka a kal theih kan duh a, Unforeseen, nakinah rilru inthlakte a awm loh nan vawiinah heng bill hi kan putluh a ngai a. Kan hriat theuh angin P.C. party-te pawh Pu Dy. Speaker, an party kan en a, phel leh thei tawh lo tura kan ngaih lai pawhin hmanni lawkah an party chu lian takin a phel mai a ni. Lunglei lamah phei chuan 80% an chhuak tihte a ni a, khatiang kha thil awm thei tur kan ven nan Pu Dy. Speaker, he bill hi kan han sawi.....

Pu LALDUHOMA : Nichina amendment kha khatiang chiah tho kha 3 (a) ah hian a ngaiin a lang tlat mai a, split chungchangah hian. ...political party in such group consist of not less than one third of members of such political party tih a ni tho tho a ni. Kha kha Councilor a thlak leh chi a nia, tihfel nghal nisela. Tin, 1(b) ah khan contrary to any direction issued by the political party to which he belongs or by any person or authorized tih a ni a, or authority authorized tih tur ni awm tak a ni. Constitution schedule 10th-a a inzhiah danah pawh kha chu chu a ni, kha pawh kha tih nghal law law ava tha awm ve maw le. ‘To which he belongs or any person or authority authorized by it’ a rawn ni zui dawn ta a ni. Authority tih kha ziah belh a ngaih hmeh khawp mai.

Pu ZODINTLUANGA, MINISTER : Pu Dy. Speaker, nichina kan sawi tawh ang khan minor neuh neuh siam phalna min pe turin House zahawm tak hi ka rawn dil a, kan Member zawng zawngte he Mizoram Municipality Authorities (Prohibition of Defection) Bill, 2011 hi min pass sak turin ka rawn dil a ni.

DEPUTY SPEAKER : Le, a bill neituin verbal amendment nen passe a rawn dil a, kan buk ang a, rem ti in ‘rem ti’ ti rawh ule, rem ti lo kan awm em? ‘Rem ti lo’ ti rawh ule. ‘Rem ti’ tih kha a thawm a lian deuh zawk awm e.

Awle, “The Mizoram Municipality Authorities (Prohibition of Defection) Bill, 2011” chu House-in lungrual takin a passed ta a ni.

Pu ZODINTLUANGA, MINISTER : Pu Dy. Speaker, ka lawm e.

DEPUTY SPEAKER : Tikhan vawiina kan tih tur chu kan zo ta a, kan chawl tawh ang a. Naktuk Ni 12.7.2011 Thawhlehi chawhma dar 10:30 ah kan thukhawm leh dawn nia.

Sitting is adjourned.